



APOLOGIA

PRO IVRAMENTO FIDELITATIS,

Primum quidem ANONYMOS: Nunc
verò ab Ipso AVCTORE, Serenissimo ac
Potentiss. Principe, *JACOBO Dei gratia
MAGNÆ BRITANNIÆ Franciæ
& Hiberniæ Rege, FIDEI De-
fensore* denuò edita.

Cui præmissa est PRAEFATIO MONI-
TORIA Sacratiss. Cæsari RODOLPHO II.
Semper AVGVSTO, Cæterisque Christiani Orbis
Sereniss. ac Potentiss. Monarchæ ac Regibus: Illu-
striss. Celsissimisque Liberis Principi-
bus, Rebus publicis atque Ordi-
nibus inscripta, eodem
AVCTORE.

PSAL. 2. Vers. 10.

Et nunc Reges intelligite; erudimini qui iudicatu tenetis.

ROM. 14. Vers. 13.

*Non ergo amplius invicem iudicemus; Sed hoc iudicate
magis, ne ponatis offendiculum fratri, vel scandalum.*

LONDINI.

Excudebat *Ioannes Norton*, Serenissimæ
Regiæ Maiestatis, in Latinis, Græcæ,
& Hebræis Typographus.

ANNO 1609.

Cum privilegio Regali.



SACRATISSIMO
ATQUE INVICTISSIMO
PRINCIPI AC DOMINO
RODOLPHO II.

ROM. IMP. *Semper*
AVGVSTO;

SERENISSIMIS ATQUE
POTENTISSIMIS
CHRISTIANI ORBIS
MONARCHIS ac
REGIBVS;

ILLVSTRISSIMIS CEL-
SISSIMISQVE LIBERIS
PRINCIPIBVS, REBVS-
PVBLICIS ATQVE
Ordinibus;

FRATRIBVS, CONSANGVINEIS,
AFFINIBVS, FOEDERATIS, *atque*
Amicis Charissimis,

IACOBVS

IACOBVS DEI
GRATIA, MAGNAE
BRITANNIAE, FRANCIAE
& HIBERNIAE
REX,

FIDEI Verè Christianæ, Ca-
tholicæ, Apostolicæ, Veterisque ac
*Primitivæ Ecclesiæ, tot Episcopo-
rum, aliorumq; Fidelium Martyrij
gloriâ coronatorum sanguine
Illustris, Propagator, ac
DEFENSOR:*

IN CHRISTO IESV,
omnium nostrum SERVATORE
ac MEDIATORE VNICO, SA-
LUTEM *Fœlicitatémq;
perpetuam.*



SACRA



S A C R A T I S S I M E
A T Q V E I N V I C T I S -
S I M E I M P E R A T O R ,
S E R E N I S S I M I P O -
T E N T I S S I M I Q V E R E G E S , I L -
L V S T R I S S I M I C E L S I S S I M I -
Q V E P R I N C I P E S , I N C L Y T I
O R D I N E S , F R A T R E S , C O N -
S A N G V I N E I , A F F I N E S , F O E -
D E R A T I A T Q V E A M I C I
C H A R I S S I M I ,

VOBIS, ad quos iure ac merito
pertinet, consacro dedicóque Monito-
riam hanc meam Prefationem, quam
Apologia pro Iuramento fidelitatis
iam secundum edita, visum est prae-
figere. Causa enim communis agitur, &
qua ad ius dignitatemq. pertinet omni-
um non modo Regum, sed aliorum eti-
am quibuscunq. suprema est à Deo re-
rum Civilium demandata potestas.
Quòd si in omni societate, sine univer-
sitate

sitate civium, siue opificum collegijs, v-
nicuiq; ea cura est, ne quid ex illius
communitatis, cui fidem dedit, privi-
legijs delibetur; omnesque adeò com-
munem agi rem existimantes coitione
facta cuius se periculo potius obijciunt,
quàm ut vel tantillum de immunitati-
bussuis detrahi patiantur: si tenuioris,
inquam, fortuna hominibus tantus in-
sedit animorum ardor, tanta tuendo-
rum iurium & privilegiorum sollici-
tudo, ut iniuriam, vel infimo cuique
illatam, omnes ad se pertinere pu-
tent; quid nobis in pari causâ facien-
dum, quos Deus in altissimo dignitatis
gradu, quasi suos Vicarios & Legatos
ad exercenda iudicia, in suo solio collo-
cavit?

Qua me ratio impulit, ut rem vobis
exponerem, qua non tam propriè me at-
tingit, quàm ad vires auctoritatis no-
stra (de Regibus generatim loquor)
debilitandas, & iura conucllenda, adi-
tum patefacit. Cum autem Pronun-
ciatum sit, non omnium modo gentium
ordinumque moribus inuiolate recep-
tum, sed & iuris Civilis, quo maxima
pars

pars orbis Christiani regitur, auctoritate comprobatum, ut aquas in disceptando partes obtineant, qui consimilem fouent causam: quanto magis vestra hoc interest quod nunc agitur, cum non in pari aut simili, sed eadem prorsus causa versemini, quam una mecum omnes aut fouetis, aut saltem fouere debetis? Quoniam igitur una eademque omnium est causa, cum Civilia, tum Municipalia omnium populorum iura concedunt, monentque, ut simul ad patrocinium coeant, quos eadem causa, & unum discrimen coniungit. Quin & ipse Naturæ sensus hoc docet, quod Poëta cecinit:

— ecquid

Ad te post paulò ventura pericula sentis?

Nam tua res agitur, paries cum proximus ardet.

Expergiscimini igitur, dum tempus est, & licet, neque finite somno diuturniore incidi in singulis, ad ruinam vniuersorum, auctoritatis vestrae nervos; qui iunctis viribus complicati, velut in laqueum excrescerent tam validum, ut si hostis eum rumpere pertendat, cum Achitophèle potius suffocetur,

tur, quam perfringendo possit euadere. Nunc dum singuli pugnant, vniuersi vincuntur.

Quod autem ad Apologiam attinet, certè mihi visum non fuit, ut cùm primum est edita, frontem eius nomine meo insignirem; neq; ea tamen mente, ut eam aliquando eurrarem. Satis insidebat animo, quod excerptum ex Scripturis in Prefatione ad Lectorem in ΒΑΣΙΛΙΚΟΝ ΔΩΡΟΝ inferui, Nihil tam occultum esse, quod non aliquando reuelabitur: quo in loco sum pollicitus (nec auspice Deo data fidei deero) nihil me in secretissimis penetralibus moliturum, quod, si foras sit prolatum, possit mihi ruboris pudorisue necessitatem asferre.

Apologiam sanè meam suppresso auctoris nomine primum emisi, cùm hoc mihi consilium duabus potissimum de causis placuisset. Prior erat, ipsius rei de qua agebatur argumentum; altera, hominum quibuscum negotium erat conditio. Res enim & materia scribendi, ad quam accingebam, tractatus erat argumentis & questionibus

Theologicis plenus, quibus insurandū fidelitatis ab eorum, qui in illud scripserant, calumnijs asserebam. Mihi autem penè indignum videbatur nomen Regium libris eiusmodi, qui scholasticas disputationes continent, præfigi; cum potius e Maiestate nostrā sit Edicta & Decreta scribere. Nam neq, me Pontifice vlla ex parte inferiorem esse credo, (pace illius dixerim) quem eādē ratione Censores meæ Apologie excusant: eum quippe Brenia strictim & præcisè conscripsisse; nec aut rationes aut argumenta addidisse; quòd non sit illius disputare, sed iudicare atque decernere.

Altera tacendi nominis ratio mihi fuit, eorum cōditio cum quibus ad disceptandum descendebam. Quanquam enim paucis Pōtificia Brenia notabam, mihi tamen id præcipuè laboris dederam, ut Bellarmini literas ad Blackwellum refellerem. Neque verò mihi unquam persuasi, tantum esse in purpura Cardinalitia dignitatis, ut occurrere Regio fulgori par ac emula, & velut equali maiestate cum eo possit ad

certamen componi. Nam & multa mil-
 lia in subditis habeo, qui splendore na-
 talium Bellarmino non concedant: &
 hanc illius Ecclesiasticam dignitatem,
 Cardinalatum inquam, nescio quo lo-
 co, aut precio habeam, siue ad Scriptu-
 rarum auctoritatem, siue ad Impera-
 torum Constitutiones expendam: cum
 sit nihil aliud, quam noua Paparum in-
 stitutio, quam in immensum excresce-
 re decessorum nostrorum, Regum in-
 quam, qui his aliquot seculis rem Chri-
 stianam rexerunt, mollis, & ad omnia
 Pontifici conueniens lenitas permisit. Sed
 & quanquam Apologia meum nomen
 non prescripsi, nihilominus vestrum ali-
 quot, ad quos hoc quod agitur potissi-
 mum spectat, Fratres & Consanguinei
 mei charissimi, ex Legatis suis rescire
 potuerunt, me, nihil dissimulato no-
 mine, cum primum ille liber prodisset,
 ijs aliquot exemplaria obtulisse, aucto-
 remque palam esse professum. Anglus
 item Paragraphista, vel potius pe-
 tulans ille atque peruersus Parsonius
 (quandoquidem suo illo P. tantopere
 delectatur) recte verèq; animaduer-
 tit,

tit, mea insignia ipsi fronti voluminis
praposita fuisse: quod haud temere fit
in libris, quos priuati homines euul-
gant. Unde facile est ipsius malam
mentem arguere, qui ut in me inueha-
tur atrocius, Auctoris ignorancem
pratendit. Nunc verò quum animad-
uertam, licet ab Apologia nomen me-
um abstinnuerim, Censores tamen meos
nihilò mitiores factos, calamum à con-
uitiorum plaustris non abstinnuisse: (nec
enim pepercerunt in me inclementer
dicere, modò nominatim ac directè,
modò obliquè auctorem exagitando)
iam omnino maturum est velum exu-
ere, nec dubitanter aut furtim meos
foetus agnoscere, tanquam pudendos &
exponendos produxissem. Sed ut me-
lius totius quæstionis vim ac rationem
percipere possitis, à principio omnia re-
petenda sunt, & quibus initijs ac fun-
damentis hac tanta controuersia exci-
tata est.

Horrenda illa & prodigiosa coniu-
ratio, quæ per tormentarij pulueris im-
petum destinabatur, de cuius flagitij
immanitate nulla vnquam ætas conti-

cescet, (quanquam illius mentio tam
 saepe repetita mitem, ac misericordem
 Parsonij animum perfodiat) non in me
 tantum meosq; posteros inita, publicos
 etiam Regni Ordines euertere ac dele-
 re instituerat; nec alij tati facinoris au-
 ctiores, quam Papista aliquot, prapo-
 stero suae Religionis subuehenda zelo,
 ad hanc immanitatem inducti. Ex ijs
 nonnulli tantâ pertinaciâ obstinauerant
 scelus, ut nec in supremo vitae articulo
 detestarentur suum crimen, supremisq;
 verbis, & penè supernueniente morte
 precis, reos se ullius flagitij confiteri
 abnuerent, aut petere cogitati facinoris
 veniam, nisi prius Romana Ecclesia, hoc
 tanta coniurationis consilium, suâ sen-
 tentiâ damnanisset. Nec multò post in-
 notuit, non paucos ex meorum subdito-
 rum numero, qui Romanam religio-
 nem profitentur, omnis conditionis atq;
 sexus, alios domi, alios foris & apud
 gentes exteras, confusa & obscura sig-
 nificatione rescivisse, magnum aliquid,
 quo Romana Ecclesiae utilitas promoue-
 retur, in id coeuntium Ordinum tem-
 pus comparari: quanquam illis, ne vul-
 gata

gatares secretum omne perderet, destinata rei modus, ac consiliorum ratio nequaquam proderetur. Sed & certa precationū formula concepta, & à multis usurpata, quibus prosperos successus tanto & tam gravi negotio precabantur. Ipsi quoque coniurationis auctores atque architecti in constantie sue pignus, & silentij auctoramentum, sapius, & multorum sacerdotum ministro, Eucharistie sacramento sumpto, animos suos ad flagitium obfirmarunt.

Quidam præterea ex Iesuitarum primarijs contagione tanti sceleris infecti, ex his aliquot matura ad exterarum gentes fuga vim iudiciorum eluserunt. intercepti aliquot (inter quos Sanctus ille Garnetus & Ouldornius) & facinus confitentes, capitis supplicio affecti sunt.

Hec tanta & tam atrox coniuratio, tot circumstantijs infamis, utrum illis Regni Ordinibus, in quorum exitum conflata fuerat, iustam occasionem præbuerit, ut cum primū deinde convenissent, magno, ardentique animo omnes vias quererent, inirentque, quibus posset deprehendi, an adhuc restarent hinc ali-

qui, qui cum coniuratis in tam immani scelere sentirent; id verò vestri iudicii sit, quos Deus precipuos sibi in terris Vicarios in administratione Iustitiæ esse iussit. Inter cetera, quæ ad hanc rem facere videbantur, hoc etiam fidelitatis Insurandum, quod hodie tam indignè ab iniquis æstimatoribus carpitur, sancitum, & inter publica Ordinum decreta relatum est. Quòd si tunc leges aliqua tristiore sunt in Papiastas lata, qui tamen receptis hîc antea legibus minùs audientes erant, sanè temporis, lociq; & hominum denique ratio, qui eas ferebant, vobis omnem, seu mirandi, seu indignandi ansam præripiet; cùm hæc omnia seueritatem istam legum in Pontificios non tam suaserint, quam extorserint. Tempus erat, proximus Ordinum conuentus post patefactum & illustratum coniurationis scelus. Locus autem idem ille, in quem parata fuerat sulphureorum fulminum immanitas: ut, vel parietum aspectus ipse, ad tam recentis atrocitatis memoriam intuentes excitaret. Ipsi quoque Homines non aliq, quàm qui publicè ad celeberrimum

num illum Conuentum fuerant delegati; quibus nempe tam cruentum funestumque exitium intentabatur. Ita tamen animus meus, & instituta administrandarum rerum ratio, ab omni acerbitate abhorret, ut vix ulla ad superiores leges seuerior accessio in hunc usque diem executioni mandata sit. Atque ut certioribus indicijs perditam horum conuitiatorum malitiam deprehendere possitis, qui hoc insurandum excogitatum esse impudenter asserunt, ad improvidorum Pontificiorum conscientias in causis fidei in fraudem illiendi, rem omnem paucis expediam.

Ea pars publicorum Ordinum, quae inferiore Curia continetur, (inferiorem domum Parliamenti vocant) cum primum conciperetur iurisiurandi formula, clausulam inseruerat, quam Pontifici excommunicandi mei potestas adimebatur. sed hanc clausulam induci protinus ac deleri volui, ut vis alia huius iurisiurandi non esset, quam excommunicationem Pontificis, iustam ac legitimam causam meis subditis ministrare non posse, ut quicquam apertis aut clandestinis

destinis consilijs, in me, meumque imperium moliantur: qui abdicandorum Regum ius, nullo legitimo modo Pontifici questum esse censeam: & hanc iniustam Paparum usurpationem & violentiam secularem, Excommunicationis, quæ spiritualis censura est, fines longe lateque excedere arbitrer. Tanto studio, tantæque sollicitudine cauebam, ne quicquam hoc iureiurando contineretur, præter fidelitatis illius, civilis, & temporalis obedientie professionem, quam ipsa Natura omnibus sub regno nascentibus præscribit: addita sponsione, qua opem & auxilium contra omnem vim debitæ fidei aduersam à subditis stipulabar.

Hoc igitur iusiurandum tantis tamque iustis rationibus subnixum, tam æqua tamque moderata formula conceptum, cuius unus ille finis erat, ut Pontificij nequaquam turbulenti, ceteræque boni cives, ab eis dignoscerentur, quorum animis opiniones illæ furiosæ & sanguinarie inheserant, quæ coniurationem nitrati pulueris pepererunt: Hoc, inquam, iusiurandum cum promulgatum esset, posuiturque

positumque iam in usu, tantum turbarum in Pontificis, Cleriq³ Pontificij animis concinit, ut instar undarum undas superuenientium ipsa Breuia in Angliam certatim aduolarent, quibus interdicebatur Catholicis, ne se illius sacramenti religione obligarent: rem esse fidei contrariam, quamque ipsi sine iactura animarum admittere non possent. Cardinalis quoque Bellarmini littere ad Blackwellum allatae sunt, in eandem sententiam quidem scriptae, sed quibus prolixius de hoc iureiurando differebatur.

Hic ego tam equi iurisiurandi tamq³ legitimi tam iniustam oppugnationem mecum perpendere; hic metuire, ne Sophistarum illorum calumnijs & argutis rudes simplicioris vulgi animi, religionis & conscientiae obtentu, in fraudem inducerentur. Visum itaque esse, ut huius iurisiurandi Apologiam ederem, in qua suscipiebam probandum, nihil in eo contineri, nisi quod ad obedientiam merè civilem ac temporalem spectat, qualis summis Principibus à subditis debetur: huic autem equissime

equissima legi controuersiam non aliunde esse motam, quàm ab ambitiosâ Pontificum tyrannide, quam illi contra auctoritatem scripturarum, contra Conciliorum antiquorûmque Patrum mentem sibi in temporalia Regum iura & auctoritatem iniuste usurparunt: in qua quidem Regum auctoritate asserenda totam meam Apologiam impendi.

Sed cum id operis emissem, ecce tibi exortos subito duos Censores, qui non tam argumentis in librum, quàm in me conuictis certauerunt; ut impudentiam hominum omnes merito mirentur. Cum enim librum Anglico sermone conscripssem, qui, pro argumento, iurisurandi Anglicani patrociniûm complecteretur, totâq; res Anglos meos potissimum tangeret; & mox aliqui, faciliorem illi viam ad exterarum gentes sterni cupientes, eundem latinitate donassent; rediit ad me non multo post male mulctatus, & utroque idiomate vapulans. Atq; equidem credo, si tot tamq; varijs linguis prodisset, quotquot erant in illa confusione Babylonica, vexatum illis omnibus fuisse rediturum: ex quo intelligas, quàm impiger

impiger sit Diabolus, & quàm in omnes occasiones intentus, quò venenatas suas merces extrudat. Sed illorum malam mentem vel hoc ipsum liquidò arguat, quòd me statim gemina cōfutatione exceperint: Blackwelli autem Archipresbyteri libro (quo ille huius iurisiurandi aequitatem, & ius Regum in rebus civilibus innumeris Scholasticorum Pontificiorum testimonijs, tuetur) ne verbo quidem responderint.

Quod ad istum, qui mihi Anglicè respondit, fugitium illum meum, & officiorū, quæ mihi iure natura debuit, eiuratorem; neque sacras vestras aures violari, neque stylum meum fœdari patiar, in eo homuncione depingendo; qui non erubuit, immò non exhorruit debacchari, atque acerbitatis suæ virus in Reginam recentis fœlicisq; memoria euomere. Subditūmne Principi naturali maledicere? Virum fœmina, eique Heroine conuitiari? Hominem pium, externa saltem professione, in demortuam impiè insultare? Denique Rhadamanti hi munus inuadere, sedere atq; agere Iudicem apud inferos? Hoc illum cruciat

οὐχ ὅτι
φθιμὸς
οὐ καὶ ο-
περ.

cruciat scilicet; hinc omnis illius furor
 & rabies, quod ferre non potest, vel me
 successorem, vel quenquam ex eius mi-
 nistris, quicquam honorificè de ea præ-
 dicare. Maledictus, qui maledicit un-
 cto Domini: pereatque interitu Core,
 qui peccavit in contradictione Core: fo-
 ras eiusmodi canes, porci que cyciantur,
 extra cælestem, dico, Ierusalem.

Venio nunc ad illum, qui Latine in
 me scripsit. sanè de homine ipso quod di-
 cam, non habeo: ex subditis meis non
 est; Domino suo stat, vel cadit. hoc ta-
 men mihi constat, utrumq; eorū iecisse
 sortem super libro meo, quem diuidere
 non poterant. fugitivo meo obtigit, ut
 defuncta Regina memoriam conuictis
 oneraret; sed non alia re, quam resste
 refellenda sunt huius rabule mendacia.
 Alteri externo, ut me meamque A-
 pologiam petulantius lacefferet, quod
 & videbatur maiori cum audacia fa-
 cturus, & reuera confidentius prestitit:
 sed quam iuste siue ipsam materiam,
 siue tractandi modum spectes, nunc vi-
 dendum.

Primum quidem, quis illi libro au-
 ctor

Etor sit, tantum ex coniectura augurari
 possum. id nominis sibi adscripsit, Mat-
 theus Tortus Cardinali Bellarmino à
 sacellis; distortus sanè Doctor, tortuosa
 Matologia imbutus; auctor obscurus;
 mihi quidem prorsus incognitus, & pa-
 rum ut opinor, ex ullis suis operibus orbi
 notus. Quis non igitur perditum ne-
 bulonem arbitretur, qui non in refutan-
 do tantum Rege, sed etiam calumnijs
 onerando, prima artis sue rudimenta
 posuerit? Verum quisquis totius libri
 seriem accuratè perpenderit, quàm e-
 lato spiritu styloque decurrat, ut nec to-
 ti Regum ordini, nec mihi nominatim
 ipsi pepercit, quanto denique fastu &
 supercilio, hæc & similia in eo scriban-
 tur; ^a Habemus enim exemplaria
 Breuium illorum in manibus: &
^b Decernimus &c. id quicquid est o-
 peris, Cardinali certè potius quàm il-
 lius ministro imputauerit, ac quo loco
 præcipuè ^c certitudinem suam mora-
 lem, & suum illud piè credi sibi à me
 obiectum conqueritur, fædo memorie
 lapsu suam ipse larnam prodens, ^d Mala
 fide nobiscum agit, inquit; hoc ipso
 non

^a Pag. 46^b Pag. 63^c Pag. 69^d Ibid.
69.

non alium esse se à Bellarmino confessus. Sed sit sanè Torti, quisquis ille est, non autem personati Cardinalis liber: factum omnino prestare Cardinalem, oportet, cum & bonus iste Tortus ex illius familià sit, & patrocinatorus Domino causam suscepit; cum sit, inquam, negotiū Bellarmini, & per seruum tanquam procuratorem gestum, quicquid in eo actum est, non potest non Bellarmino imputari; cum præsertim Angelus ille mee Apologiae oppugnator, quater prædixerit, eam aut operà Bellarmini aut mandato propediem refutandam.

Nunc verò rem ipsam, obsecro, & modum respondendi videamus. certè modus ipse ab omni modestia alienus, dehonestanda materiae abunde suffecerit. Primum enim ad arrogantiam suam prodendam, in Prefatione Typographo Politano adscripta, qui hunc elegantem (ita enim appellat) libellum excudit, Cardinalitiam dignitatem in omnibus cum mea componere voluit. Tortum enim, licet obscurum & ignobilem fateatur, cum sit tamen a Sacellis Cardinali, satis idoneus, scilicet, ei videtur,

videtur, qui e *Anglico libro* respondeat sine nomine auctoris enulгато : quasi supposititium & obscurum nomen libro Cardinalis prepositum, Regis libro, qui nullum auctoris nomen præ se ferret, refellendo sufficeret : aut Cardinalis Sacellanus Decanum Regij Sacelli equare debeat ; quem, ut videtur, Parsonius cum Cardinale conspirans auctorem *Apologie* inscripsit. Nec in Prefatione solum, hac se mihi maiestatis comparatione adacquauit ; sed eodem ubique fastu tota libri series intumescit. quam ego in scribendo breuitatem, eandem ipse in respondendo sequi voluit : quo compendio in secundo Pontificis Breui refutando usus eram, eodem in me voluit uti, meoque exemplo sese penè intra unius pagine angustias coercere. Et quoniam Sacramenti fidelitatis summam in articulos quatuordecim distribui, peccare in suam amplitudinem credidisset, nisi & publicorum Ordinum edictum, quo istud iniurandum continetur, in totidem particulas diuississet. Quòd si inani hac superbià & amplitudinis sua ostentatione

tione ita animum expleuisset, ut à gra-
 uiori in me iniuria temperaret; videri
 sanè tolerabilior potuisset. Nunc verò
 quid esse causa dicat, cur penè conti-
 nuis in me, meamque Apologiam con-
 uicijs suam responsionem referferit?
 Nam cum in tota mea Apologia nus-
 quam Bellarminum verbo atrociorē
 laferim, & precipuè id cauerim, ne ho-
 minem mendacij insimularem; ille,
 hanc lege humanitatis spretâ, nouies di-
 sertis verbis me mentiri pronunciat, &
 septies falsi arguit: quod perinde est,
 ac si mendacium mihi exprobraret. ce-
 teris verò contumelijs, nescio an vlla
 pars libri vacet, cuiusmodi sunt: Nu-
 gæ, conuitia, temeritas, vanitas,
 impudentia, blasphemix, sermonis
 barbaries, cum eadem felicitate scri-
 bendi, cauillationes, applicatio in-
 epta, fingere historias, audacia quæ
 in hominem sanæ mentis cadere non
 potest, vel sensu communi caret, im-
 peritia & leuitas, omnem omnino
 pudorem & conscientiam exuisse,
 mala fide nobiscum agit, ut lectori-
 bus per fas & nefas imponat. His

& eiusmodi conuicijs, nescio ullamne
 paginam immunem reliquerit, nisi fortè
 ubi inutili otio abutens, Pontificia Bre-
 uia, suamque ipsius epistolam recitat.
 Sed hæc forte in ignotum Apologia au-
 ctorem solummodo; quem tamen (ut
 supra demonstravi) probè norat probra
 mittebat: immo verò nec mihi ipsi, nec
 nomini meo pepercit. Modò affirmat
 Clementem Pontificem sensisse, me
^a non abhorre à fide Catholica;
 modò, me ^b in Scotia Puritanum, &
 Protestantium inimicum extitisse:
 alibi concludit, ^c Quia Iacobus non
 est Catholicus, hoc ipso hæreticus
 est: iterum, ^d Ex Christiano Calui-
 nistam fecerunt: alio loco, ^e Neque
 omnino verum est, Iacobum nun-
 quam deseruisse religionem, quam
 primò susceperat. Et posteaquam
 Iuliano Apostata me contulisset, hoc ar-
 gumento rem concludit, ^f Cum Catho-
 licus non sit, neque Christianus est.
 Sit hæc honesta necne ratio cum Rege a-
 gendi, vestro sanè iudicio relinquo; quos
 non potest tanta contumelia uni vestri
 ordinis illata, non grauitè commouere.

Iam

^a Tortus
 pag. 47.
^b Pag. 98

^c Pag. 87

^d Pag. 98

^e Ibid.

^f Pag. 97

Iam verò argumentum, & subiecta
 materia libri, modo tractandi probè con-
 uenit: nusquam enim ad id, in quo causse
 cardo vertitur, directè respondet. quippe
 duo tantum sunt capita, de quibus in A-
 pologiâ disserui, ut suprâ monui. Prius,
 ut probarem in fidelitatis Sacramento,
 nihil aliud, quàm obedientiam merè Ci-
 uilem & Secularem, summis Principi-
 bus à subditis debitam, contineri. Al-
 terum, ut ostenderem, hanc in Reges po-
 testatem à Pontificibus iniquè usurpa-
 tam, cum Scripturis, Concilijs, & Pa-
 tribus pugnare. Prius, non aliter quàm
 hac vitiosa consequutione refutat: cum
 hoc iureiurando, ius abdicandorum Re-
 gum, Pontifici negetur; ne quidem ex-
 communicandorum potestatem illi relin-
 qui. Nec posterius disputationis mee ca-
 put alijs machinis adoritur, quàm illis
 Christi verbis, Pisce oues meas: &
 Tibi dabo clauēs regni cœlorum:
 &, Nemini vnquam Catholico id
 dubium fuisse: ut asseuerare verè pos-
 sim, aut non ab eo intelligi meum li-
 brum; aut certè ignorationem simulari,
 eò quòd nusquam, appositè respondeat
 primaria

primariae questioni; ut supra demonstratum est. Itaque iure optimo possum in ipsum ignorantiae sugillationem retorquere, cuius me temerè damnauit initio libri, dum affirmat me, nec Pontificis Breuia, nec epistolam, nec iuramentum ipsum intelligere. Ceterum ut hac vitiosa conequutione delictatus, eandem ad fastidium repetit, in eaque triumphat, non posse Pontifici coercendorum & proscribendorum Regum ius, nisi cum Primatu & spirituali excommunicationis potestate, auferri: ita hoc verborum fundamento, Pasce oues meas, immane quàm amplum solutumque imperium Pontifici extruat; quo ad libidinem condonare atque adimere regna possit: huic tamen seruituti, non alios quàm Christianos Reges addicens. Nec dubito, quin pro Imperij vestri Maestate, iniuriam tam indignè auctoritati vestrae illatam sitis grauer laturi: praesertim cum illis omnibus è vestro numero, qui Romanam amplectuntur religionem, hoc, magis quàm mihi, prouidendum sit. Nam cum me haeticis annumeret, cum Iuliano

ano Apostata aequet, extra causam, etiam, gregemque Pontificium, esse pariter necesse est. Eodem itaque iure cum Ethnicis Principibus censendus sum, in quos ipse nihil posse Pontificem fatetur. At vos, de Pontificio grege estis: vos magnus ille Pastor instar ouium ad occisionem ducere pro libidine sua potest. Cum aselli auriculas vellet Leo pro cornibus accipi, idem omnes sentire oportebat; & vos pura fortasse nitidaque cute, nihilominus ut scabie infecta oves, segregandi prorsus estis, si vos censura Pontificia tales esse indicaret.

Sic novum & egregium, scilicet, sensum his Christi verbis affinxit, Pascite oves meas: tanquam hoc significarent, Tolle, proscribe, abdica Christianos Principes atque Reges: Illis quoque, Quodcumque solueris, quibus potestatem Pontifici datam esse contendit, in omni iuramentorum, votorumque, mulctarum quoque, censurarum, atque legum genere dispensandi: immo & solvendi naturale hoc vinculum, quod subditos ad obtemperandum suis Principibus astringit: interpretationem absurdam,

dam, eique simillimam, quam nuper ex illius fratribus unus ridiculè diuulgauit: nam hæc verba, quæ Petro in ecstasi in raptò dicta sunt: Surge Petre, occide, & manduca: ita^a Baronius exponit: Age, Papa, confice Venetos, penitusq; disperde.

a Sent.
Baron.
super ex-
com. Ve-
net.

Sed est totus in fermento, quòd sententià ex Controuersiarum opere productà, alienum à Regibus eius animum detexerim. Nam cum in ea parte, quæ est de Clericis, eò audacia deuenierit, ut Ecclesiasticos homines, omni terrenorum Regum potestate solutos pronunciet: nec eos, vel in ciuilibus rebus, ad obsequium posse adigi, nisi tantummodo vi rationis, & pro arbitrato suo, pacis & tranquillitatis publicæ conseruanda gratià: quia, inquam, citans hunc locum in libro meo, mirabundus refero, eximere illum omnes Clericos potestate Regum, etiam eorum sub quorum imperio nati sunt, & in quorum regnis degunt: Tortus, meis verbis commotus, additionem esse ait, ad concitandum ipsi odium, & conflandam inuidiam, astute insertam.

Lib. de
Clericis
cap. 28.

Pag. 135

Affirmat quidem Bellarminus cum communi sententia Catholicorum, *inquit*, Ecclesiasticos exemptos esse à potestate Principum terrenorum: sed illas particulas, qui & nati sunt, & degunt in regnis Principum, Bellarminus in libro suo non posuit: quasi verò hæc verba, de omnibus Ecclesiasticis, Regibusq; omnibus absolute prolata, non eum, quem elici sensum faciant. Nam ne Laici quidem, ut Clericos mittam, alijs quam legitimis suis Principibus ad obsequendi parendique necessitatem tenentur. Sed nec erubescit confiteri, eam sibi fuisse mentem, quam argui: Non quòd, *inquit*, Verum esse non existimè; sed quia non erat opus ad ista descendere. *mibi autem succenset, quòd arcanum eius extulerim, iam pridem typis ab ipso auctore emulgatum. Sed quorum ille odium, in hoc pertinuit? nonne vestrum? quorumue interest, nisi Regum, nequid prerogatiuis regalibus detrahatur? Quòd si potentissimus quisque vestrum altè serioque recogitet, penè tertiam populi solique vestri partem, Ecclesiæ esse dica-*

dicatam; nonne illius, quæso, iactura
 sensus animos vestros percutiet, quæ tan-
 tum hominum fundorūque vestro iuri
 subtrahat, ut ubique Pontifici colonia
 provinciæq; constituentur? immo, quan-
 tum spinarum & tribulorum in medijs
 vestris ditionibus relinquitur, cum as-
 seratur tam potens hominum factio sub
 imperijs vestris nasci, educari, optimisq;
 pradijs frui posse, quæ à vestrà potestate
 immunis sit, nec ullo iure vestris legibus
 iudicijsque subiecta? Adeo ut, cum
 antiquitus, Clerici nihil ultra decimas
 appeterent, isque contenti viverent;
 nunc Papa Clericorum caput, non nisi
 tertiâ civium & bonorum ac fundorum
 parte, in omnibus Regnis & provincijs
 acceptâ, acquiescat. Sed nec hoc tan-
 tum loco prerogativam illam Papæ in
 Reges Principesque exequitur; totam
 libri seriem tum in eâ extollendâ im-
 pendit; tum in iniquâ meâ seueritate
 accusandâ, quod Catholicos homines
 adigam ad hoc fidelitatis sacramentum,
 quod euincere nitiur, nihil esse præter
 antiquum illud Primatus iuramen-
 tum, nunc recens verbis obscuriori-

bus, & per ambages circumlocutionum formatum, in hoc tantum, ut clandestinis machinis spiritualis Pontifici auctoritas eripiatur: quam ipse secularem Pontificis in Reges Dictaturam, precipuis Catholicae fidei articulis annumerat.

Ac ut vobis in perspicuo magis sit, non aliū mihi scopum in hoc negotio extitisse, quā ut de civili & temporali obedientia, quae mihi à subditis debetur, agerem; nec illorum conscientijs infidias à me esse comparatas (quod hic mihi Conuitiator falsissimè obiecit) primum illud videamus, quā longè Imperatores atq; Reges, qui superioribus saeculis religiosè Christianèque vixerant, ab eo absuerint, ut ius in se aliquod Pontifici esse crederent: cum contrā, Papas ipsi creauerint, in ordinem redegerint, adeoque de sede deiecerint. Instituam deinde decessorum meorum Regum Angliae Catalogum, qui eo ipso tempore, quores Pontificiae florentissime fuerunt, Pontificibus in eorum temporalem auctoritatem grassantibus animosè resisterunt.

Ac primum quidem, Imperatores Christiani, multis seculis, non modo Romano Antistiti non submittebant sua scepra, sed & Papa se Imperatorum Beneficiarium ac subditum omni obsequio & submissione fatebatur. huius assertionis probationes ac exempla ex mea Apologia peti possunt.

Sed & per etates complurimas certum ius ac inuiolatum apud Imperatores mansit, Romanos Pontifices creandi. Testis mihi princeps erit ille Pontifex, qui in^a Concilio 153. Episcoporum, Abbatumque decreuit, ut Carolo Magno Imperatori ius ac potestas esset; eligendi Papam, & ordinandi sedem Apostolicam: dignitatem quoque Patriatus ei concessit. Insuper Archiepiscopos & Episcopos per singulas prouincias ab eo inuestituram accipere definiuit: ut nisi à Rege laudetur & inuestiatur Episcopus, à nemine consecratur: & quicumq; contra hoc decretum ageret, anathematis vinculo eum innodauit: & nisi resipisceret, bona eius publicari præcepit.

a Sigebert. ad ann. 773.
Walther. Naumburg. lib. de Episc. inuest. Marr. Polon. ad annu 780. Theod. a Niem. de Priuil. & iurib. Imperij & dist. 63. C. Hadrian.

a Vide
Platinam
in vit. Pe-
lag. 2.
Gregor. 1.
& Seneri-
ni.

b Lib. de
Cler.

c In Chr.
ad an. 680

d In vit.
Agath. &
Anast. in

vit. Agat.
& Herm.

Contrast.
ad an. 678

edit. post
& dist. 63

c. Agatho

e Luitpr.
hist. lib. 6.

ca. 10. 11.

Rhegino
ad annum

963. &
Plat. in

vita Ioan.
13.

f Marian.
Scot. Sig.

Abbas
Vrîp. ad

an. 146
& Plat.
in vit.

Greg. 6.

Quod verò Imperatoris assensus longo annorum decursu, eligendis Pontificibus interuenerit, ^a Platina, multique ex Pontificijs scriptoribus testes sunt: atque ipse ^b Bellarminus in suo Controuersiarum opere hoc commodè eludere non potest. Quin & certam pecuniam, ut confirmationem obtinerent, Pontifices in Imperatorium fiscum dependere cogebantur, quem morem penè ad septingentesimum Christi annum durasse, ^c Sigebertus & ^d Luitprandus, aliique Pontificia sectæ historici, testes sunt.

Sed & passim occurrunt Imperatorum exempla, qui Romanis Pontificibus suam potestatem abrogarunt. ^e Ottho Imperator, Iohannem duodecimū Pontificatū abdicauit, quod esset varijs criminibus, ac præcipuè libidine infamis. ^f Henricus tertius Imperator exiguo temporis spatio, Benedictum nonum, Syluestrum tertium, & Gregorium sextum, Synodaliter deposuit, cum insinulatos auaritia, tum quòd hanc in Principes extraordinariam potestatem proteruè & procaciter surpassissent.

Nec

Nec minor Regum constantia, hoc in se ius Pontificis temporale aspernantium. nam primum, illustrium auctorum consensu, qui res Regum Christianorum Scriptis prodiderunt, accepimus (ut ^a Walthramus testis est) de Episcopis Hispaniæ, Scotiæ, Angliæ, Hungariæ, quomodo ex antiquâ institutione usque ad modernam novitatem, per Reges introierint cum pace temporalium, purè & integrè. Qui pacificè sollicitus est, reuoluat vitas Patrum, & historias legat, & intelligat. Ac ut hanc illius sententiam uniuersè prolatam, per partes & articulos probemus, ordiamur à Francia Regibus, quanquam à Walthramo in hac diuersarum gentium enumeratione prætermisissis. Ex illorum monumentis primum eruam, ^b Philippi, cui cognomen Pulchro fuit, illas celebres ad Bonifacium octauum literas, quarum (post ridiculam salutationem) initium in hæc verba conceptum est: Sciat tua maxima fatuitas, nos in temporalibus alicui non subesse, &c.

^c Ludonicus quoque nonus, qui San-

a Walthramo, Naumburg. lib. de inuestit. Epif. vixit circa annum 1110.

b Vide Annal. Franc. Nicolai Gilly in Philippo Pulchro.

c Anno 1268. ex arrestu Senatus Parisiensis.

a Ioan.
Maierius
lib. de
Schismat.
& Con-
cil.

Etus usurpatur, publicâ sanctione, quam Pragmaticam appellant, omnes Curia Papalis exactiones intra regnum suum prohibuit. Sub initia deinde Ludonici undecimi, ^a Pius secundus Pontifex, sanctionem illam ante tot annos latam agrè ferens, legatum cum solemnibus publicisq; literis ad Ludonicum transmisit, quibus vehementer efflagitabat illius promissi fidem, quo se Ludonicus, cum tantum Delphinatus Princeps esset, obstrinxerat, si quando Francico sceptro potiretur, se Pragmaticam sanctionem antiquaturum. Rex ad Parisiense Concilium, cui rem cognoscendam commiserat, Legatum literasque reiecit. ibi cum negotium agitari coeptum esset, Pontificia primum postulatio est à Iohanne Romano, Regis Aduocato, acriter oppugnata: in cuius sententiam cum Parisiensis Academia inisset, à Pontificijs conatibus, ad proximum generale Concilium provocatum est. Ita Cardinalis irarum plenus, re infectâ, discessit. Immensi laboris sit, & qui in volumina excrescat, sigillatim percensere, quoties Francia

Francia Reges, ipsâque Gallicana Ecclesia, Pontifici obstiterint; vel aliquod sibi ius in eos temporale arroganti; vel in ipsorum privilegia irrumpenti: adeo ut nec illi in ipsâ Beneficiorum collatione assenserint. sed & tanto studio à Regis Ecclesiaeque Gallicanae partibus, Sorbonista steterunt, ut senserint, si Pontifex Romanus Regi de eiusmodi rebus controuersiam mouisset, posse Ecclesiam Gallicanam sibi Patriarcham constituere, & à Romanâ sede deficere. Et Gersonus ille, cetera Romanae fidei tam pius rigidusque propugnator, tantum absuit ut ius istud saculare Pontificibus asseneret, ut contra, de Auferibilitate Papæ ab Ecclesia, librum scripserit, quanto magis à Regum ac Principum cernicibus? Nunc uerò ut cetera externorum Regum facta præteream, satis erit decessorum meorum aliquot, qui in Angliâ regnârunt, exempla memorare: ut omnibus inde constet, etiam illis saeculis quibus crassior caciôrque veritatis ignorantia Orbi incubuit, Angliæ Reges saepe, Pontificium ambitum, gliscentemque

tyrannidem non modò non tulisse, sed & illi fortiter restitisse.

a *Matt.*
Paris in
Henric.
1. anno
1140.

Atque in hoc ordine princeps mihi erit Rex *a* *Henricus id nominis post Conquestum primus*, qui concessit Episcopatum Wintoniensem Willielmo Gifford, & continuò de possessionibus cunctis ad Episcopatum pertinentibus, contra noui Concilij statuta inuestiuit.

b *Idem*
ibid. an.
1113.

b *Idem Henricus* dedit Archiepiscopatum Cantuariensem Radulpho Londinensi Episcopo, & illum per annulum & pastorem baculum inuestiuit.

c *Idem*
ibid. an.
1119.

c *Sed & Papa Calixtus Rhemis Concilium tenuit*, ad quod Rex Henricus quosdam Angliæ & Normanniæ Episcopos destinauit. Turstanus quoque Archiepiscopus Eboracensis electus, illuc veniendi licentiam à Rege impetrauit, interpositâ fide, quòd benedictionem ab eo non reciperet. Qui ad Concilium veniens, Romanos (sicut mos est) in suum fauorem largitatis beneficio transtulit: & per eos vt à

Papâ

Papâ consecraretur , impetrauit. Quod vt Regi Anglorum innotuit, omnem ei locum suæ dominationis interdixit.

^a *Rex Edwardus I. Abbati de Waltham, & Decano Ecclesie Sancti Pauli interdixit, ne decimas bonorum cuiusque in Hierosolymitani belli sumptum colligerent, quanquam hanc provinciam illis Pontifex tribus Bullis demandasset: Decanus verò, Abbate interim mortuo, Regi, Regiòque se stitit consilio, promisitque se, quâ erat in Regem, observantiâ, nihil ultra, nisi iussu nutûe Regis in eo negotio gesturum. Hic hominem Ecclesiasticum teneo, qui Papæ non paruit, vt Regi suo parêret, in rebus quoque Ecclesiasticis: nondum scilicet noua hæc Iesuitarum Theologia orbi innotuerat.*

Idem ille Edwardus, diem Decano Sacelli de Woluerhampton dici iussit, quod contra regni priuilegia ex sacelli sui Prebendis vnâ, ad Pontificis mandatum, cuiusdam contulisset. Decanus autem comparuit, culpâque confessus sese Regiæ clementiæ permisit.

Sed

a Ex archiuis Regni.

Sed & Dunelmensem Episcopum prerogatiuis ac privilegijs omnibus idem Rex spoliavit, quod prohibitorio cuidam interdicto minimè parvisset. Inde palàm est, nequaquam illius seculi Principes credidisse, Clericos à suà iurisdictione esse exemptos. Sed nunc sublimior quedam nobis & Seraphica in contrarium doctrina proponitur.

Denique ad pleniorẽ huius rei fidem faciendam Ioannis de Ibstock accedat exemplum, qui in carcerem ab eodem Edwardo coniectus est, quod totos septem annos apud Romanam Curiam Iudices, super Neuchurchiensi Reçtoratu contendisset.

Edwardus secundus paternis vestigijs insistens, Abbatem de Walden, quod Sancti Albani Abbatem cum alijs aliquot ad Romanam Curiam citauisset, primò ad causse dictionem vocari, mox & in custodiam duci iussit.

Eadẽ ratione, cum Bãburienfis quidã Præbendarius, Beuercotum quẽdam ad Romanã Curiam traxisset, literæ statim Regiæ intercesserũt, quibus capi Præbendarius, & custodie mandari iubebatur.

Nec

*Nec verò Edwardus tertius ab his Aui, Patrisque exemplis abiit. Cùm Lichensis Rector diem Priori Sancti Oswaldi dixisset, ut se Pontifici Aue-
nitione sisteret, quòd apud Indices in Cu-
ria Domini Regis pensionem quandam
contra ipsum recuperasset: Rex impe-
rauit, ut in temporalia simul ac spiritu-
alia eiusdem Rectoris bona inuadere-
tur. Idem cùm Harwoden quidam,
Pontificiam Bullam contra sententiam
à suis Iudicibus latam impetrasset, re-
um esse, dignumque in quem animad-
uerteretur, promuncianit.*

*Sic & illum qui Pontificijs Bullis fre-
tus seipsum in Barnuellensis Prioratus
possessionem miserat, deduci in Turrim
Londinensem iussit, & in ea custodia,
Regis arbitrium expectare.*

*Ex quibus liquet, ne florentissimis
quidem Pontificis rebus, maiores meos
vllius ex subditis contumaciam inul-
tam tulisse, qui mandato Pontificio Re-
gium imperium posthaberet, etiam in
eis rebus, quæ ad Ecclesiam pertinere
videbantur: tantum aberat, ut se, vel
Pontificie potestati in temporalibus
man-*

mancipatos; vel Clericos à suâ Iurisdictione emancipatos indicarent. Et hac quidem tot Regum exempla obfignabo, publicorum Ordinum, sub Richardo secundo, decreto, quo cauetur, nequis beneficium à Pontifice Romano impetraret: qui secus faxit, extra Regis fidem & tutelam censeretur. Ita quod quatuor illi Reges continuâ serie fecerunt, id lege publicâ confirmatum videmus.

Paucis hisce exemplis, satis, ut opinor, apparet me omni calumniâ liberatum; neque ambitione, aut novandarum rerum studio quicquâ esse motum, quò aliquid Pontifici debitum subtraherem: vel mihi aliud arrogarem, quàm quod Imperatores Christiani, & diuersarum gentium Reges, præsertim qui ante me in Angliâ regnarunt, multis retrò sæculis pro suo vindicârunt. Neque verò illa Parsonij ad D. Cookium responsio accipienda est; multò plures Anglia Reges esse, qui obsequij, & ad omnia Pontificis imperia facilitatis sue monimenta reliquerint: cùm quibusdam fortasse occasio, alijs vires

vires ad resistendum, defuerint. Nam ipso iure Ciuili, satis est iniustam meorum iurium vsucapionem, quotiescunque licuit, fuisse interruptam.

Verum hoc fidelitatis Sacramentum, non tantum ob conceptas in eo formulas, sed & illius ratione, cui praestandum est, Bellarminus repudiandum censet. Rex enim, inquit, ^a Catholicus non est: & alijs aliquot locis, addito meo nomine, ut supra memoratum est, me haereticum dicere non dubitauit. Sed vel ipso iure Pontificio, antequam haereticus publicam sententiam renuntiatus fuero, non est ut populus meus auctoritatem meam defugiat. Equidem, si privati tantummodo hominis personam sustinerem, causamque coram ipso ac Cardinalibus in Conclauis suo dicerem; credo, difficile foret haereticum me euincere, si ex antiquis ipsorum Decretis & Canonibus iudicium hoc exercere vellent.

Primum enim, quicquid Cardinalis in contrarium asserat, non sum Apostata, qui

qui non modò in eadem, quam hodie profiteor, religione semper ab ipsis incubulis innutritus fuerim: sed & Patrem, paternumque Avum, idem de fide sentientes habuerim, ut nec ex ipsorum regulis (cùm in eorum nunquam Ecclesia fuerim) propriè hereticus dici possim. Regina autem mater mea Augusta memorie, quanquam in ea religione perstiterit, quam à teneris imbiberat; tantum tamen à crassioribus quorundam Papistarum superstitionibus, & nuperis Iesuitarum dogmatibus absuit, ut & Archiepiscopo illi, qui me Baptismatis fonte abluerat, interdici curauerit, ne salinà inter ceremonias uteretur. Et quidem mos gestus imperanti; omisàque res illa, foeda sanè, magis que ad mimicum Christi derisum, quam ad imitationis pietatem inventa. Eius verba hæc fuerunt; Nolle se, ut impurus, & lue Venerea infectus presbyter, in os infantuli sui inspueret. Quin & Baptisterium, in quo salutari aquà tinctus sum, hinc in Scotiam, Serenissima & immortalis memoria Elizabetha transmiserat; que etiam

etiam me per Legatum de fonte suscepit: quæ quidem in religione quid senserit, Pium V. non latebat. Ac ut clarioribus argumentis illam gloriosissimi nominis Reginam, meam Matrem, à superstitionum ineptiis vindicem, id asseuerare possum, me nullis literis, quas ab ea frequentes habui, ad Pontificiam religionem fuisse inuitatum. supremis quoque verbis Præfectum domus sue, nobilem Scotum, qui hodie viuit, & in meis domesticis est, his mandatis ad me perferendis oneravit: quanquam ipsa diuersæ religionis esset ab eâ, in quâ, Dei beneficio, mihi educari contigit; nolle se tamen me ad sua sacra vehementiùs hortari, nisi mihi mutationem illam, conscientie secreta vis persuaderet. Si probè, sanctèque viuerem; si sedulo ius redderem, & cõmissos mihi populos prudenter pièque gubernarem, non dubitare se, quin bene mecum ageretur; & possem in eâ, quam colebam, religione perseuerare. Non sum ergo Apostata, qui nec eius fidei defector, quam partim parentum meorum tenuerunt, partim arbitrio meo permiserunt.

serunt. Nec si illorum ritibus Baptismate ablutus, nihilominus ab ijs in religione dissentio, ideò aut Apostata, aut hereticus dici possum: cùm de Baptismi substantiâ nulla sit lis inter nos, omnesque baptizemur In nomine Patris, & Filij, & Spiritus Sancti: atque ita in hoc doctrina capite nulla est inter nos controuersia.

a 1. Pet. 3

Quòd autem me Hereticum arguant; nunquam equidem me pudebit fidei meae rationē reddere, & ut iubet Apostolus, illius spei quæ in me est. Is ego sum Catholico-Christianus, qui in tria Fidei symbola, Apostolicum, Nicenum, & illud Athanasij libens iurem; quorum duo posteriora primi paraphrasin continent. Hac in eum sensum interpretor, quem illis esse voluerunt Patres atque Concilia, à quibus sunt condita atque descripta: quibus quidem symbolis, quotquot sunt in Anglia Ministri, subscribunt, cùm ordinantur. Sed & alijs omnibus Symbolis, tanquam legitimis & Orthodoxis assentior, quæ, vel à Concilio aliquo publicè, vel priuatim ab antiquis Patribus,

in eiusmodi hæreticos conscripta sunt, qui ipsorum secula, pestiferâ aliquâ doctrinâ infestârunt.

Prima quatuor generalia Concilia, tanquã Catholica & Orthodoxa veneror atq; recipio: quæ & publica Ordinũ nostrorum sanctione recepta sunt, & ab Ecclesia nostra pro Orthodoxis habentur.

Patribus autem eam venerationem exhibeo, quã nec ipsi maiorem optarent, nec Iesuita parem unquam detulerunt. Quicquid enim quadringentis post Christum annis, unanimi consensu, Patres ad æternam salutem esse necessarium statuerunt, aut cum ijs ita esse sentiam, aut modesto saltem silentio obmutescam; reprehendere certè non audeo. Sed priuatis singulorũ Patrum sententijs ita meam mentẽ astringere, ut ab eis recedere integrã fide non possim, quĩ id mihi iugũ imponã, quod ipse à se Bellarminus amolitur; cùm præsertim ipsi Patres inter se soleant repugnantibus & cõtradiçtorijs sententijs decertare? Mihi igitur in antiquorũ Patrum scriptis,^a Augustini cautione uti placet, Quod in eis diuinarũ scripturarum aucto-

*a Lib. 2.
contra
Crescon.
cap. 32.*

auctoritati congruit, cum laude eorum accipio; quod autem non congruit, cum pace eorum respuo.

Scripturis quidem ipsis, nemo opinor est, qui non à me eam fidem haberi, quæ illis à Christiano homine debetur, existimet. Ipsa etiam Apocrypha eo loco habeo, quem illis Antiquitas tribuit. Cum Biblijs nostris excudi solent, & eodem volumine compingi, publicèque in Ecclesijs lectitantur. Et hæc quidem, ut à sanctis pijsque hominibus scripta, veneror: sed cum absint à Sacrorum librorum Canone ac Catalogo, secundæ lectionis, ac ordinis (quæ & ipsa^a Bellarmini distinctio est) esse credimus: nec illorum auctoritatem tanti esse, ut fidei ullum caput (nisi quod alijs Canonica Scriptura locis asseritur) elici, aut stabiliri inde possit. Atque ita cum, * Ruffino, qui non itius, credo, non est, hunc locum concludo, qui Patres ait, Omnia quidem legi in Ecclesijs voluisse: non tamen proferri ad auctoritatem ex his Fidei confirmandam.

a Lib. 1.
de Verbo
Dei, cap.
4.

* In expositione
Symboli.

De Sanctis verò vitâ sanctis, colo
equidem

equidem illorum memoriam, cuius honestanda ergo, nostra publicè Ecclesia tot solennes dies instituit, quot Scriptura auctoritate in album Sanctorum relatos legimus. Sed tot nugis, quæ in nouitiorum Sanctorum actis ac legendis perscribuntur, sanè credulitatem meam deludi non fero.

Ac primum id Beatæ Virgini tribuo, quod de eâ Gabriel asseruit, & in suo Cantico de se ipsa prædixit, ^a Benedictam esse in mulieribus, & ^b benedictam eam omnes generationes esse dicturas. Hanc ego Christi Matrem veneror, ex qua humanū sibi corpus assumere Saluatori nostro visum: atque adeo Dei Matrem, cū in Christo non possit à diuinitate humana natura separari. Illam ego supra omnes beatorum hominum, ac Spirituum ordines ad cœlestem gloriam elatam, excepto illo vno, Deo simul ac homine, eius Filio, piè ingenuèque fateor, constanterque contendo. Sed, nec ipsam deridiculo ausim habere, nec impias in Deum voces emittere, non illi Diue modo, sed & Deæ nomen tribuens, obtestansq,

^a Luc. 1.

28.

^b Ibid.

ver. 48.

ut Filio illi quidem, sed & Deo & Sal-
natori suo, imperet & dominetur. Ne
illud quidem in animum induco, tam o-
tiose in coelis eam degere, ut absurdis
cuiuslibet inepti hominis orationibus pa-
teat, seseq; eius rebus ac negotiis immis-
ceat; nunc precibus, nunc imperio cum
Filio suo agens; modo in terras ad sa-
cerdotum oscula & complexus descen-
dens, modo cum demonibus acri ac per-
tinaci altercatione contendens. In coelis,
in aeterno sanctarum animarum recepta-
culo, in aeternam est felicitatem colloca-
ta, nunquam à tantis gaudijs ullà terrena-
rum rerum curâ, aut sollicitudine auocanda.
Sit ibi sanè cum charissimo Filio suo,
nostroq; Redemptore, in perenni beati-
tudine, & omnibus seculis duraturâ.

Venio ad Sanctorum suffragia. Scio
ego^a Christum præcepisse, ut ad ipsum
veniamus, quicumq; peccatis oneramur.
illum quippe nos refecturum & leuatur-
rum. Scio Paulum^b Apostolum, hu-
militatem, & religionem Angelorum
prohibuisse, omnemq; eiusmodi venera-
tionis cultum, in superstitione & humi-
litate, non ad parcendum corpori,

non

^a Matth.
11.28.

^b Coloss.
2.18,23.

non in honore aliquo ad saturitatem
carnis. Sed quâ fiduciâ, quoniam auctore
decurratur ad Deos Penates istos, siue
Tutelares, quasi Aulicos & familiares
Dei Opt. Maximi, equidem nescio. Id
illis probandum reliquerim, qui novâ
disputandi ac philosophandi ratione
Theologiam corruerunt. Mihi satis
est, Deum, per Iesum Christum, prout
iubemur, inuocare: & hanc viam tu-
torem, ideôq; in rebus ad aternâ salu-
tem spectantibus potiorē, insistere. Quod
si Romana Ecclesia officina, Fidei arti-
culos ante quingentesimū Christi annū
inauditos ac inuisos recenter excudit:
non sum credo dānandus pro haretico, si
ad hac novitia & nupera non accedā. In
his Articulis, priuatas illas Missas nu-
mero, in quibus Sacrificus simul & po-
puli personā, & sacerdotis sustinet. In
his quoq; est Sacramenti mutilatio, quâ
Laicis partē illius mediâ subtraxerunt;
Trāsubstantiatio, adorandi causâ e-
leuatio, in supplicationibus, Sacramēti
circumgestatio, supererogationis o-
pera (quibus Thesauri Ecclesiastici
nomen iure optimo accommodauerunt)
Bapti-

Baptizatio campanarum, & mille
præterea nuga; & quidem super omnia
illa veneratio statuis imaginibûsq; de-
lata. Si in hisce fides mea hæreat, fa-
teor me malle in istiusmodi rebus pa-
rùm quàm nimium credere. Nihilo-
minus cùm eatenus credendo processe-
rim, quatenus Scriptura præscribunt,
Fidei symbola suadent, vetera Concilia
decernunt, Schismaticum me dicant li-
cet, & à Romana Ecclesia defecisse,
certè Hæreticus esse nullo modo pos-
sum.

Quòd ad Reliquias Sanctorum, si
quas eiusmodi haberem, quas constaret
Sanctorum corporum partes esse; eas
ego honorificis tumulis solenniter in-
ferrem: nec committerem, ut supremis
defectæ funeribus, ad eius infamie ima-
ginem servarentur, quam perditis ho-
minibus, publicoq; iudicio damnatis,
constituimus in poenam ultra mortem
duraturam.

Sed cùm reliquiarum, tum imagi-
num adorationem, pro intolerabili Ido-
latría habeo atq; abominor; Iconoma-
chus sanè non sum: non arguo, si quis aut
fingere

fingere statuas, aut imagines pingere, sine ad publicum splendorem, sine ad privatorum hominum domesticos usus, volet. Sed quòd illas adorari, quòd illis supplicari, quòd aliquam sanctitatis opinionem affingi illis oporteat, id quidem antiquis inauditum; Scripturis verò in contrarium apertissime atque ex diametro pugnantibus, ita est oppositum, ut mirari non desinam, quod hominum ingenium, quæ Satanae fraus, hoc tam audax commentum Ecclesie Christiane obtrudere attentarit. Quæ tamen omnia excusantur argutis, hoc genus, effugijs, & sophisticis distinctiunculis; Idolum, scilicet, nihil esse: se autem rerum quæ sunt, & veri Dei imagines venerari. At Scriptura omnis rei à Deo condita similitudinem coli vetat. Non igitur, Nihil fuit, cui Deus cultum deferri interdixit. Sed nec serpens aneus, nec corpus Moysis nihil erant; ille tamen contritus est, hoc absconditum, ne Idololatria materiam causamque præberent. Quin & Dei imaginem non venerari tantum, sed & effingere prohibemur:

C

bemur : additæque ratio, Deum sub nullius unquam aspectum cecidisse. Sane qui delincemus eius faciem, si Moysi, quo nemo mortalium Deo familiarior, tantum eius posteriora licuit contemplari ? Cum igitur Deus ad vim exprimi non possit, supernacaneus est labor conatusque inanis, id falsâ adumbratione corrumpere, quod imitari non possis : quod nemo, non dico, Princeps, sed vix quisquam, homo plebeius in suâ effigie ferre sustineat. Meditentur itaque, qui sic in religione sentiunt, defensionem aliquam, quâ se in ultimo iudicio Idololatriam exprobranti Christo, probent : qui, an tum temporis istiusmodi excusationes, ex illis argutiarum ineptis petitas, in solutum accepturus sit, vehementer ambigo.

At Cruci, inquit, Saluatoris, prerogativa quadam singularis deferenda est, debetque ratione contactus adorari. Primum videamus quod contactus genus sit, qui vim virtutemque ex Christi corpore eliciat : omnisne contactus, an is tantum, qui cum fide coniun-

coniungitur. Non cuilibet id esse datum, non potest dubitari. ^a Mulier quæ erat in fluxu sanguinis, cum vestimentum Christi tetigit, propter suam fidem salua ac sana facta est: nam alioqui turbæ (Petri verbis) cõprimebant & affligebant Iesum, cum accessit hæc mulier, in quam solam virtus de Christo exiuit. Iudas cum sæpe eum aliàs, tum postremo illo osculo tetigit: tetigit & illa perditorum manus, quæ illum colaphis cecidit, & cruci affixit. Ausim tamen profanos impiòsque dicere, si qui carnificum illorum colendas reliquias ac adorandas esse credant. Sed & terra Chanaan quotidianis Christi vestigijs tacta, hodie tam maledicta conspicitur, à Turcis occupata, innumeris Christianorum hæresibus ac sectis infamis; prima quoque fertilitatis oblita, & in miserabilem sterilitatem degenerans: ut qui eam beatis ac benedictis annumerat, ipse inter maledictos poni debeat. Quin & proclamante muliere, ^b Beatum ventrem, qui Christum portauisset; Imò ait, Beati, qui

a Luca. 8

b Luc.
11.

audiunt verbum Dei, & custodiunt illud. *Ant* igitur id animi fuisse Christo probent, ut in lignum illud crucis, ad quod clavis suffixus est, benedictionem effuderit: aut cum suo argumento de contactu valeant. Sed demus virtutem patranda miracula, qua & umbra Petri data est, cruci esse concessam: an hinc, quaeso, consequens est, ipsi cruci adorationem deferendam, quam nec sibi, nec suae umbra Petrus deferri pateretur? Equidem non dubito, quin Propheta, qui toties maledixere eiusmodi imaginum cultoribus, quae oculos habent & non vident, aures habent & non audiunt, multo acerbius dicturi in eos fuerint, qui arboris trunca partem, ne ad aurium quidem, vel oculorum similitudinem, efformatam venerantur.

b Ut sunt
Inbilae,
Indulgentiae,
Satisfactiones
pro mortuis, &c.
c Lib. 2.
de Purgatorio
cap 7.

Iam Purgatorium, iam illa frivola, qua id commentum consequuntur, indigna existimo, in quibus opera ac tempus impendatur. Sanè c Bellarminus nullum ei ex Scripturis fundamentum astruere potuit. hoc cum tantummodo percontari velim, an viridis ille
amenusq.

amœnūq; campus, qui in Purgatorio
 florentibus spatys extenditur, interflu-
 ente riuo distinctus sit, ut si fortè in eam
 regionem peruenero, aucupio tempus
 ac otium fallam. Equidem cœlos, ac in-
 feros esse scio, in præmium ac pœnam E-
 lectis, reprobisq; constitutos: quot sint
 præterea animarum sedes, atque recep-
 tacula, ego, qui Deo à Consilijs non
 sum, scire nequeo. ^b Multæ sunt man-
 siones in domo Patris mei, ait Chri-
 stus, qui ipse est vera expiatio, verūq;
 Purgatorium nostrorum peccatorum.
 Sed quot atria, quot conclavia in malo-
 rum Demonum domo sint, melius illi
 dixerint, qui iam illa perlustrârunt.
 quòd si sint plures animabus sedes, quàm
 quas ipsi nouimus, destinata: satis certè
 nobis fuerit, eas cognoscere, quas Deus
 suo Verbo nobis esse voluit reuelatas;
 nec ulterius diuine mentis arcana scru-
 temur. Cœlum ac infernum humano
 generi æterna domicilia constituta, ex
 Scripturis didicimus. Id agamus, ut
 alterum consequamur, alterum desu-
 gamus: atque hîc finis, extremâque re-
 rum mea.

b Ioan.
 14. ver. 2

a Bellar.
lib. 4. de
Rom.
Pont. cap.
25.

*Sed in hac omni oratione, nondum
Romanae religionis arcem attigimus, id
est, Caput Ecclesiae, Petrique Pri-
matum. nam qui hunc articulum ne-
gat, ex Bellarmini sententiâ, Catholi-
cam fidem negat. Episcopos esse in Ec-
clesiâ debere, tanquam institutionem
Apostolicam, ac ordinationem proinde
divinam, contra Puritanos, contraque
Bellarminum semper sensi; qui a negat
Episcopos à Deo immediate suam iu-
risdictionem accepisse. Sed nihil mi-
rum à Puritanis eum stare, cum Je-
suita nihil aliud, quam Puritano-
papistæ sint. Et quo studio in Episcopo-
rum, & Ecclesiastica Hierarchia
(Politici duntaxat ordinis causâ) de-
fensionem semper incubui, eodem in con-
fusam illam Anarchiam & parilita-
tem Puritanorum inuectus sum, ut vel
ex ΒΑΣΙΛΙΚΩ meo ΔΩΡΩ satis constat.
Cælum, Cœlestesq; spiritus per ordines
ac discrimina disponi, ac gubernari sci-
mus: immo nec inferi sine suo quodam
ordine & distinctione stare possunt. Da-
mones in legiones digesti sunt, suosque
principes habent. Quî igitur coetus in
terris*

tarris aliquis confusus permistisque,
 nullo ordinum dignitatumque discrimi-
 mine, possit consistere? Quamobrem, sa-
 tis equidem mirari non possum, quo ore
 iste Apologia mea Censor pronunciare
 potuerit, me in Scotia Puritanum, &
 Protestantium inimicum exstitisse. E-
 go igitur Puritanus? qui à Puritanis
 non solum à natiuitate continuò vexatus
 fui; verumetiam in ipso matris utero
 propemodum extinctus, antequam in
 lucem editus essem? Ego, qui anno sa-
 lutis 1584. suam Episcopis dignita-
 tem restitui, & aequalitatem illam popu-
 larem, cum nondum ad ætatis annum
 duodenisimum peruenissem, repressi?
 Ego, qui in meo ad Filium libro multò
 acrius ac vehementius in Puritanos,
 quam Pontificios inuectus sum: cui eti-
 am, cum secundo ederetur, prolixam
 in odium Puritanorum Prefationem
 Apologeticam preposui? Ego denique,
 cui sex totis annis, antequam in An-
 gliam venirem, precipuus labor fuit,
 deiectos Episcopos restituere, & Pu-
 ritanorum Anarchiam expugna-
 re? Imò verò si de rebus in Scotià

Pag. 98.

à me gestis, ad instar Caesaris, Commentarij ederentur. vix à tertio decimo etatis meae anno integrum mensem abijisse constaret, in quo non eiusmodi aliquid acciderit, quod Cardinalitium in hac rem mendacium arguere, ac refutare possit. Praeclara sanè laus, praclarum encomium, quo Puritanos ornavi, cum me plus fidei, vel in illis efferis cum montanis, tum limitaneis latronibus, quam in hoc genere hominum, inuenisse professus sim. Sed omissa hominis impudentia, ad rem ipsam redamus.

Episcopos, & Ecclesiae Hierarchiam (ut modò dixi) & inter ipsos Episcopos ordinem aliquem, ac discrimen libens agnosco. Scio Patriarchas in Ecclesiâ Primitivâ extitisse; & institutionem illam ordinis & discriminis causâ amplexor. Sed & inter illos de principatu magnâ contentione certatum est. quòd si in eo questio adhuc verteretur, meo libens suffragio primum locum Episcopo Romano deferrem: Ego Occidentalis Rex; Occidentali Patriarcha adhererem. Sed nec illi de

de temporali suo iure litem moneo: sit,
 per me licet, primus Episcopus inter
 omnes Episcopos, sed eo sensu Epi-
 scoporum Princeps, quo Petrus Apo-
 stolorum Princeps fuit. At verò,
 ut Hierarchiam Ecclesiasticam probo,
 ad ordinū dignitatūq; discrimen (sic
 enim intelligi volo) ita prorsus pernego,
 terrestrem esse aliquem Ecclesie Mo-
 narcham, cuius verba pro legibus esse
 debeant, quique infallibilitate spiritus,
 nunquam in suis sententijs errare possit.
 Nec, si regna terrestria à Monar-
 chis terrestribus regi debent, ideo Ec-
 clesiam sequitur à terrestri quoque
 Monarchā debere gubernari. nam
 nec unus est aliquis totius orbis regno-
 rumque omnium moderator ac Mo-
 narcha. Christus Ecclesie sue Mo-
 narcha est, Christi que vices explet,
 quem venturum promiserat Spiritus
 Sanctus. ^a Reges gentium domi-
 nantur eorum, vos autem non sic.
 Nec Christus antequam in cælos ascen-
 deret, pollicitus est se Petrum, qui Apo-
 stolos dirigeret ac doceret, relicturum;
 sed ^b Spiritum Sanctum se in eum fi-
 nem

a Luc.
22.v.25.

b Ioan. 14
26.

nem missurum esse. *predixit.*

Et quidem quod ad geminam illam ex Scripturis probationem, quâ fretus Bellarminus Papam supra Reges effert; nimirum, *Pasce oues: & Tibi dabo claves, haud ignorat Cardinalis hanc potestatem Clavium à Christo^a alibi Apostolis in plurali numero esse concessam. sed nec est inscius, quam rationem veteres afferant, cur Sancto Petro potissimum, oues pascere mandaverit: quantum pretereat tum scriptorum veterum, tum novitiorum Papistarum agmen sit, quibus nec pauci Cardinales assentiuntur, qui utrumque Petro quidem dictum, sed ad omnes pertinuisse Apostolos arbitrantur, quorum ipse personas sustinebat. Quod nî esset, qui potuit, quæso, b Paulus Corinthiorum Ecclesie auctor esse incestum illum excommunicandi, cum spiritu suo dicendum sanè fuerat, cum spiritu Petri. Qui potuerunt omnes Apostoli censuris suis in nomine Christi uti, nec ullibi eius Vicarij meminisse? In omnibus Apostolorum congressibus Petrum,*

a Matt.
18.18.

b 1. Cor.
5.4

trunt, ut è multis unum, legimus inter illos confedisse. cùmque Antiochiam, lecti viri ab illo celebri Apostolico Concilio, quòd Hierosolymis est habitum, mitterentur, disertè scribitur, a Visum est Apostolis & Presbyteris, totique Ecclesiæ, mittere lectos viros: sed merum de Ecclesiæ capite silentium. Sic & in eorum literis, Apostolorum, Seniorumque, & Fratrum fit mentio; de Petro nec verbum. Sed & mirum est Corinthios à Paulo obiurgatos, quòd personis hominum plus equo deferrent, aliique se Pauli, alij Apollo, alij Cepha sectatores profiterentur. nam si Petrus visibile Ecclesiæ caput fuit, qui non ab eo stabant, à fide Catholicâ recedebant. Sed apertissimè constat Paulum non satis in hac imperâ ac novitiâ doctrinâ fuisse institutum, qui cum Petro tam parum miter egit, ut illi se non aquaret, sed etiam anteferreret. Nihilominus Cardinalis ex eo superior Petrum probat, quòd eius invidi gratiâ d Paulus Hierosolyma profectus sit. sanè Paulus eò se pro-

a *Act.*
15.22,
23.

b *1. Cor.*
1.12.

c *Gal. 2.*

d *Gal. 1.*
18.

profectum, ut Petrum videret, &
 de certis rebus cum eo ageret, testatur:
 sed addidisse debuit, eò quoque se, ad
 sacra pedum oscula esse profectum.
 Ac quidem ut hanc questionem absol-
 uam, verum est Petrum, & ætatis, &
 temporis, quo à Christo vocatus est,
 ratione, unum ex primarijs Apostolis
 fuisse: Principem ordine illorum duo-
 decim, quos primos Christus elegit,
 & de tribus illis unum quos Dominus
 ordinis seruandi gratiã, ceteris præ-
 posuit. Nec aliquid sibi amplius tre-
 centis post Christum annis Romanese-
 dis Episcopus arrogauit. Ita interim
 generalibus Concilijs suberant, ut &
 nuper Constantiense Concilium tribus
 Pontificibus abdicatis, quartum inau-
 gurauerit: Imperatoribus autem usq;
 ad Phoca tempora paruerunt, qui
 Domini sui cade sibi ad culmen Im-
 perij iter fecit. Nunc utem quibus
 artibus facti sint Christi Vicarij, imò
 verò Dij in terra, triplici coronã in-
 signiti, cœli, nimirum, terræ
 ac inferorum Reges, totius Orbis
 Iudices, & ipsi à nemine iudicanda.

Fidei Capita, supremi omnium controuerſiarum decifores, propter certitudinem & infallibilitatem Spiritus: omni potestate tam ſpirituale, quam temporali præditi, ſummi Epifcopi, Orbis terrarum Monarchæ, ſuper Imperatores omnes Regesque euecti, denique ſupremi Vicedei, qui velint nolint, errare non poſſunt: quibus, inquam, artibus ad tantum faſtigium aſcenderint, equidem neſcio: illud ſcio, maxime noſtra referre, qui Reges ſumus, ut huic rei mature occurratur. Quantum ad me, Petrum & Paulum, tanquam præcipuas Eccleſie columnas agnoſco & veneror: iſtos autem non noui: & illud tamen in dubium reuocare, eſt à fide Catholica deficere: imò ſarſum, deorſum omnia ferri, ordinemque naturæ inuerti, præponi leuam dextera, numeroque ac ordine poſtremum, honore primum eſſe oportet, ut illi Primatui ſuus ſplendor, ſuaque dignitas conſeruetur.

Hac iam ingenuâ fidei mee confeſſione, ſpero effectum, ut neque Apoſtata, neque Hæreticus iure cenſeri debeat.

ut

Bullarm.
de Rom.
Pont. lib.
l. c. 27.

ut qui Scripturis Canonici credam,
tribusque Fidei Symbolis, primisque qua-
tuor generalibus Concilijs adhaream.
si nimis facilis ac credulus, praesertim
nova dogmata afferentibus, esse nolo;
eruditiores fortasse fidei meae infirmita-
tem miserabuntur: sed me nemo, scio,
pro haeretico damnabit; nisi forte qui
pro Deo Papam colunt, eumque sic ha-
bent, quasi Scripturam loquentem: ut
nec Heresim aliter definiant, quam opi-
nionem quamcunque in causis Fidei de-
cisioni Papali contrariam. Ego veni
id ingenue spondeo, quoties Religionis
illius, quam profiteor, ullum caput osten-
detur non antiquum, Catholicum, &
Apostolicum; sed novitium esse ac re-
cens (in rebus, scilicet, spectantibus ad
Fidem) me statim ab eo discessurum.
Totum igitur hunc locum Vincentij
Lirinensis auctoritate sic concludam:
Me nunquam ullum Fidei dogma,
quod quidem ad salutem est necessari-
um, amplecti recusaturum, quod tota
Catholica Ecclesia iam inde ab Apo-
stolorum temporibus, sine intermis-
sione, multis post saeculis, constanter
docue-

2. Libello
adversus
haereses.

docuerit & crediderit. Sed opinione Cardinalis, me in eo hæreticum, sat scio, prodidi, quòd in Babylonis, Urbisque super septem colles exstructe vocabulo luserim, tanquam inuuerem, Romam hodie esse spiritualem Babylonem. quanquam & Babylonis nomine, tum in ^a Petri Epistolâ, tum in Ioannis Apocalypsi, Romam intelligi, noster iste cauillator nec grauare concedat. Sanè quòd ad definitionem Antichristi, nolo rem tam obscuram & inuolutam tanquam omnibus Christianis ad credendum necessariam urgere: sed quid de toto hoc negotio sentiam, nudò & simpliciter explicabo.

Antichristum esse venturum, & cum venerit, vniuersalem defectionem fore, inter nos conuenit. Sed tempus, sedes, persona eiusdem, ea sunt, de quibus dissentimus; & in disputatione tantâ, scrutari nos Scripturas oportet, ut veritatem eruamus. Non quidem sententiâ ^b Sanctus Paulus id planius explicat, quod Sanctus Ioannes magis mysticè de Antichristo prædixerat.

a 1. Pet.
5. 13.

Descriptio
Antichristi à
tempore,
sede, &
persona.

b 2. Thess.
2.

dixerat. Nam quòd Paulus ibi de Antichristo loquutus sit, satis ex illis verbis constat, ^a nisi venerit discessio primum. Discessionem enim illam generalem, tantum Antichristi temporibus fore in Ecclesiâ; omnes Pontificij constanter affirmant: Alioquin eorum Ecclesia esset quotidie erroribus obnoxia; quod omnino ipsorum doctrina repugnat. Eum deinde describens ait, quòd ^b homo peccati, filius perditionis extollet se super omne, quod dicitur Deus. At verò qui sunt, de quibus Psalmista cecinit, ^c Dixi, vos Dij estis, Bellarminus non ignorat. Apud veteres Theologos Reges erant; Bellarminus etiam Ecclesiæ Antistites adiungit. Fac utrosque intelligi. Nemini obscurum est, quis ille sit, qui super utriusque gladij potestatem hodie se efferat.

a Vers. 3.

b Vers. 3.
4.c Psal.
82. 6.d 2. Thes.
2. 4.

Post hanc autem Personæ descriptionem, deinde Apostolus Sedem designat: ^d ut sedeant, inquit, in templo Dei, id est, in sinu atque adeo penetralibus Ecclesiæ. Iam ubi sit Apostolica illa sedes, cuilibet relinquo diuinandum:

sed

sed & quis in eâ sedens pro Deo sese gerat, peccata condonans, animas redimens, Fidei articulos definiens, omnium hominum censor & iudex, ipse à nemine iudicandus.

Tempus nōrat idem Apostolus omnium evidentissimè, cūm revocat Thessalonicensibus in memoriam, quòd cūm adhuc apud eos esset, hæc illis prædixerat. Itaque ^b novit, inquit, quid obstaret, & quis detineret, quò minus homo peccati revelaretur, licet mysterium iniquitatis iam tum operaretur. Porro S. Pauli temporibus necessarium non fuisse, ut revelaretur Christianis, Imperatores Romanorum, homines esse peccati, nemo adeò rerum imperitus est, qui non videat. Sed hæc revelatio, de quâ Apostolus loquitur, arcanum fuit magnūque mysterium: unde & videri potest, non esse ausum in hac sua Epistola quid illud impediementi fuerit, prodere. fortassis translationem sedis Imperij Romani intelligit, quæ locum vacuum homini peccati relinqueret, in quo consideret. Non enim sensisse, homi-

a Vers. 5

b Ver. 6, 7

hominem illum peccati, fuisse Ethnicos Imperatores sui temporis, illa praeiudicio, quam facit, ad tractandam hanc questionem, luce clarius ostendit. Ne seducerentur enim veritatem, diem Domini appropinquare opinantes, ait visum esse sibi, praeiudicare eas, universalem à Fide discessionem ante venturam. Ex quo patet, non illum praesens illud tempus, sed futurum, idque longinquum innuere: alioqui male probaret argumentum suum, quo secundum aduentum Domini non instare confirmat. Sed neque interitus ratio, quâ periturus est ille homo peccati, convenit vastationi* Ethnica Roma à Gothis Vandalisque facta. Ait enim noster Apostolus, illud impium spiritu oris Domini conficiendum esse, ac demum aduentu eius abolendum. Iam ut mea fert opinio, Spiritus oris Domini, non aliud est, quam verbum Dei, & Verbi predicatio, quâ potentia illius hominis peccati paulatim minuitur, atque consumitur, donec splendor adventus Domini penitus illum sustulerit. Porro modum ac rationem

* Sic enim
Tortus
Romam
appellat
cum ab
eius vastata
fuisse, licet
multis
ante annis
Christiana
fuerit.
a Verse 8

onem operationis eius explicans, meā quidem sententiā, quid senserit, optimè explanat. Ait enim ^a fore per efficaciam erroris, in signis & prodigijs &c. Iam quæ tandem Ecclesia iāstet innumerabilia miracula, quæ tamen maximam partem aduersantur sue ipsorum doctrinæ, nemo meliùs ^b Bellarmino dixerit, cum iumento suo famelico, quod pabuli oblitum, Sacramentum genibus curuatis, eo quo potuit modo adorabat. Et tamen certè erubescit dicere, institutum esse sanctissimum Sacramentum, quod adorarent oues, & boves, & pecora campi.

Iam auctoritate S. Pauli planum fecimus, tempus, quo venturus est Antichristus, & vniuersalis illa discessio futura, non nisi longo post tempore, quā scripsit illam Epistolam, futurum fuisse: sedem eius futuram in templo atque Ecclesiā Dei: actiones, quibus potissimum persona eius dignoscitur, eas fore, vt extollat se super omne, quod dicitur Deus. Iohannes quidem fusiùs, licet, vt dixi, ^{usandien} describit

a Ver. 9.
10.

b Bellar.
lib. 3. de
Euchar.
cap. 8.

a Apoc.
17.v.1.

b Verse 3

c Vers. 18

* Verse 5.

d Cap. 18
ver. 2.

describit hunc Antichristum, quem sub figurâ prodigiosæ cuiusdam bestie, cui septem erant capita, cornua decem, xiiij. cap. proponit; deinde xvij. interpretatur: ubi illam appellat^a meretricem, quæ sederet super aquas multas, &^b prodigiosæ bestie infideret. Denique sic concludit illud caput, ut mulierem hanc^c magnam illam civitatem, quæ Regibus terræ dominatur, appellet. Et tam^{*} illo capite, quàm initio proximi, civitatem magnam, ^d Babylonem vocet. Itaque ut illam eandem mihi propositam methodum, de tempore, sede, & personâ Antichristi persequar, Romam aut esse, aut fore sedem illius Antichristi, locus iste perspicue, & sine vlla contradictione declarat. Primum enim nullus iam Papiſta inficiatur, Babylonis nomine ibi planissimè Romam intelligi: Deinde hanc mulierem, esse illum Antichristum, liquet ex tempore, quo vim suam, atque operationem exeret, quod erit quadraginta duorum mensium, prout xiiij. cap. habetur: prorsusq; consentit cum illo triennio & sex men-

mensibus, quod temporis spatium omnes Pontificij Regno Antichristi tribuunt. Præterea Bestia cum septem illis capitibus, & decem cornibus, quorum unum caput vulneratum est, rursusque sanatum, xij. & xvij. capitibus iuxta describitur: quam in priore capite ex tempore, quo regnum obtinebit, Antichristum esse constat: in posteriore Romam significari nomine Babylonis, Pontificiorum ipsorum confessione euincitur. Ita iam liquido probata est pars una de tribus propositis, Romam esse sedem ipsius Antichristi. Neque quod cap. xi. legitur, effugium aperit, aut probat Antichristi sedem esse Hierosolymis, ubi dicitur, a cadauera testium iacebunt in plateis Ciuitatis magnæ, quæ spiritualiter Sodoma, atque Aegyptus vocatur: ubi & Dominus noster crucifixus est. Verbum enim illud spiritualiter, Sodomis, Aegypto, & Hierosolymis tribuitur. Et cum nominasset Sodoma atque Aegyptum, non subiungit Ierusalem, addito solum ubi, sed ubi &: quasi diceret, Etiam hæc Antichristi abomi-

a cap. 13
8.

abominatio tanta erit, ut sedes eius tam plena sit futura spiritualibus fornicationibus, atque Idololatrijs, quam Sodoma & Aegyptus olim fuerunt: imò persecutione Sanctorum tam cruenta, ac si Dominus noster iterum ibi in membris suis sit crucifigendus. Quis autem est tam mediocriter versatus in sacris literis, si eas vel à limine salutauit, qui nesciat vsitatam hanc esse in illis locutionem, ut Christus ipse dicatur persecutionem pati atque interfici, cum hoc sit Sanctis, qui membra sunt Christi? ^a Christus sic loquitur de supremâ die differens: nec non eodem dicendi genere ad ^b S. Paulum, in eius conuersione, utitur. Babylonem autem, siue Romam (quando Bellarmino sic vocari placet) magnam esse ciuitatem illam, ubi Dominus crucifixus est, versus etiam xvij. capitis extremus aperte confirmat. Sic enim ibi, ^c In eâ ciuitate, sanguis Prophetarum & Sanctorum inuentus est; omniumque qui interfecti sunt in terrâ. Iam neminem negaturum spero, Christum ex illis unum fuisse, qui in terrâ sunt interfecti.

^a Matt.
25.40

^b Act.
9.4

^c Apoc.
18.24.

Præterea

Præterea recte dici potest, illum interfec-
tum fuisse in illâ magnâ ciuitate Ba-
bylonis, quandoquidem auctoritate Ro-
mani imperij morte affectus est, sub in-
dice Romano, criminisq; in Roma-
num Imperium, licet iniustissime, reus.
parum enim amicus Cæsari vide-
batur, qui Christi non esset inimi-
cus.

Hac igitur iam parte illustratâ de
sede Antichristi, proximum est Tem-
pus exquirere, quo regnum obtinebit
ille Antichristus, si nondum aduenerit.
Sanctus quidem Iohannes ait, xiiij. ca-
pite, huic Bestiæ, cui capita sunt sep-
tem, cornua decem, ^a vnum caput
vulneratum fuisse, rursusque sana-
tum. Quibus explanationem adhi-
bens xvij. capite ait: hæc ^b capita
septem, totidem esse Reges, quo-
rum quinque cecidisse, vnum esse,
septimum nondum venisse: sed cum
venerit, exiguo spatio remansurum.
^c Bestiam autem, quæ fuit, & non est,
octauum esse, & vnum tamen è sep-
tem. quâ designat illum Antichristum,
qui nondum venerat (Apostolorum
disco

^a Apoc.
13.3

^b Cap.
17.10.

^c Ver. 11.

a Apoc.
4.1.

dicō temporibus) sed postea erat venturus. Quò fit, ut inter ætatem Apostolorum, & finem sæculi, intercedere oporteat aduentum illius Antichristi: id quod etiam ipsi Pontificij farentur. Unde manifestum est Babylonem, quæ est eadem Roma, sedem fore ipsius Antichristi: sed non illam veterem Romam siue Ethnicam, quæ fuit Apostolicis temporibus (ⁱ Ipse enim palam prædicat, sibi nihil esse scribendum, nisi quod erat post suū tempus euenturum) neque etiam illam, iam aliquā ex parte Christianam Romam, dum in motu fuit conuersionis sue, quæ è vestigio consequuta est ætatem Apostolorum, illustris tot piorum Episcoporum martyris: Sed Romam illam Antichristianam, tum cū ipse Antichristus ibi sedem posuerit, posteaquam per operationem mysterij iniquitatis, Christiana Roma planè corrupta fuerit, & sinceritatem religionis amiserit. Atque ita illud lethale vulnus, quòd à Gotthis ac Vandalis acceperat, curabitur in illo capite, siue Rege Antichristo, qui deinde exurget, atque ad diuturnum
tempus

tempus regno potietur.

Sed hinc obijci poterit, non diu posse regnare illum Antichristum, quando S. Iohannes duobus tribusve locis dicit Antichristum non amplius triennio, & sex mensibus dominaturum. Sanè cui vel paulum modò notus est stylus, & loquendi modus S. Iohannis in Apocalypsi suâ, facile animaduertet, illum certum numerum pro incerto ponere consuevisse. Id^a quod facit in xij. illis millibus suis de quaq; tribu, qui ob signati sunt ad salutem: ^b Et in exercitu ducentum millium, qui missi sunt ad delendam hominum partem tertiam: idem alijs compluribus in locis facit. Itaq; qui recordabitur illum in omnibus suis Visionibus, ex professo morem à Prophetis, nempe Ezechiele, Daniele, Zachariâ, in Visionibus suis usurpatum, imitari, mutuantem locutionum formulas, ab illis qui prophetarunt ante Christum natum, ad explicandas suas de nouissimis diebus Prophetias; admodum verisimile esse comperiet, in illis tribus diebus & dimidio, eum imitari Danielis Hebdomadas: Hebdomadam

a Cap. 7.

b Cap. 9.
16, 18.

domadam unam accipiendo, totum illud tempus, quod inter aduentum Christi primum, ac secundum intercesserit; cuius temporis, siue spiritualis hebdomada dimidio triumphantem inducit Antichristum. Nam, quod ad literalem illam interpretationem, quam omnes Pontificij sequuntur, trium annorum & sex mensium: quâ volunt illud tempus ad amissim incidere in dies omnium nouissimos, exceptis quadraginta quinque ante secundum Domini aduentum, planè toti nouo Testamento repugnat. Christus enim ait in nouissimis diebus epulaturos homines, celebratueros nuptias, omnibus eiusmodi secularibus negotijs implicatum iri, cum hora nouissima repente eos nec opinantes opprimeret. ^a Hic erit ad molam, alius super tectum domus, &c. quibus omnibus significatur illorum temporum summa securitas. Idem narrat ^b parabolam quinque stularum Virginum, ad declarandam inexpectatam, minimeque suspectam horam, que nos occipabit, sed ^c de die illo, inquit, vel hora nemo scit, neque Angeli in celo, neque

^a Matt.
24.41.

^b Matth.
25.

^c Matt.
24.36.

neque Filius, nisi Pater. S. Petrus iubet nos^d vigilare & sobrios esse, ad excipiendum illum diem semper intentos. S. autem Ioannes in hac eadem Apocalypsi, bis nos admonet, ut furem nocturnum, sic Christum esse venturum: quod in Evangelio quoque Christus ipse testatur. Atqui si Antichristus regnabit annos tres & sex menses ante nouissimum diem, non plus autem temporis diebus xlv. post eius interitū effluet: profectò dies ipse, & hora illius diei, non potest fugere eos, qui superstites futuri sunt illo tempore, quo periturus est Antichristus. Nam ut Pontificij docet, mundus non ignorabit illum esse Antichristum, tam duorum testium doctrinā, quā repentino eius interitu. Ex quo consequitur, neminem fore nesciū, continuo, nullā morā interpositā, post xlv. dies exactos, diem extremum esse venturum. quod si verum esset, non uti fur venturus est Christus, neque mundum oscitantem oppressurus, contra omnia Scriptura testimonia à nobis citata, aliāque complura. Ad hunc modum docuimus Romam esse sedem

d 1. Pet.
5. 8.

e Apocal.
3. 3. & 16
15.

Matth.
24. 44.

ac domicilium Antichristi: posterius autem dimidium spiritualis illius hebdomadis inter primum ac secundum Domini aduentum, tempus illud esse, quo dominabitur. nam in priore mysterium iniquitatis cœpit operari: sed nondum erat ille homo peccati reuelatus.

* Confutatio demonstrati-
onis Bel-
larm. qua
probare
nititur,
Enochum
& Eliam
duos esse
testes, de
quibus fit
mentio xi.
Apocal.

Bellarmin.
de Rom.
Pont. lib.
3. c. 6.

Quinam verò sint illi testes, magna est questio. Recepta opinio Papistarum est, Enochum atque Eliam esse oportere, quod ita Bellarminus pertendit, atq; in eâ sententiâ sic obfirmatus est, ut putet eum, qui de hoc dubitat, si non hereticum esse, in magno tamen errore versari. Sed vanitatem Iudaicâ, quam sequitur, fabula, paucis aperiam.

Cardinalis in libro Controuersiarum producit quatuor Scripturae locos ad otiosum hoc somnium confirmandum, duos è veteri testamento, ex Malachiâ, atque Ecclesiastico; totidemque è nouo, alterum apud Matthæum, Christi, (potuit addidisse etiam Marcum) alterum Iohannis in Apocalypsi xi. cap. Primum quòd ad illos locos in genere

*genere attinet, fidenter affirmo, verbum in illis non reperiri, reliquisve Scripturis, quod innuat vel Enochum, vel Eliam redituros esse, & cum Antichristo dimicatu-
 ros; in eoque conflictu occidendos; aut quicquam simile. Deinde, ut cuique loco sigillatim respondeam, ac primum illi Malachia, nescio quis Christo, eius sit melior interpres, qui bis apud^a Matthaeum, apud^b Marcum semel, certiores facit tam ipsam multitudinem, quam discipulos suos, Iohannem Baptistam illum esse Eliam repromissum. Atque hic^{*} Bellarminus pessimam cum Christo fide agit, qui ut demonstret nondum venisse Antichristum, eò, scilicet, quod Enoch & Elias nondum reuersi sunt; ad hoc probandum verba Christi citat Matthaei xvij. Elias quidem veniet, & restituet omnia: sed quod sequitur, dissimulat, à quo priora interpretationem capiunt: nimirum iam Eliam venisse in Iohannis Baptista personam. Quid? quod in se recipiens Bibliandri obiectionem soluere, qui Christum ait sensisse prophetiam Eliae venturi completam esse in Iohanne;*

*a Matt.
 11. 14 &
 17. 12.
 b Marc.
 9. 13.*

** Bellar.
 ibidem.*

hanne; arripit illud, Qui habet aures,
 audiat, xi. Mat. quod continuo sermo-
 nem illum excipit de Eliâ, magnūque
 inde elicit mysterium: Sed callide dis-
 simulat, quod xviij. (quem locum ipse
 antea allegauerat) Christus interpre-
 tatur eodem modo Malachiam, sine
 eorundem subiunctione verborum, Qui
 habet aures, audiat; suam eodem ad-
 iungens non ferendam paraphrasim; no-
 bisq; impudenter exponens, quid Chri-
 stus vellet dicere; immò sanè, quid
 Christum dicere oporteret, si bonus pro-
 būsque Catholicus fuisset. hoc enim
 sensisse eum, persuasissimum habeo,
 glossæ Aurelianensi addito, quo
 contextum euertit. Iam videtis, quan-
 tã cum impudentiã Christi verbis abu-
 tatur, qui tribus in locis, vti dixi, alte-
 rum aduentum Eliæ de Iohanne Bap-
 tistã interpretatur. Idem improbi-
 mē cauillatur super verbo venturus.
 Christus enim utitur illo quidem ver-
 bo, sed repetens vulgarem opinionem:
 interpretatur autem, iam eum in Io-
 hanne venisse, ac si diceret; vera est
 quidem prophetia, Eliam esse ven-
 turum:

turum: ^a sed ego dico vobis, Elias iam venit, de Ioanne Baptistâ sentiens. Ita primum verba prophetia tempore futuro repetit, ut apud Prophetam reperiantur; deinde ea iam in Iohanne completa esse, in presenti tempore demonstrat. Neque est, ut hac verba Malachie, ^b Dies magnus & horribilis, Christi in eum expositionem refellant. Etenim si ^c quo die Salvator mundi passus est, ^d Sol obscuratus fuit omnino ad tres horas, velum Templi scissum in duas partes à summo usque ad imum, terra contremuit, petrae fissa sunt, monumenta aperta, mortui resurrexerunt: si ille, inquam, dies non fuit magnus atque horribilis, quid horribile sit, non video: qui haud dubiè omnes sine exceptione Iudeos iusto anathemate perdidisset, nisi idem Iohannes, praecursor Domini, permultos prius conuertisset doctrinâ penitentiae atque Baptismo. Sed quid ego laborem amplius de interpretatione Malachiae? quidne hoc mihi arrogem? cum omnibus satis esse debeat, Christum ipsū sic interpretatum esse, cumq;

a Matt.
17.12.

b Malac.
4.5.

c Matt.
27.

d Hac solis obscuratio ita supra omnem modum horribilis fuit, ut Dionysius solo naturae instinctu, & Philosophia naturalis cognitione, cum videret, attonitus exclamaret: Aut Deus patitur, aut vices patientis dolet. Malach. 4.6.

ipse dixerit, adeoque ter dixerit, per quem facta sunt omnia, quis mortalis audebit aliam interpretationem, immò contrariam affingere?

Ecclesiast.
48.9.

Malach.
4.6.

Iam quòd ad locum Ecclesiastici pertinet, sicut filius Sirach tantum mutuatus est illum à Malachia, quod liquet ex verbis eius, de conuertendo filiorum corda ad patres, quæ verba sunt ipsius Malachia; sic Christus est optimus habendus utriusq; interpret: neque dedecori est huic mortali Iesu explicari ab immortaliveroque Iesu, licet ad pudorem & confusionem harsens Iesuitarum. Sed Enochum oportet in hoc negotio cum Eliâ coniungi, nullam aliam ad rem, nî fallor, nisi ad ingum ex alterâ parte tollendum. Nullus enim Scripturæ locus de reditu eius loquitur. Hoc tantum, in Ecclesiastico legitur, placuisse Enochum Deo, ob eamque causam, translatum fuisse in Paradisum, vt daret Gentibus sapientiam, vel poenitentiam, quando ita volunt. Et quid istuc est, dare Gentibus poenitentiam? nimirum Enoch in hanc vitam reuersionem, & pugnaturum contra

Ecclesiast.
44.16.

contra Antichristum. Scitum quidem commentum, sed parum aptum huic loco commentarium. Cùm Bellarminus ageret de Eliâ, urgebat hoc maxime, venturum esse Eliam, qui Iudeos converteret potissimum, & restitueret tribus Iacob. Sed ubi ad Enoch redit, oportet illum dare Gentibus pœnitentiam: de Iudeis autem ne verbum quidem. adfuturi sunt, nimirum, ut suam quisque curet provinciam, neque utrique idem detur negotium, sed ita sortiantur provincias, ut Petrus & Paulus; qui sic inter se partiti sunt, ut ille Iudeorum esset Apostolus, hic iret ad Gentes. Quid opus est tam longe petitis, coactisque commentationibus tribus de verbis? nōne sensus hic satis rectè clarèque constabit; Enochum Deo placuisse, atque in Paradisum fuisse translatus, ut exemplo Gentibus esset; & hîc tantus honos illi habitus, Gentes impelleret ad agendum pœnitentiam, sanctisque eius vestigijs insistendum? Quid enim potuit efficacius persuadere & adigere Nationes ad pœnitentiam, quam ut ipsi

a Pag. 27.

b Matt.
22. 32.

inspectantibus Diuinus ille vir, viuus in cœlum, pro mercede integritatis suæ sustolleretur; ceteri omnes interirent atque in corruptionem abirent? Destitutus autem a Scripturis, necesse habet Cardinalis ad Patres confugere; quò probet Enochum atque Eliam adhuc viuere, posteaque morituros. Sed pari felicitate, atque in Scripturis versatus est, ut verbo eius utar, quo ille in libello suo ^a contra me usus. Ad hoc probandum quinque de Patribus adducit, Irenæum, Tertullianum, Epiphanium, Hieronymum, Augustinum: qui quidem omnes super hoc consentiunt, utrumque, Enochum atque Eliam adhuc viuere: quod nemo Christianus unquam, opinor, negauerit. Abraham enim, Isaac & Iacob etiamnum viuunt, ut Christus est auctor: ^b Deus enim, inquit, viuentium est, non mortuorum Deus. quanto magis in uiuis sunt Enoch & Elias, qui nunquam mortem more aliorum gustauerunt? Sed de reliquâ questione, an postea morituri sint primi duo testes eius, Irenæus ac Tertullianus planè negant.

negant. ^a Ille enim ait, in Paradiso remansuros usque ad consummationem, conspicantes incorruptionem. Iam remanere illic usque ad consummationem, & non videre corruptionem, ex diametro repugnat reditioni in hunc mundum, mortisque perpeffioni. ^b Tertullianus etiam huic consentiens planissime dicit, Enochum nunquam gustasse mortem, ut æternitatis candidatum. Iam male sibi firmatum habet ius æternitatis, si iterum moriturus est. Loca autem ex tribus reliquis Patribus adducta, alterum confirmant, illos hodie vivere: alterius nullam faciunt mentionem, esse aliquando morituros.

Sed quoniam in hunc de Patribus antiquis fortè sermonem incidimus, finite, quaeso, hac occasione obiter vos moneam, mirum non esse, si sapius Patres hic errent, & minus recte multa Apocalypsis mysteria intelligant, propterea quod liber ille eorum temporibus adhuc obfignatus fuit: & licet ^c mysterium iniquitatis iam tum ageretur, ille tamen homo peccati nondum erat reuelatus.

^a Irenæus
lib. 5.

^b Lib.
contra
Iudas
cap. 20.

^c 1. Thes.
2.

reuelatus. In omnibus enim obscuris Prophetis certissima est regula, nunquam eas satis intelligi posse, usque dum compleantur.

Atque ad hunc modum duobus Bellarmini locis è Veteri Testamento depromptis, per hunc tertium è Nouo, qui verba Christi continet, satisfeci. quoniam luce sunt clariora, quartum nunc Scripturae locum^a xi. Apocal. videamus. Illi enim duo testes, scilicet, quorum ibi fit mentio, non alij quàm Enoch atque Elias sint, necesse est. Sed qui possit hoc cum Theologiâ, vel ratione consistere, ut hæc duo glorificata corpora, de Paradiso, cœlone (viro, vos videritis) descendant; prædicent, & pugnent contra Antichristum; interficiantur ab eo, posteaquam per multa annorum millia exempti fuerint à maledictione mortis, cui per naturam omnes subiacent; tertio die resurgant ad imitationem Christi; exinde multis miraculis editis redeant in cœlum veredariorum more, ultro citroque cœlum inter & terram cursitantes? hoc, inquam, qui possit cum

Theo-

a Apoca.
11.

Theologiâ, vel ratione consentire, equidem fateor, captum mentis superat: maximè quòd eos oporteat indutos esse cilicio, quorum corpora, opinor, tam diu fuerint à peccato libera, ut non amplius istâ maceratione egeant. Nunc enim oportet illos, aut in cœlo esse, aut in Paradiso. si in cœlo (quod haud dubiè verum est) glorificata sint corpora eorum oportet: cum ^a nihil corruptibile eò possit penetrare. Ex quo consequitur non posse eos amplius carnis infirmitatibus, ac potissimùm morti esse obnoxios. Quòd si sunt in terrestri Paradiso, primùm scire auemus, ubinam sit ille Paradisus, quâ regione terræ, quibus orbis in oris.

^a Apoca.
21.27.

^b Bellarminus quidem in suis Controuersis multùm desudat, Paradisi regionem situmque perquirens, terræ inueniatur, an aëre: sed hæc omnia sunt mera deliria. ^c Scriptura testatur Paradisum, adeoque hortum Eden, fuisse quendam in terrâ locum, quem Deus elegit, ut Adamum inibi collocaret, unde cùm eum paulò post propter gravissimam offensam expulisset, blasphemum

^b Lib. de
Grat. primi
hominis.

^c Gen. 2.

mum est credere ullum ex Adami poste-
 ris eò postmodum peruenisse. Omnis e-
 nim eius progenies maledicta est in ipso,
 & de terrestri Paradiso eliminata, nec
 non ipsa terra vniuersim, ac Paradisus
 speciatim propter ipsum maledicta sunt.
 Secundus autem Adam per gratiam
 certum ex eis numerum vocauit, qui si-
 bi coheredes fierent cœlestis Ierusalem,
 cœlestisq; Paradisi. Terrestris enim,
 haud dubiè diluuiò, si non antè, deletus
 est, sublati illis omnibus exquisitissimis
 delicijs, summâque amœnitate, quâ re-
 liquas terra regiones longe multumque
 superabat. In aère autem pendere, in-
 credibile est, nec dissimile somnorum
 Alcorani. in Scripturis enim nullum
 commemoratur eiusmodi miraculum,
 nec aliunde oriri potuit, quam ex cu-
 riosis, ac praefuridis cerebroforum ho-
 minum commentis, qui non didicerunt
 a sapere ad sobrietatem. Hoc igitur
 certum est, in cœlo domicilium & re-
 quietem habere Enochum atque Eliam.
 b Enoch enim, inquit Scriptura, am-
 bulauit cum Deo, & non apparuit:
 quia tulit eum Deus, vel ad se rece-
 pit:

a Rom.
 12.3.

b Gen.
 5.24.

pit: ^a Elias autem visus est sublimè
 in coelum flammante curru subleuari.
 Ut autem illi, qui tot millia annorum,
 coeli fuerunt incola, mortalitatis legi-
 bus soluti, ut hæc, inquam, glorificata
 & incorruptibilia corpora redeant in
 hanc vitam, prædicent Euangelium,
 edant miracula; cum Antichristo
 denique confligentes interficiantur ij,
 quos mors naturalis antè absorbere non
 potuit, sicuti commentitium est fig-
 mentum, ita natura planè repugnat
 eiusmodi sanctificatorum corporum.
 Sed illud imprimis mihi mirum vide-
 tur, cur Enoch potissimum unum esse
 oporteat ex his duobus Christi testi-
 bus. Moyses certè atque Elias cum
 Christo fuerunt in transfiguratione, in
 figuram Legis & Prophetarum. Lex
 enim & Propheta gravissimi testes
 fuissent ad coarguendum Antichri-
 stum. Cur autem Enoch collum iugo
 subdiderint, Moysen exemerint, di-
 uinare non possum.

Sed nimis anxie studiosèque hanc fi-
 tilem & sanè anilem fabulam refutavi,
 cui tantum abest, ut credam; ut contra,
 isto

a 2. Reg.
 2. 11.

isto tam erudito seculo, hoc qui credat (Deum testor) non modo pro magni nominis Theologo, sed ne pro Christiano quidem habeam: quin potius Scribis & Phariseis accenseam, qui sic insaniebant, ut quamuis Christus contrarium docuisset, semper tamen venturum esse Eliam somniarent. Veteribus autem Theologis, si qui in hac parte errauerint, equior sum, propter rationem quam supra memoravi.

Quid per
hos duos
testes sig-
nificetur.

Iam illa anili fabulà refutatà de duobus illis testibus Enoch atque Elià, restat, ut meam coniecturam interponam, doceámq; quosnam illos testes esse arbitrer. Equidem fateor multò facilius esse eiusmodi nullà ratione subnixas, ac Theologiae fundamētis aduersantes fabellas refellere, quàm tam alti reconditig; mysterij germanum sensum eruere. Itaque ut non tantum mihi arrogauerim, quenquam ut adigam in meam sententiam, nisi quem ipsa veritas, & animi sui iudicium eò pertraxerit: ita proponam probabiles coniecturas, quae, ut spero, haereses & nimia curiositatis suspitione vacabunt.

Duobus

Duobus diuersis modis mysterium horum testium, meâ quidem sententiâ, probabiliter & non incommode potest exponi: quorum alter est, ut per duos hosce testes intelligantur Vetus ac Novum Testamentum. Nam ut Antichristus non potest non inimicus esse Verbo Dei, illudque supra omnia odisse: sic nihil intentatum relinquet, quo illud dedecoret, corrumpat, supprimat, & quibus possit artibus destruat. Ceterum an hic liber duorum Testamentorum, vel duum Christi testium, vim aliquam à Babylonicâ Monarchiâ passus sit, necne, nihil dicam: res ipsa loquitur. Non obtundam vos recensendis tritis illis, quibus utuntur ad minuendam eius auctoritatem diſſerijs, cuiusmodi sunt, Nasus cereus, Mortua littera, Lesbia regula, sexcenta alia probri & ignominia plena. Sed quantum Traditiones hominum, atque auctoritatem Ecclesie his testibus preferant, ex ipsorum doctrinâ apparet. Ad cuius rei probationem, si nihil aliud extaret, satis profecto esse posset ille libellus scitam hanc inscriptionem præferens,

Cardinal.
Peron.

Luc. 15. 8

Ionan. 21.
22. 23.

A Bonaventura,
Doctore
Seraphico
editum.

praefereus, De insufficientiâ Scripturæ Sanctæ. Cum autem nullâ de re magis laborandum sit, quàm ut integra & incorrupta conseruetur sacra Scriptura, complures veteris Latine versionis locos etiam corruptissimos corrigi minimè patiuntur: cuiusmodi sunt euertere domum, pro euertere ad inueniendum denarium: & illud de Iohanne dictum, Sic eum volo manere, donec veniam, pro Si, tametsi non solum mendii, sed etiam mendacii manifestum sit; ut subsequencia contextus verba declarant. Sed tantum absunt à veterum codicum emendatione, ut vulgarem versionem Pontificij non dubitent archetypis originibus Hebræorum, & Græcorum antepondere. Hæc etiam contemnendane est deprauatio Scripturarum, fidem atq; auctoritatem omnium, aut maxime partis Apocryphorum librorum, exequare Scripturis canonicis, contra quàm Patres sentiunt, ac vetera Concilia decernunt? Illa autem quàm sacrilega corruptio, Dominam pro Domino ponere in toto Psalterio? sic enim Dominæ nostræ Psalterium,

terium, quod vocant, non ita pridem denuò Parisys est excusum. Nónne hoc est Christi, Matrisque personam ac dignitatem confundere? Quid de Scriptura suppressione dicam? quot seculis populus Christianus in tantâ cecitate, & salutaris doctrina ignoratione detentus est, ut hi testes pene incogniti essent; cùm Laici Scripturam attingere (ut quibus hoc interdictum esset) non auderent, maxima pars Clericorum in illius lectione versari aut nollent, aut non possent?

Ad hunc modum hi duo testes Christi, de quibus ipse dicit ^a Scrutamini Scripturas, illæ enim testimoniū perhibent de me: hæc ^b due pingues olivæ, pacem afferentes cunctis credentibus, pacem, dico, conscientia: hæc ^c duo candelabra, quæ posita in conspectu Dei, pralucet nationibus, quæis significare utriusq; Testamentū, & representari in ipsâ Romane Missæ celebratione volunt: ad hunc, inquam, modū fuerunt hi duo testes dedecorati, corrupti, suppressi: quid dico suppressos? immò ad silentium damnati, ut pro heretico

com-

a Iohan.
5.39.

b Apoca.
11.4.

c Ibidem.

^a Vide
Expositi-
onem
Missæ, an-
nexam
Ordini
Romano,
a G. Casā-
dro edi-
tam.

vers. 8.

Coloss. 2.
20.

vers. 9.

combureretur, qui in manus sumere auderet, aut inspicere. Deinde in ignotâ linguâ sic absconditi iacuerunt, pauci ut possent adire, aut assequi: quorum in locum *Legenda* subierunt, & portentosa quaedam mendacia, quibus omnia suggesta & templa resonabant. Atque ita evenit, ut corpora horum testium proiecta in plateis illius magnæ ciuitatis iacerent, quæ spiritualiter *Sodoma* vocatur, propter spirituales eius fornicationes, quæ sunt *Idolorum cultus*: spiritualiter *Aegyptus*, eò quòd *Santos Dei* in seruitutem humanarum traditionum redegerit. Quare oneramini ritibus? Quis requisinit ista de manibus vestris? Sic, inquam, corpora eorum ad triduû & dimidium diei sine sepulturâ proiecta sunt; id est, ad dimidium illius spiritualis hebdomadæ, quæ inter primum Christi aduentum, & secundum intercêdit. Et tum certè *Scriptura* tanquam cadauera, iacebam, absque monumento, omnium contemptui exposita, neglecta penè ab omnibus, nec à pluribus intellecta, cum nemo pœna formidine requirere

cas,

*eas, aut poscere auderet, sicuti supra
 diximus. Quæ cum sic intermortuæ,
 & quasi depositæ, exanimæ & sine vi-
 gore iacuisſent, non secus atque Lex,
 quæ cum diu in tenebris obruta latuiſſet,
 quasi vitæ reddita ac restituta Iosia
 tempore renixit; gaudebant habita-
 tores terræ; nempe, homines terrena
 sapientes, munera vtrò citròque in-
 ter se præ gaudio miſſitabant, quòd
 carnales suæ libidines non ampliùs iam
 comprimerentur, neque in ordinem co-
 gerentur, ancipiti illo gladio reſecta.
 Iam enim certò ſciebant, quicquid fe-
 ciſſent, quocùnque modo vixiſſent, pe-
 cunijs ſe omnium peccatorum indulgen-
 tias Babylone impetraturos: quippe
 Omnia venalia Romæ. Adeò non o-
 pus fuit hominibus ad veniam peccato-
 rum inueniendam, in cælum ſuſpicere;
 ſed pronos maſſupia deſpicere, ſi ſat
 nummis intumeſcerent. Immo quor-
 ſum attinuit Deum adire, & cælum
 per vim & relique feruorem occupare,
 cum Indulgentiæ ſe vtrò offerrent, atq;
 ad fores præſtò eſſent? Cum homines
 complures ſpirituales, iactarent ſe neq;
 Vetus*

2.Chron.
 34.14.

Versò 10.

*Vetus intelligere Testamentum, neque
Novum?*

a vers. 3

b Apoca.
6. 2.

c 2. Cor.
10. 4.

d Apoca.
17. 7.
* Venetij
excusa
an. 1562

En quàm inclementer, & quanto
cum dedecore hi duo testes excepti
sint in alterâ parte Hebdomada spiri-
tualis, qui in primâ, ^a cilicio cooperti
sunt; id est, pœnitentiam cunctis na-
tionibus, circiter quingentos aut sex-
centos post Christum annos, prædicave-
rant: cùm Deus Verbum suum, siue
testem ^b insidentem equo candido,
sic ouantem fecit incedere in primordijs
Ecclesie, ut omnes, qui aduersarentur,
vinceret: destrueret omnem altitudi-
nem, que se extollit aduersus cogiti-
onem Dei (^c ut ait Apostolus) aditu
cœlorum prohiberet omnes incredulos,
non minùs eos spirituali igne Verbi
conuinceret, durâsque eorum ceruices
frangeret, quàm Moyses & Elias
plagis & fame rebelles Egyptios ob-
stinatôsque Israëlitas contuderant. Ne-
que contenti erunt, hos testes dedeco-
rasse, corrupisse, suppressisse, sed ad
extremum quoque ^d interficiendi
sunt: quam ad rem prodit * Censu-
ra generalis, ut censorio mucrone
iugu-

iugulentur. Quid enim aliud agit, quam iugulat, cum alias omnes translationes, præter suam, auctor comburi mandat? quod etiamnum fieri solet. Præ se fert enim & palam profitetur, se non id agere, ut corrigantur (quod se facere vellet, magnam ei gratiam haberemus) sed ut deleantur & destruantur, unumquémque Scripture locum, qui illorum Traditionibus refragatur, hæreseus arguens. Neque id solum, sed tot ferè conuictis atque maledictis onerans, quot Cardinalis in meam Apologiam contulit: non dirigens, neque explicans Scripturam ex Scripturâ (quæ est optima interpretandi ratio) sed ad suas traditiones, tanquam ad Lydium lapidem, ipsam quoque Scripturam exigens: Ut damnet hæreseus, non eos modo Scripture locos, quos recitat, sed eandem etiam sententiam ferat in omneis consimiles, ubicunque in Scripturis reperiuntur. Et tamen summo Dei Optimi Maximi beneficio, nunc incipimus (id quod maiores etiam nostri aliquot superioribus sæculis fecerant). oculis cernere hosce testes resur-

a Ver. 11

b Ver. 12

c Ver. 13

resurgentes, & in pristina gloriâ resurgentes, ^a Deo quasi leuante eos, atque in pedes ^b statuente : denique tollente in cœlum quasi in triumphali nube gloria, prout Elias curru subleuatus ignito traditur. Quæ Evangelij resuscitatio, atque in sublime euectio, tantum ^c terræmotum, tantamque rerum mutationem in plerisque gentibus peperit, ut pars decima, id est, bene magna, multique eorum, qui magnæ Ciuitatis ditioni suberant, nempe Babylonis, cognitis imposturis, ab eâ defecerint ; septem millia, id est, ingens multitudo per occasionem illius mutationis occisa sit : multi ad Deum conuersi, gloriam Deo cœli tribuentes. Hic igitur unus est modus, quo locum hunc Scriptura probabiliter, ut mihi videtur, interpretari licet.

Est & alter magis receptus, qui ad literam contextus propius accedit : si dicamus per hosce testes, non ipsum Dei Verbum, sed Verbi predicatorum, intelligi. Pauci erant ab initio, qui illum hominem peccati, reuelarent, & corruptelas eius retererent. appositè igitur

igitur duali numero descripti sunt :

^a Nam in ore duorum aut trium testium stabit omne verbum. *Neq;* maior fuit eorum numerus, qui magnum illud opus inchoauerunt, quam negotij magnitudo necessario postulabat. ^b Prædicabant in cilicio; quippe poenitentiam prædicabant: plurimos eorum crudelissima morte affectos fuisse, Orbi notissimum: mox surrexissent in eiusdem doctrina successoribus constat: idque tantâ vi & efficacîâ, ut omne miraculum superet. Cum enim habeatur in scripturis opus Dei miraculi plenum, Spiritus Sancti virtute perfectum, quod ^c Apostolus Petrus propè tria hominum millia vno die conuerterit: isti, de quibus loquor testes, intra paucos annos eiusdem Spiritus vi, multas potentissimas nationes in verâ Fidei viam reduxerunt, quæ constanter hodie perseuerant; Deum laudantes, qui eas ab Antichristi magnâ Ciuitati imperantis tyrânide exemerit: & altâ voce clamantes, ^d Exite de illis populus meus, ne participes sitis delictorum eius, & de plagis eius non accipiatis. Hoc

E

igitur

^a Dent.
19.15.

^b Apoc.
11.3.

Sanguis
Marty-
rum est
semen Ec-
clesia.

^c Act. 2.
41.

^d Apoc.
18.4.

igitur isti miraculorum mndinato-
res, qui nauseam mundo cient, & char-
ta precium adaugent, editis quotidie
veteribus illis quidem, sed denuò inter-
polatis miraculis, ac plenis mendacio-
rum Legendis: hoc, inquam, isti cogi-
tent magnum reuerà miraculum &
quod fidem penè superet; & vilibus suis
atque adulteratis, ut tandem ipsos pu-
deat, mercibus componant. Atque in
duobus modis explicatâ cōiecturâ meâ,
quos duorum testium nomine intelli-
gi censeam, quorum Apocalypseus xi.
sit mentio (quanquam non sit magnum
utriusq; discrimen; in altero enim ip-
sum Dei Verbum; in altero Verbum
quoq; Dei, sed ex ore predicatorum
eius, accipimus) restat iam ut tertium
descriptionis Antichristi locum excuti-
amus, in quo de personâ querendum
esse instituimus.

Scorto Babylonio, quod Bestia ine-
quitat, sedem alicuius Imperij, & suc-
cessione continuatam hominum seriem
illi præsidentem, non unum aliquem de-
signari, perspicuum est ex formâ, quâ
diuersis libri locis Antichristus ipse de-
scribitur.

scribitur. Versu enim ultimo cap. xvij.

^a mulier exponitur, magna illa ciuitas, quæ dominatur Regibus terræ; quæ non potest significare certam, unius hominis personam, sed plures homines sibi continenter succedentes, ut supra memoravi, quorum sedes est magna illa Ciuitas. Similiterque eodem cap.

a cap. 17.
vers. 18.

^b septem capita, illius Bestiæ, duobus modis exponuntur: primum de septem montibus; quod obuium est: deinde de Regibus totidem, quod de illis non potest intelligi Regibus qui^c Bestiæ suam potestatem tradituri sunt, ei^{que} subiicientur, qui mox^d decem illis cornibus figurantur: sed magis apparet septem capita Bestiæ, septem Imperij formas esse, illius sedis proprias, quarum quinq; iam fuerant & ceciderant. Reges enim primò fuerunt; deinde exactis Regibus, Consules, Dictatores, Decemviri, Tribuni militum. Sexta erat, quo tempore Iohannes conscripsit hunc librum, Caesarum Imperium. Septima, quæ nondum venerat, & exiguo temporis spatio erat duratura, Ecclesiastica est Episcoporum,

b vers. 9

c vers. 13

d vers. 12.

Ex quo Cō-
stantinus
magnus
Imperium
Romā
Constanti-
nopolin
translulit,
vsque ad
Bonifa-
cium 3.
anni cir-
citer 276
a verl. 11

* Non
quoad li-
mites, &
Imperij
amplitu-
dine, sed
propter
imperandi
modum &
ciuitatis
gloriam.

que translationem Imperij Romā Con-
stantinopolin consecuta est: licet illo-
rum regimen Imperatoribus quodam-
modo fuit subordinatum. Quanquam
enim hac gubernandi ratio annos circi-
ter cclxxvi. durauerit, tamen exiguum
hoc fuit præ longo illo tempore, quo reg-
num, quod illi continuò successit, nec
dum desyt, Antichristus obtinuit. Octa-
ua, quæ est Bestia, quæ erat, & non
est, & itura est in perditionem, ipse
est Antichristus, qui quidem censetur
octauus propter illius summum & abso-
lutum Imperium; simul tamen septi-
mus, quia visus est successisse Episcopis
in Ecclesiasticâ quadam, ratione impe-
randi: licet amplitudine suâ gloriam
Imperij Babylonij parem effecturus erat
illi magnificentia, quam magna illa ci-
uitas obtinuit, tum cùm maximè flore-
ret ac triumpharet; quæ Sancti Iohan-
nis etate multum imminuta erat per
nobilium factiones, & seditiones mili-
tum, ipsorumque Caesarum socordiam.
Ita pristinus ille magne Ciuitatis, seu
Bestiæ splendor, cui S. Iohannis etate
tantum decesserat, * ut non esse tum,
nisi

nisi quodam modo videretur, restituendus erat per illum Antichristum, qui sicut ascendit ex abyſſo, sic iturus est in perditionem. Quinetiam ex illo maximo^a planctu, qui cietur ex interitu Babylonis xviij cap. tam à Regibus, quam mercatoribus terre, ubi ad miserationem desolationis eius augendam iteratur^{* tertio}, cecidisse horæ momento magnam Civitatem; ex illo, inquam, gravissimo planctu planissime constat, regnum Antichristi longius triennio & semestri spatio, aut unius hominis ætate duraturum. Reges enim, qui cum eâ fornicati sunt, &^b in delicijs vivebant, tempus habuisse diuturnius ad magnam illam necessitudinem contrahendam oportuit.^c Mercatores autem terræ, sic eius, dum stetit, prolixè copias & fœlicitatem ostentant, quasi suarum esset Emporium divitiarum, quæ tam exiguo tempore non poterant, ac ne uno quidem sæculo, coacervari. Sed ut iam omnem hanc Antichristi descriptionem in pauca conferam, compendiosâ vobis methodo ante oculos ponam omnia, quæ de eo dicta sunt in Apocalypsi, ad pleni-

a cap. 18
v. 9. & 11

* Ibid. v.
10, 16 19

b vers. 9.

c vers. 12

orem, explanationem, trium illorum
Capitum quae iam explicauimus.

Prima
Visio, quae
describitur
Antichristus.

a Apoc.
c. 6. vers. 2.

b vers. 4.

c vers. 5.

d vers. 8.

* Sine il-
lis secun-
dum aliam
lectionem,
quo con-
iunctim
intelligi-
tur idem
ille equus
pallidus,
una cum
sessor suo
& comite,
qui sunt
Mors &
Infernus.

Antichristus meo quidem iudicio
quater à Iohanne in Apocalypsi, quan-
or diuersis visionibus depingitur, quae
omnia in breue compendium cap. x. con-
trahuntur. Primum e quo pallido de-
scribitur in visione sigillorum, cap. vi.
postquam enim Christus^a in equo al-
bo, cum primum sigillum apertum
est, propagatione Euangelij triumphaf-
set: ^b rufus autem equus ad apertio-
nem secundi, non minus contenderet in-
festam persecutionem mouere, quam
Christus constantiâ Martyrum vince-
re; Fames autem atque aliae plaga, per
^c equum nigrum figurata, prioribus
illis persecutionibus in tertio sigillo suc-
cederent, dehinc iam procedit ille An-
tichristus in ^d equo pallido, cum quar-
tum apertum est sigillum, & qui se-
debat super eum, nomen illi Mors,
quem Infernus sequebatur: sessor pal-
lido equi colori consentaneus: & data
est ^e ei potestas in quartam terrae par-
tem, id est, in Europam, interficien-
di gladio, & persecutionibus sani-
endi,

endi, (quod Ethnica Roma factitauerat, equo rufo figurata) & conficiendi spirituali inedia seu fame Verbi Dei, quam minatur Propheta, sicuti niger equus fame & morte corporali necabat, quibus mors spiritualis designatur. Antichristus enim equo pallido notatus, Ecclesiam tum seu a persecutione & corporali morte vexabit; tum non minus pelliciendo Nationes in Idololatriam spirituali quoque morte mulcabit. Locustas enim, quibus ut Rex imperat, quarum ix. cap. huius libri fit mentio, emittet; unaque cum eis tres illos ranunculos, cap. xvi. commemoratos, qui Reges nationesq; omnes ad calicem abominationum eius exhauriendum alliciant. Atque hic desinere hanc descriptionem Antichristi perspicuum est. ad resignationem enim^a quinti sigilli continenter subiunctam, anima & sanguis interfectorum^b Sanctorum, magna voce clamantes, accelerari vindictam expetunt, iudicium exposcunt: quod in sexto^c sigillo concessum est eis aduentu Christi nouissima die, qui per recessu coeli instar libri con-

E 4 ueluti,

a vers. 9.

b vers. 10

c vers. 11

uoluti, & alia multa in eandem sententiam significatur.

Visio se-
cunda de-
scribens
Antichri-
stum.
Cap. 9.
a vers. 1.

Sed quia hac videri posset ipsius Antichristi brevis & obscura descriptio, fusius & magis specificè depingit eum, præsertim in visione Tubarum, cap. ix.

^a Illic enim habetur ad quinta tubæ clā-
gorem, cū iam passim hereses in tribus
e quatuor primis clangoribus disse-
minatæ fuissent, nempe ad primam, ter-
tiā & quartam (temporalem enim per-
secutionem censeo tantū secundo tubæ
cantu significari) Iohannem ^b Vidisse
stellam de cœlo decidentem in ter-
ram, cui data est clavis putei, ^c qui
dicitur abyssus: quæ cū aperta es-
set, cum fumo putei magnam vim
locustarum exiisse in terram, de qua-
rum tam astutiā, quā potentiā, cū
multa dixisset, Regis earum, qui edux-
it eas de puteo Abyssī, nomen expo-
nit, quod Hebraicè Abaddon dici-
tur, Græcè autem Ἀπολλύων. Hæc autem
^d stella, quæ de cœlo cecidit, signifi-
cat, nī fallor, aliquem eximia digni-
tatis in Ecclesiā, qui cū ex officio lux
mundi esse deberet, ut ^e Christus
præce-

b vers. 2.

c vers. 3.

d ver. 11

e Matth.
3. 14.

praeceperat; ille contra manus suum deserens, instar Luciferi deficit, regnum sibi erigit, pestifero subdolorum & immanis scintilla animalculorum examine emisso, quae locustarum nomine notantur. Ad hunc modum sedes Antichristi coepta est erigi, cuius doctrina copiose declaratur in secundo Vx, post inflationem sexta tuba; ubi dicitur ^a residuos homines, qui non sunt occisi in his plagis, non egisse poenitentiam de operibus manuum suarum, ^b ut non adorarent daemonia, & simulachra aurea & argentea & ærea & lapidea & lignea, quæ neque videre possunt, neque audire, neque incedere. De cultu demoniorum, egregium Doctorem Iesuiticum ^c Vasquem consulite. Quantum verò ad cultum imaginum, negari non potest, quin caput doctrinae precipuum sit Romanensis Ecclesiae. Deinde ibidem subinfertur, ^d non egisse eos poenitentiam ab homicidijs suis, neque à veneficijs, neque à fornicationibus suis, neque à furtis.

a Vers.
13.

b Vers.
20.

c Lib. de
Cultu a-
doration.
lib. 3. disp.
1. cap. 5.

d Vers.
21.

Homicidia, persecutiones eorum de-

notant, promiscuas cedes ac trucidationes. De beneficijs qui dubitat, eorum Agnos Dei contempletur, quibus ignis restinguitur, benedicta indusia, & diuersorum generũ reliquias; denique orationes, quæ homines à tormentorum bellicorum impetu, vi flammæ, violentiæ ferri, iactu fulminum, ceterisque id genus periculis conseruent. Tum indicet, an non sint hæc beneficijs & beneficiorum incantationibus simillima.

Iam fornicationem eorum intelligo, cum spiritualement, quæ perhibetur Idololatria, tũ non minus carnalem, quæ apud eos frequentior est, tam propter matrimonium Clericis suis interdictum, quàm propter tot otiosorum Monachorum ac Sanctimonialium greges. Otium enim esse maximum incitamentum atque illecebram libidinis, usus vite quotidianus docet. Furti autem in eo maxime se alligant, quod Deo surripiunt titulos honorum, & amplitudinem potestatis illi soli debitam, quam in Antichristum caput suum conferant. Nec minus in accumulandis opibus furti tenentur, dum prestigiatorijs artibus,

Iubi-

Iubilæis, Indulgentijs, Reliquijs, & id genus alijs efficacibus delusionibus, animas hominum nundinantur.

Desinere autem descriptionem Antichristi cap. ix. liquet ex iureiurando, quod ^a fortis ille Angelus, leuatâ ad coelum manu deiecit vers. vi. cap. x. post cantum sextæ tubæ, ^b tempus non fore amplius. Sed cum septimus Angelus tubâ cecinisset, consummabitur, inquit, mysterium Dei, sicut Euāgelizauit per seruos suos prophetas. Undecimo cap. tantummodo describit modum quo debellatus est Antichristus; cuius regnum antè exposuerat cap. ix. nobisque de duobus illis testibus annuntiat, fore ut post persecutionem, quam ab Antichristo passi sunt, exitium ei adferant. Quod si quis putet Antichristi mentionem fieri solum xi. cap. Bestiam autem de quâ agitur xij. & xvij. cap. tantum significare Ethnicam illam veterem Romam: ad hanc minuendam opinionem satis est recordari, nunquam Antichristum poni nominatim toto cap. xi. nisi ubi vers. vij. capitis eiusdem appellatur Bestia, quæ prodit de puteo

a Cap. 10.
vers. 1, 6.

b Vers. 7.

Cap. 11.

Vers. 3.

teo abyssi, quæ per loci descriptionem, unde emergit, probatur eadem esse Bestia, cuius eadem origo xvij. totidem verbis commemoratur. Adeo non est alius, sed idem Antichristus varijs visionibus iteratus, varièque descriptus.

Tertia
visio de-
scribens
Antichri-
stum.

Cap. 12.
vers. 6.

Vers. 15.

Cap. 13.

a Vers. 1

b Vers. 2.

Iam xij. & xij. cap. ac deinceps usque ad xvij. fusio rem facit ac plenior em propheticam explicationem status Ecclesie, regni que ipsius Antichristi. Capite enim xij. designat Ecclesiam specie mulieris à Dracone, qui Diabolus est, in desertum fugientis. Draco autem ubi videt, se non posse aliter illam consequi, effundit ex ore aquas instar fluminis, quibus abrepta traheretur: quo significatur plurimas nationes solutas & immixtas esse ad persequendum, & vexandum Ecclesiam. Decimotertio autem cap. ex illa nationum immensa colluvione, qua persequiebantur Ecclesiam, exoritur magna illa Civitas, Regina omnium illarum Gentium, & caput dire persecutionis, bestia quædam figurata, a quæ septem habuit capita & decem cornua, b pardo similis, cum propter colorem, quia respersa erat maculis,

culis, id est, corruptelis contaminata; tum quòd adulterinam quandam imperandi rationem adhibet, specie spiritualem, reuera secularem, quâ super Reges terra extollitur: Leopardi similem, quæ spuria est bellua, è Leone pardòq; mista; vrsinis pedibus, ad vires eius significandas; ore autem leonis, ad rapacitatem declarandam, seuâmq; naturam.

Hæc Bestia, quæ suam à ^a Dracone habuit potestatem, plagam autem læthalein in vno capitum, siue vnâ imperandi rationum, à Gotthis ac Vandalis acceperat, sed mox ^b curata est, aperuit os suum ad blasphemias in Deum, ^c bellumque Sanctis intulit: quam, scilicet, terram vniuersam adorare oportet, quod nunquam vetus illa Ethnica Roma à quoquam postulauit; quæ dedignata non est fœdere cōiunctos Reges, socios atque amicos comiter appellare. Cultus autem, atq; adoratio, hoc eodem nomine ac titulo, soleâtne adhiberi singulis Pontificibus cū inangurantur, nemo Cardinali nostro melius nouit.

Deinde ^d alia bestia è terrâ exoritur,

a Vers. 3.

b Vers. 6.

c Vers. 7.

d Vers. 11.

a. *Vr. 12.*

tur, cuius firmitas origo est & stabilior, ut quæ visibiliter vera Ecclesia succedat; ob eamq; causam duo cornua, tãquam Agnus gerit; specie quidem externâ Christi sponsam referens, & Christum sibi propugnatorem obtendens: sed instar Draconis loquitur, docens damna- biles Diabolicasq; doctrinas. Hæc autem Apostatica Ecclesia (Apostolica dice- rem) postquam mundo palam fecisset su- am ingentem potentiam, ^a omnia faci- endo, quæ prior Bestia vnquam po- tuit facere, in conspectu eius: hoc est, ostentando magnitudinem suam non in- fra magnitudinem Ethnicæ Cesarũ Im- perij subsidere, tantâ cupidine incensa est efferendi Bestiam hanc, quæ iam An- tichristi nomen & sedem tenuit, ut ter- ram faciat terræq; habitatores ado- rare illam priorem Bestiam, siue Ro- manam Monarcham: atque ita in eum omnem suam potentiam atq; opes trans- ferat. Quin Reges etiam, Cesarẽsque pedes eius exosculari non detrectabunt. Quam ad rem edet miracula, in quibus se venditabit, seducens portentis men- dacibus, errorisq; efficaciam, ut^b Paulus loqui-

b. *2. Thes.*
2.9.

loqui-

loquitur, *quamplurimos*: Inter alia autem eius prodigia, ^aignem de cœlo deducet; nempe fulmen Excommunicationis, cuius tanta vis est, ut thronis exturbare Principes valeat, adeò ut omnes pro hæreticis occidendi sint & exurendi, qui ^bBestiæ nolunt imaginem adorare; hoc est, summam eius potestatem nullis limitibus circumscriptam.

a Ver. 13.

Quinetiam hæc Bestia, vel pseudopropheta (sic enim xvi. ca. appellatur) adeò totus incumbit ad augendam illam alteram Bestiam siue Antichristum, ut à cunctis ordinibus generibûsq; hominû,

b Ver. 15.

^cin manibus dextris ac frõtibus suis, illius Bestiæ character siue nomen accipiendum sit; ^dsine quo non licebit cuiquam emere quicquam, aut vendere. Character in fronte quid est aliud, quàm externa professio, vel humilis potius confessio, se huic Bestiæ subijci? Signum in dextrâ, notat actua-

c Ver. 16.

d Ver. 17.

lem eorum, atque implicitam obedientiam erga eam, quam putant non posse errare, etiamsi eos contra Principes suos naturales arma ferre iuberet. Cui similis est illa cæca obedientia in

quam

quam omnes Iesuitæ iurant, quibus nec
 absimiles sunt Romanenses illi apud nos
 Sacrificuli, qui Sacramentum fidelitatis
 iure naturali debitum, in deterius mu-
 tati eiurarunt: quod licet primò susce-
 pisse se dicant, illesâ conscientiâ, utpote
 vinculo Naturæ obligatos; tamen nunc
 illud idem necesse habent eiurare, &
 fas omne abrumpere, ne Pontificijs man-
 datis non pareant, cuius libidini consci-
 entiam eorum & rationem mancipa-
 tam esse oportet. Qui verò non concedit
 absolutam hanc potestatem, neque e-
 mendi, neque vendendi ius habet:
 quia nemo fidem servare tenetur here-
 ticus, ullumve contractum cum illis ra-
 tum habere: immò equivoicare (ipso-
 rum verbo uter) & peierare aduersus
 illos Romano-catholico licet.

a Vers.
17.

* Irenæus
 aduersus
 hæres.
 lib. 5.

Iam quod ad nomen Antichristi atti-
 net, & numeri in eo nomine^a mysteri-
 um, siue intelligendus sit numerus, quem
 litera conficiunt in Græco nomine^{*} χιλίους,
 quod optimè cum Romanâ Ecclesiâ, Ro-
 mana fide, & Latinâ liturgiâ con-
 gruit: siue quòd in contextu numerus
 vocatur hominis, placet accipere an-
 norum

norum Domini numerum, cum ille homo, qui primus omnium usurpauit titulum Antichristi, viueret, Lectoris arbitrio dyudicandum relinquo. Primum illum hominem intelligo Bonifacium tertium, qui primus se nuncupauit Vniuersalem Episcopum: quo titulo, S. Gregorius, qui vitam usque ad tertium annum ante Pontificatum illius produxit, ipsum Antichristum cognoscendum fore^a prädixerat; siue eius, ut ipse loquitur, præcursorem: qui licet defunctus sit sexaginta annis ante annū DCLXVI. Christi, tamen titulus ille, non nisi LX. post annis in successoribus Bonifacii iam confirmatus resēdit. Aut si libet numerum annorum inire, à tempore quo Pompeius templum diripuit, usq; ad Bonifacium, non multum huic annorum numero explendo deerit.

Ad hunc modum cum Antichristi dominatio propheticè xij. cap. descripta sit, occasus eiusdem^b xiiij. prænnunciatur; primum exultatione festinâ, ac triumphali nouâ cantione Sanctorum in cœlis: deinde Angelorum trium præconio, quorum primus^c manu tenens æternum
Euan-

^a Epist.
l. 6. c. 30

^b Cap. 14
u. 3.

^c vers. 6.

Euangelium, cunctis gentibus annuntiandum (*certissimum telum, quo*
a *vers. 7.* *stum*) *a* timorem & gloriam Deo
b *vers. 8.* *venisset. Secundus pronunciauit* *b* ru-
c *vers. 9.* *inam Babylonis; quæ est interitus ip-*
sus Antichristi. Tertius uenit atque
interminatus est sub pœnâ damnationis
aterne, nequis *c* *Bestiam adoraret, neu*
characterem eius acciperet. Quan-
quam autem in reliquo capite nomi-
mus dies iterum prænunciatur, quasi
d *cap. 15* *ver. 1.* *paulo post reuelationem hominis peccati*
sequuturus; veruntamen *d* *xv. cap.*
commemorat septem plagas, nomine
phialarum, prius super Antichristum
e *cap. 16* *regnum eius venturas. quibus nomi-*
f *ver. 10* *natum* *e* *xvi. cap. expositis, inter alias*
indumerat effusam *e* *f* *quintâ phialâ pla-*
gam tenebrarum, immo tantam caligi-
nem, ut eâ regnum Antichristi ob-
scuretur. unde sextus Angelus cum
g *ver. 12* *effuderit* *g* *phialam suam, via præpa-*
rabitur Regibus ab ortu Solis, cum
iam homo peccati ceptus est reuelari;
sublatis omnibus impedimentis, quæ
possent

possent iter eorum ad inuadendam illam Monarchiam remorari: non secus ac fluvius Euphrates, qui Babylonem ipsam praterlabitur, eam ab incurſu Regum Orientis (Medorum, ſcilicet, atque Perſarum) quoad permansit Babylonica Monarchia, tutabitur; donec fluminis exſiccatione, aut inopinato Cyri tranſitu ^a Babylon noctu capta eſt, Balthaſar occiſus, imperium eius euerſum, etiam dum Babylone reſidebat, inebriatus & potans in vaſis ad Dei miniſterium comparatis; atq; ita quaſi in templo Dei ſedens, ſacriſque eius abutens myſterijs.

^a Dan. 5.3

Ad cuius mali remedium cùm ſexta phiala effunderetur, ^b tres immundi ſpiritus in modum ranarum exhibant de ore Draconis, Beſtiæ, & Pſeudoprophetæ. quod ſic intelligendum arbitror: cùm primùm Anti-chriſti Regnum tam craſſâ denſâque ignorantie caligine obſcurabitur, ut omnis diuinarum humanarumq; rerum cognitio, literæ deniq; omnes penè intereant, pauciq; ex ipsis ſacerdotibus legere auctore Latinum, nedum intelligere poſſint:

atque

^b ver. 13

atque ita munita erit via expeditissima
ad interitum Babylonis: tum noua se-
cta exurget, & noui spiritus ad laban-
tem illum thronum fulciendum: qui
tres numero censentur, ideo quod tri-
bus magistris diriguntur. suscitantur
enim & afflantur ipsius Satana spiritus,
qui nomine Draconis figuratur; au-
toritate ipsius Bestie, quae est Antichri-
stus, confirmantur & stabiliuntur; de-
nique à Pseudopropheta, quem Aposta-
ticam Ecclesiam interpretor, docentur:
cuius cornua sunt instar Agni, sed ad
similitudinem Draconis os loquitur.
Hi quidem Spiritus ad hunc modum
emissi, triplici auctoritate, in defensio-
nem sui Monarchae triplicem coronam
gerentis, muniti, bene assimilantur
ranunculis. sunt enim aquilae, qui pos-
sint in utrôq; elemento tam terrâ, quam
aquâ viuere. Quamuis enim profes-
sione sint Ecclesiastici, tamen artibus
hominum politicorum, cum opus est, v-
tuntur; ^a Reges aduent terre, quos ad
praelium magni diei & ab omnipotente
Deo constituti congregent. Quae cades,
quàmque horribiles in multis orbis
Chri-

^a Ver. 14

Christiani regionibus laniata eorum, impulsu perpetrati sint, & quàm male cesserit Regibus, qui illorum dictis audientes fuerunt, omnes non iniqui temporum nostrorum Historici satis testantur. Quisquis autem Rex aut Respub. illos non admiserit, illis que non obtemperauerit, exterminari illum Regem, euerti illam Rempub. arma alia si desunt, vel sulphurato puluere oportet. Atque hæc rana non absque re in omni literarum genere elaborârunt, quò docti euaderent, ut crassam illam ignorantia nebulam, quâ regnum Antichristi, antequam exissent, obductum fuerat, dissiparent, atque dispellerent. ^a Deinde huius capitis clausula, ultimam plagam complectitur, effusamque in ipsum Antichristum è septimâ phialâ, quæ est nouissimum illud iudicium summâ die futurum. Tum enim, inquit, ^b Babylon venit in memoriam coram Deo.

a Ver. 17

b Ver. 19

Sed xvij. cap. Visio prior exponitur; ubi Antichristum ^c mulier sedens super illam multorum capitum Bestiam representat: quia ut vera Christi sponsa

Quarta Visio describens Antichristum.
c Cap. 17 ver. 3.

sponsa & Ecclesia per mulierem xij. cap. representatur, sic caput adulterina falsaq; Ecclesia per mulierem hic etiam designatur; sed^a quæ calicem plenum abominationibus manu teneat:
a ver. 4.
ut & ipsa^b scortum propter spiritualia eius adulteria vocatur, utpote quæ
b ver. 1.
c Reges terræ seduxerit, ut spirituales suas fornicationes participarent. Erat tamen externâ specie, mirum in modum splendida & gloriosa, sed sanis persecutionibus^d sanguine sanctorum ebria.
c ver. 3.
Quoque innotescat magis, fronti nomen eius inscribit, moribus consentaneum:
d ver. 6.
e Mysterium, magna illa Babylon, mater illa fornicationum & abominationum terræ. Mysterij vocabulum illi duobus nominibus competit: uno, quod sibi illud arroget; altero, quod reuera digna sit hoc nomine. Sibi illud assumit in eo, quod ipsa se Caput visibile indigitat mystici corporis Christi, quatenus dispensatrix esse vult & sola mysteriorum. Dei interpres: denique magnus hic in terrâ Deus, & auctor Fidei, Mystes est professione, id est, Sacerdos. Et si verum est, quod non
e ver. 5.
nemo

nemo observavit, illum habuisse antiquitus myſterij nomen, Mitra inſcriptum, non eſt quòd aliam interpretationem requiramus. hæc enim in eo planiſſimè prophetia impleta eſt. Dignam autem eſſe hoc nomine, quod reliquum eſt tituli, facile arguat; quo demonſtratur ^a mater eſſe ſcortationum & abominationum terræ. atque ita, ſub falſâ ſpecie ſanctitatis, ſi verum querimus, myſterium ſit ipſa iniquitatis, atque omnium abominationum; ſub larvâ ſimulatione cure ſpiritualis animarum, regna exhauriens, orbemque Chriſtianum ſanguine & cadibus miſcens.

Iam cum hanc coccineam & cruentam Beſtiam, eiùſque ſeſſorem ad hunc modum figurâ corporis, veſtibus, nomine & moribus deſcripſiſſet, deinceps Angelus Iohanni Viſionem interpretatur, & tam Beſtiæ, quàm ſeſſoris arcanum explicat: nempe ſeptem capitibus Beſtiæ, ſignificari totidem ^b colles, quo ſitus Civitatis, ſedèſque Imperij notatur; nec non ſeptem capitibus, ſeptem intelligi Reges,
ſive

^a ver. 5.

^b ver. 9.

a vers.
12.

sive formas administranda Civitatis illi proprias ; de quibus iam exposui, quid sentirem. De a decem autem cornibus, quae totidem Reges esse demonstrat, qui simul eodemque momento temporis cum Bestiâ suam accipient Regiam potestatem, meo quidem iudicio denarius, certus numerus est pro incerto, sicuti septem capitum numerus, & decem cornuum Draconis seu Diaboli, non potest aliter intelligi, nisi ut numerum declaret incertum ; praequam quod in decem cornuum mentione, ad decem cornua septicipitis belluae, septimo Danielis alludere videtur. Itaque hos decem Reges reor esse omnes in commune Reges Christianos, & liberos Principes, ac Respublicas, Vos scilicet, Dilectissimi Fratres, quibus libellum hunc meum dicani, deq. nobis omnibus hac pronunciari: quod, licet hac nostra omnium absolutorum Principum potestas coeperit uno eodemque tempore cum Bestiâ (illustriora enim orbis Christiani regna, non nisi ruente Ethnico imperio Romano, libertatem suam vindicârunt) atque indidem

*indidem Antichristus suum regnum
 auspiciatus sit; licet per diuturno tempore
 in adorandâ Bestiâ nobis perseueran-
 dum foret, in eius obsequium catholicè
 & vniuersim consentiendo, omnem ei
^a potestatem nostram auctoritatem-
 que concedendo, pedes eius exoscu-
 lando, cum eâ simul calicem idololatria
 hauriendo, ^b bellum cum Agno, in
 persecutione Sanctorum eius, iubente
 eâ gerendo, quæ tot nationibus & po-
 pulis imperitabat: tamen his tot tantis-
 que difficultatibus superatis, tempore
 opportuno quod Deus nouit, atque adeo
 præstituit, post illam cum Agno de-
 pugnationem, ^c victoriâque eius,
 hoc est, nostri conuersionem vi verbi,
 tandem aliquando odio meretricem
 habebimus, & sic desertam relin-
 quemus ac nudam, ut pateat omnibus
 hypocrisis eius, & falsa zeli simulatio:
 denique carnem eius comedemus,
 ipsamque igne comburemus. Hunc
 igitur in modum ^d via Regum orientis
 erit patefacta. Deinde rationem sub-
 iungit huius tam subitæ miræque mu-
 tationis in nobis. ^e Deus enim, inquit,*

a vers. 13

b vers. 14

c vers. 16

d cap. 16.
vers. 12.

e vers. 17

a *Prov.*
21.1.

b *vers. 18*

cap. 18.

c *vetl. 9.*
10.

dedit in cordibus eorum, vt facerent suam voluntatem, vnóque consensu traderent regna sua Bestiæ, donec verba Dei complerentur: *secundum illud Salomonis*, ^a Cor Regis in manu Domini; quocunque vult, flectet illud, vt lapsus aquarum. *Ad hunc modum interpretatus Bestiam, siue imperium, vno deinde verbo explicat mulierem, quæ super illam sedebat, seu Monarchiam, qui regebat eam, non aliud esse, quam* ^b *magnam illam Ciuitatem, quæ dominabatur Regibus terræ; sedem imperij designans, & quasi digitum intendens ad conditionem eorum, qui sedem eam occuparent, atque in eâ dominarentur.*

Tum magnitudo ruine eius, & luctus ingens, quæ Reges pariter ac mercatores facturi essent super eâ, predicantur ab aliquodam Angelo cap. xvij. cum Reges plangerent eius occasum, quia ^c *in delicijs cum eâ diffuebant: quod cum Ethnicâ Româ à nullis vnquam Regibus factum est; nec fieri potuit, quos vi & armis subegit. Sed illa,*
cuius

cuius interitum deflebant, honorificis eos nominibus titulisque ornauit, veniamque eorum libidinibus atque illicitis matrimonijs indulgit. ^a Mercatores

a vers. 11
15. 16.
17. 18.

autem terræ, cum omnibus nauicularijs, & gubernatoribus, & cōmercia habentibus in mari, plangent ruina illius magnæ Ciuitatis (cui nulla par unquam fuit) propter iacturam diuitiarum & cōmerci, quibus eius, dum stetit, beneficio fruebantur. Atq; ibi omnia

b vers. 12
13.

^b diuitum mercimoniorum genera describit, quibus magna illa Ciuitas, cum esset Emporium copiosissimum, abundabat. Opus enim habet profectò, nec potest carere diuitijs, & pretiosis eiusmodi mercibus, cum ad ornatu Templorum, ac Satrapis similium Prelatorum, tum ad cultum ligneorum, quibus est plena, Sanctorum. Beata enim Virgo quotidie nouitijs & exquisitissimis vestimentorum generibus, quamuis habitum referant meretricium, induenda est & ornanda. Omnium autem sumptuosarum mercium, quæ maximi pretij sunt, ^c Animæ, scilicet, hominum, postremo nominantur.

c ver. 13

Tantum enim pecuniarum in Missas impensum, tantum in hoc vel illud Cœnobium Monachorum aut Fratrum erogatum; inprimis verò in illam, omnibus regulis & legum nexibus solutam, & ut ita dicam, incomprehensibilem, Iesuitarum sectam, valebit redimēda cum largitoris animæ, tum parentum eius in centesimam usque generationem, ne flammis Purgatorij excoquantur. Et certè credo, non est illa mediocris animarū negotiatio, cum homines usque eò spe & promissione æterna salutis fascinantur, ut facile persuadeatur Fraterculo,^a Regem dominum suum confodere imberbi adolescentulo, in vitam proximi^b successoris perditè inuadere; multis, in Serenissima Regina nuper defunctæ, necem sapius coninrare: denique, me imperium obtinente, nitrati pulueris impetu Regnum regniq̃ue Ordines funditus euertere, atque ita tam Animi, quàm Animæ iacturam facere.

Sed quantumuis flebilem edant lamentationem, voce cœlitus missa, mandata duo accipiunt; unum, c exire quam-

^a Henr. 3
R. Gallo-
rum.

^b Henr.
4. R.

^c vers 4.

quamprimùm è Babylone, ne fiant
 participes peccatorum eius, ac de-
 inde pœnarum. Quâ præmonitione
 excitati, utinam vos omnes (Charis-
 simi Fratres & Consanguinei) vobis,
 dum tempus est, consulatis, & ad
 hæc prospicienda oculos aperiatis; Alte-
 rum, ^a reddere ei, sicut & ipsa red-
 didit vobis, immò duplicare sup-
 plicia secundum opera eius. Vt enim
 illa non nisi alis vestris in tantam alti-
 tudinem subuolauit, tam titulos sue
 magnitudinis & honores à vobis mu-
 tuando, quàm vestrâ munificentia, quic-
 quid temporalium possidet, perfruen-
 do; Ita si quisque vestrum, ab illâ
 rursus, quod sibi ereptum est, repe-
 tet; breui, ut inquit Poëta, stabit ^{*} fur-
 tibus nudata coloribus, decisisque hu-
 milis pennis; idque propter superbiam
 suam. hæc enim ratio redditur, ^b Quia
 glorificauit se, & in delicijs fuit; &
 dixit in corde suo se sedere Regi-
 nam. Nulla enim certior est apud
 illos vere Ecclesie nota, quàm secun-
 da res, & externa prosperitas. Vi-
 dua autem non est; quippe quæ spon-
 sum

a vers. 6.

* ut cor-
nicula Ac-
sopica.

b vers. 7.

sum Christum habeat, indissolubili nodo sibi deuinctum. suam ei fidem iureiurando firmavit, se nunquam eam deserturum. itaque luctum non videbit errare enim non potest, neque Inferni portæ unquam aduersus eam proualebunt.

Sed licet terra, & homines terrena sapientes, hunc in modum Babylonis occasum in illo xviii. cap. plangent: tamen xix. Cælum & Angeli, Sanctique omnes in cælo, præ gaudioruine eius, triumphalem canunt cantionem, laudantes Deum propter illius magnæ meretricis ruinam: quæ rectè magna perhibetur. Noster enim Cardinalis fatetur perquam difficile esse Papam definire: tanta est eius amplitudo, atque maiestas. Sub finem autem illius capitis, obstinata illius meretricis pertinacia describitur, quæ aduersus infidentem equo albo, eiusque exercitum totis viribus præliata est, donec Bestia sine Antichristus caperetur; & cum eo Pseudopropheta (id est, falsa Ecclesia) qui miraculis, prodigiisque mendacibus

a Cap. 19
vers. 1.

b vers. 2.

* Bellar. in
resp. ad
Gerson
confid. II.

c vers. 19

d vers. 20

dacibus seduxit eos, qui Bestia
 characterem acceperunt. uterque
 autem coniectus est viuis in lacum
 ardentem igne & sulphure, unde
 nulla redemptio: sicuti sub finem su-
 perioris capituli ad describendam ple-
 nius Antichristi ruinam, dissimi-
 lem omnino plagam illius sanabilis,
 quam Ethnica Roma acceperat; pri-
 mum saxo molari comparatur in ma-
 re coniecto, quod nunquam rursus
 emergit, neque in summo fluitat: de-
 inde multis rebus incundissimis expri-
 mitur, quarum voces inde nunquam
 postmodum exaudientur, ubi nihil
 nisi horrida desolatio commorabitur.
 Verum ut patientia & constantia
 Sanctorum in terrâ, Deusque Electo-
 rum melius confirmaretur, perse-
 cutio nouissimorum dierum breui-
 ter repetita prædicitur, postquam
 Satanâs victus fuerit, compressus-
 que eius furor, dum mundus ad mil-
 le annos, hoc est, ad longum tem-
 pus, pace frueretur. Quo soluto per-
 secutores exoriuntur, Gog & Ma-
 gog, occulti apertique hostes Christi:

a Cap. 18
 21.

Ibid. v. 22
 23.

b Cap. 20.
 c vers. 2.

d vers. 8.

a vers. 9.

b vers. 10

c vers. 11

12. 13.

d Matt.

24. 22.

Cap. 21.

¶ 21.

quod de Papâ, & Turcâ (qui ferè eodem tempore ad suam magnitudinem excreuerunt) accipiendum sit, necne, alijs indicandum relinquo. Sed hoc certum est, ^a illorum æternam confusionem illic repromitti: nec minùs Draco ^b Bestia & Pseudopropheta, omnes simul mittentur in lacum ignis & sulphuris, sempiternos in eo cruciatus perpeffuri. ^c Tum nouissimus dies iterum describitur, ^d qui propter Electos accelerandus est: temporarias autem illas tribulationes quâ fortius Electi constantiusq; perferrent, utpote post breue temporis spatium finiendas, duobus extremis capitibus beatitudines cœlestis æternæq; Ierusalem copiosissimè proponuntur.

Ad hunc modum inuerecunda illa vis ac impudens, quam sensui duorum Scriptura locorum Cardinalis attulit, Palce oues meas; & tibi dabo claues, ut ex eis supremam in temporalibus Pontificis potestatem supra Reges ac Principes astrueret, me impulit, ut ex hoc, què modo excussi, Scriptura libro, Pontificem Romanum Antichristum esse

esse euincerem; eumque quo teli genere me erat adortus, eodem ulciscer. Neque me ab istâ sententiâ ullus Pontifex dimouebit, nisi qui nihil sibi iuris esse in temporalibus Principum rebus ac negotijs prius fatebitur. Id autem mihi maximè in votis est, ut si cui hanc meam de Antichristo coniecturam libebit refellere, singulis disputationis meae partibus ordine respondeat: nec illi satis sit meam sententiam condemnare, sed methodum meliorem ad Apocalypseos expositionem subijciat, quæ neque ulli contextus parti repugnans sit; nec ineptum aliquid absurdumque contineat. Alioquin nihil facilius Momo, quàm alienam narrationem carpere, suamque longè deteriorem eius loco subycere: cum multo difficilius sit errata emendare, quàm arguere.

Exspatiatus aliquandiu in Antichristi vitâ ac titulis, quæ equidem Pontifici multo rectius conuenire probauerim, quàm Bellarminus suam illum Papæ dominatum in Reges: redeo tandem ad hunc Censorem meum, qui, ut dixi,

materiam *scriptionis* scribendi modo mirum quàm probè adaptavit. nam ut illius scriptio mera est Satyra, & in me meamque Apologiam convitiarum & maledictorum congeries: sic & ipsa materia mendacis & figmentis tota scatet: quæ nomina tam in illud scriptum iure cadunt, quàm in meum iniuriâ conferuntur. Tria enim mendacia confinxit contra fidelitatis Sacramentum, cui propugnando Apologiam destinaveram: ut mittam illud toties ab eo repetitum mendacium, nolle se meis mendacis, nugis, cõtumeliis, & blasphemis respondere. Vnum insigne mendacium profert etiam de Papæ primo Breui: Alterum, de Puritanis, quos ad suas partes traducere studet, & aliud de occasione quæ perduelles nostros ad nitrati pulveris coniurationem invitavit. Tria deinde mendacia effutit, de Parlamento siue Ordinum decreto, quo fidelitatis iusiurandum præscribitur. Vnum quoque, sed illud graue, in suos illos scriptores Catholicos: duo denique in recensendis causis, ob quas duo in Angliâ Iesuitæ extremo supplicio sunt affecti.

affectedi. Sed & diuersas quinque historias aut adulterat, aut negat, aut detorquet, ut & libellum typis excusum: ne quid dicam de illo impudenti mendacio à me paulò antè refutato, me in Scotiâ, scilicet, fuisse Puritanum. Et ne pars libri aliqua tam preciosis vacaret mercibus, illum quinque tam nouis ac peregrinis in Theologiâ dogmatibus referat, ut Papiſtarum pauciſſimis vel audita, vel probata exiſtimem.

Quæ omnia mendacia, cum quinque nouis, atque, ut videtur, falſis doctrinæ capitibus, historiisſque compluribus e-mentitis, in Tabulam relata ſunt ſeparatim ad finem huius Monitionis, quibus ſingulis ſua eſt annexa conſutatio.

Sed librum illum refellere, id verò neque mihi neceſſarium, nec meæ dignitati conſentaneum eſſe duxi. Non quidem neceſſarium, quod, ut antea monui, ſumma illa ac primaria de Sacramento fidelitatis quaſtio, quam Apologiâ meâ aſſerui, necdum eſt iuſtâ aliquâ & directâ reſponſione impugnata. Citationum in margine notulas perperam locatas carpere, vel ſimiles typographo-
rum

rum fortuitos errores; qui inter excu-
dendum voces fortè aliquas aut addi-
derint, aut praterierint, quæ tamen ad
argumentum & rei summam non fa-
ciunt; ea verò validissima tela sunt, qui-
bus meam Apologiam oppugnat. Iam
autem præter Regis Maiestatem esse
puto, ut in lite ac certamine Cardinali
se componat, saltem cum eo Cardinali,
qui non foelicius ac illustrius, quàm
iste, natus sit. Nam Ecclesiastica illa
dignitas, quanquam Principum incu-
ria (ut iam dixi) ad hoc præsumpti ho-
noris culmen ascendit, tamen si ad eius
originem & cunabula redeamus, nihil
est aliud, quàm titulus Presbyteris &
Diaconis Paræciensium Ecclesiarum
urbis Romæ attributus: olim quidem
Presbyteris & Diaconis cuiuslibet Ca-
thedralis Ecclesiæ uniuersè concessus.
Sed cum eiusmodi Cardinalium ingens
multitudo undique Romam commean-
tium, Urbem impleret, tandem nomen
Cardinalis cæteris ademptum est, & so-
lis Romanarum paræciarum, Presby-
teris & Diaconis reservatum. Et cum
ante S. Gregoriam nemo illius tituli
memi-

meminerit, qui sexcentis post Christum annis in quibusdam Epistolis de Cardinalibus loquitur, atque ita multis post Apostolos seculis, hodierni isti Sedis Apostolica Electores inuisi omnibus & incogniti fuerint: cumque ipse Gregorius non eos alio loco ponat, quam quem eos olim obtinuisse modo dixi; non potest, opinor, Cardinalis, qui Gregorium Anglia Apostolum vocat, mihi Anglia Regi vitio vertere, si Cardinales eodem gradu & ordine habeo, quo constat nostrum illum Apostolum habuisse. Sed quo modo, prater rationem sua originis ac institutionis, tam prodigiose sint elati, ut ex parœciarum Presbyteris ac Diaconis, nunc Principes facti sint, Regumque aequales, & ex gradu, Episcopali dignitate minori (ut ^a Bellarminus & ^b Onuphrius fatentur) sint hodie soli Pontificis Electores, quicum generalium Conciliorum vice funguntur (unde & iam usus generalium Conciliorum penitus exoleuit) immò ut non nisi ex illorum collegio fas sit Pontificem eligi, qui supremam in Reges sibi auctoritatem vindicat; hoc, inquam,

a Lib. de Clericis, cap. 16.

b Lib. de Episcopatibus, Titulu & Diaconijs Cardinalium.

inquam, tam insolens incrementum quo modo cœperit, nullisque repugnantibus adoleuerit; nostrum est omnium prouidere: qui cùm in terris Vicarij Dei simus, iure optimo suspectos habere debemus istiusmodi nuper exortos Principes, qui suâ origine modici humilesq; se ipsos ad summum fastigium, suis ipsi suffragijs subuehunt; Regibûsque deinde se componunt. Sed hæc est præcipua, quam nobis inferunt, iniuria, quod ius Christianis commune Regibus in generalibus Concilijs, nobis adimant; cùm illorum habendi modum penitus sustulerint; eorum vi ac potestate ad se pertractâ, & velut monopolio in Pontificio Conclauis constituto. Et tamen si spes vlla aut exspectatio superesset, posse Christianos omnes ad aliquem in religione consensum adduci, id esset à generali Concilio exspectandum, indicto in commodum nec suspectum locum conuentu, ubi Christiani omnes Principes, aut ipsi, aut per Legatos possent adesse; & Ecclesiastici omnes, qui Christianam religionem profitentur, illisque veteribus vera, antiqua, Catholica & Apo-

Apostolica Fidei fundamentis adhaerescunt, tutum accessum ac commeatum haberent, incendiarijs utrinque furiosis ac nouitijs, siue Iesuitis, siue Puritanis exclusis.

Cum igitur non id mihi negotij dare statuerim, ut illi libro respondeam, eis de causis quas attuli, quae me & ipsius controuersiae, & controuersiam facientis hominis causam mouerunt, sat visum est, si iterum meam Apologiam curarem excudi, nihil penè emendatam, nisi quatenus librarij aut typographi peccauerant, istamque Epistolam ac Praemonitionem praefigerem, ut etiamnum experiar, sitne aliquid, quod dicere in eam iure possint: sat certus, nequaquam ex meis subditis futuros qui scriptoribus illis, meisque scilicet Censoribus fusè copiosèque respondeant. Vobis interim hanc mentem atque animum oro, ut perpendere diligenter velitis, quam hac controuersia vobis omnibus, & grauis & communis sit censenda. Nam nec in tota meà Apologià, nec in illà praeclara ad illam responsione, ullo modo speciatim
de

de me agitur, num excommunicari à Pontifice & regno abdicari possim: (quippe tam benignè Cardinalis mecum agit, ut sentire Pontificem dicat, non è re esse, ut me hoc tempore nominatim excommunicet) sed controuersia nostra generalis est, Num Pontifex legitimam aliquam in temporalibus supra Reges sibi possit potestatem arrogare.

Iam vos antea docui, Ecclesiasticos ex illius sententià, nullius secularis Principis iurisdictioni esse subiectos. quale autem ab illis hominibus obsequium de facto exspectare debeatis, ipse non obscure significat illius obedientie exemplo, quam Imperatori Mauricio Gregorius Magnus detulit. Vbi hominem non puduit Christianam sancti illius viri humilitatem traducere: quasi id fuisset violentum coactumque obsequium, Gregorio vel non satie valente, vel non auso repugnare. Quàm in re non iniuriam Gregorio tantum facit, sed omnino humilitatis ac patientie splendorem illum, qui in primà illà & adhuc Oriente Ecclesià, ac praesertim sub persecutionum sauitià nituit,

nituit, foedâ turpique labe maculat; si hæc ingens Martyrii & Christianæ patientiæ gloria, non demissioni animi spontaneæ, sed necessitati ascribatur; quod aut viribus, aut animis defecti (instar Iudeorum aut Turcicorum mancipiorum) fortioribus aduersarijs cederent: contra S. S. Pauli Petrique præcepta, qui propter conscientiam subditos esse iubent; contra illam etiam Tertulliani pro Christianis Apologiam, & antiquorum Patrum apertam professionem & ubique repetitam. Sed benè cum illorum temporum Christianis, qui sub Ethnicis Imperatoribus degebant, actum est, quod hæc nona, insolensque doctrina nondum emerferat. alioqui funditus extirpati sublatique, ne suis quidem malis, aliquos ingemiscientes inuenissent; cum periculosa in Republicâ factio atque secta iure videri posset, quæ vellet parère duntaxat, donec auctis viribus imperium excutere, aut inuadere potuisset.

Iam igitur perspicitis Cardinalem nostrum id agere, ut hinc quidem Reges omnes, atque Monarchas Pontificiæ

Rom. 13.

5.

1. Pet. 2.

13.

ficia potestati mancipet; illinc autem vel ex Pontificijs subditis minimum omni Christianorum Principum iurisdictione exsoluat. Neque illi satis fuit Pontificem omnium nostrum cervicibus imposuisse; nuper quoque tractatu, cui titulum fecit, Recognitio librorum de Controuersijs, uniuscuiusque nostrum populos ac subditos nostris fascibus superiores esse voluit. quippe recensere suos de Controuersijs libros aggressus, & emendare atque exponere, quicquid in illis esset vel incuria, vel errore peccatum, exemplo Retractationum Augustini (ita enim in Praefatione scribit) nihil quidem ex pristinis erroribus rescindit, sed reuera recinit, repetitque, & absurdissimum quemq; nouo argumentorum subsidio confirmat. Inter cetera eximere Clericos ab omni temporalium Principum potestate: & non modo Pontificis, sed & ipsius populi supra nos imperium stabilire, penè precipua sunt egregia illius Recognitionis argumenta.

Et quidem in illa eximendorum Clericorum quaestione, eo studio, eaque contentione

tentione depugnat, ut & Casarem ne-
 get legitimum Iudicem. Pauli fuisse,
^a contra ipsa Contextus verba, & pro-
 vocationem Pauli, quâ Casarem suum
 esse Iudicem fatebatur: ut omittam to-
 ties ab eo implorata Ciuitatis Romane
 iura ac priuilegia, ^b cuius esse se Cinem,
 ac proinde Imperatori subiectum predi-
 cabat. Sed mirum est, non pudere istos
 Romano-Catholicos tam magnifice
 tum Ecclesie sue antiquitatem, tum do-
 ctrinæ iactantes, nobis autem nouitatē
 adeo acerbè exprobrantes, tam nouum
 atque ineptum in illum S. Pauli locum,
 glossēma confingere: quod ut repugnat
 Apostoli verbis, ita nec ullius ex anti-
 quis Concilijs, aut alicuius Patris hunc
 locum eo sensu exponētis auctoritate
 firmatur. Sed nec in dubium Primiti-
 ua Ecclesie temporibus unquam, est
 vocatum, an Apostoli, aut alicuius-
 cunque gradus Christiani, Imperato-
 ribus de iure subicerentur. Ubi ve-
 rò fasces Regios populo submitti debere
 disputat, hoc seditionum fundamen-
 to vititur, ut probet non Regibus au-
 thoritatem à Deo immediate, perinde
 ac

a Act.
 25.10.

b Act.
 22.28.

* Bellar.
in Recog.
l. 3. quæst.
de Lascis.

ac Pontificibus esse concessam. Nam Rex quilibet, inquit, à populo suo eligitur; immò & * populus nunquam ita suam potestatem in Regem transfert, quin illam sibi in habitu retineat, ut in certis casibus etiam actu recipere possit. Egregium profectò Theologiae Axioma, & factiosis ac rebellibus audivissimè arripiendum, qui in Principes insurgere, seque in libertatem vindicare, quodocunque ipsis videbitur, eo iure freti, possunt.

Et quidem inter alia testimonia, quibus Reges inaugurari à populo ac creari solitos conatur evincere, trium Regum ex Scripturis creationem profert, Saulis, Davidis atq; Ieroboam. Et quamquam ipsis Scripturae verbis fateri adigatur, Deum Samuelis Prophetae ministerio ^a Saulem, ac deinde ^b Davidem inunxisse, nihilominus ex subsequente populi consensu probare annuitur, non immediate à Deo Reges illos; sed per populum, mediatè, ad illud auctoritatis & potentia culmen euectos; quamvis verbum illud sortis ter repetat, cuius beneficio Saulem electū fatetur. Quod

a 1. Sam.

10. 1.

b 1. Sam.

16. 12, 13

si ea sortis electio, non immediate à Deo est, ergo nec ^a Matthias, qui eo modo ad Apostolatum promotus est, à Deo immediate est electus. ex quo sequitur, & illum, qui sedem Apostolicam occupat, sine rubore non ausurum se immediate à Deo constitutum predicare; cum & Matthias ipse in locum Iude successus, & Apostolis annumeratus; non immediate sit electus. Sed ut impium blasphemumque prorsus esset, ambigere num immediate à Deo in illum locum Matthias assumptus sit (quanquā prerogativā sortium illi honos, ut & Sauli, delatus sit) ita & multis vestrum, Fratres Amantissimi, incognitum certe non est, quis sit Sanctus ille Spiritus, quæue sortes, quibus Pontifices istis sæculis eliguntur; cùm & Collegium Cardinalium, quibus solis eligendi Pontificis ius est, multis ante me natum annis, in duas, easque præpotentes factiones discesserit: nec iam coniectu sortium, sed prægrandi annuâ pecuniâ in avidas Cardinaliū aliquot fauces coniectâ, hæc ad Principum nutum partibus studentium comitia peregantur. Sed

in-

a Act. 1.

*inprimis memoria lapsum in homine
 miror. Hic enim per populi consensum,
 qui postea accessit, vult duos illos Reges,
 (quanquam antea Dei iussu inaugura-
 tos à Prophetâ, atque inunctos) potesta-
 tem Regiam accepisse; oblitus, cum e-
 iusdem libelluli initio cuiusdam obiecti-
 oni responderet, qui ex Cypriano colli-
 git Episcopos à populo Cypriani tempo-
 re indicatos, se asserere; illis verbis as-
 sensum tantum populi eligendis inter-
 uenisse Episcopis. Nec adduci ullâ rati-
 one ibi potest, ut concedat populi in pro-
 bandis Episcopis improbandisue consen-
 sum eo modo debere intelligi, quasi eli-
 gendi Episcopi populo ius ac potestas ef-
 set. Et hæc Cypriani tamen verba ma-
 gis faciunt ad populi in eligendis Epif-
 copis potestatem comprobendam, quam
 hic locus quem ex Scripturis attulit, ad
 auctoritatem populi in Regibus inau-
 gurandis confirmandam. Hæc enim ip-
 sa sunt Cypriani verba, quæ à Bellarmi-
 no referuntur: Ipsa plebs maximè
 habet potestatem vel eligendi dignos
 Sacerdotes, vel indignos recusandi.
 Iam verò, nullis unquam, opinor,
 Scri-*

Cyprian.
 lib. 1.
 Epist. 4.

Scriptura testimonijs euicerit, Israëlitarum iudicio fuisse permissum, Saulem ac Dauidem iam inunctos, & in publicum à Prophetâ productos, Reges admittere vel repudiare.

Videtis quàm non curet, etiam in exiguo volumine ipse sibi repugnare, dummodo caussa, quam prae manibus habet, inseruiat. Hic enim vult per consensum populi, Regis eligendi potestatem designari; cùm autem de Episcopis agitur, eodem illo consensu non ius eligendi Episcopi, sed electionem ab alijs factam confirmandi intelligit. Quòd autem Ieroboami exemplo utitur, profectò non ignorat, eum à tumultuante populo, & à suo Rege per seditionem deficiente, in Regem, Dei & populo & Regibus irati permissu, fuisse electum. Sed si extraordinarijs huiusmodi exemplis ad generalem regulam statuendam abuti vult, & hoc modo suam causam contra omnem Theologiae rationem propugnare; cur non & nobis Regibus exemplum inaugurationis Iehu, in contrarium opponere liceat; qui cùm tantùm à Prophetâ, idque secretò unctus esset, nihil

1. Reg.
12.20.

2. Reg. 9.
2.3.

nihil populi consensu expectato, se statim pro Rege gessit?

Equidem vos arbitror iam planè animaduertere, quantum ius illud ac potestas, quam sibi Babylonius Monarcha vindicat, nostra auctoritati in commune praiudicet: Nam ut modo pramonui, nec ipse Pontifex, nec ex eius vasallis, id est, Ecclesiasticis quisquam debet, ulli Regi Principine submitti: & è contrario, Reges, Regumque subditos non oportet modò Pontifici, sed & Reges ipsos populo subiacere. Iam verò quam immensa & periculosa, vel machinandi in Principes, vel coniurationes fouendi licentia, Ecclesiasticis hac doctrinà concedatur, vobis equidem relinquo cogitandum: cùm illi quicquid egerint atque deliquerint, nullo iure ad nostra tribunalia trahi possint: immò cùm eorum nefaria in caput nostrum consilia, pijs operibus ascribenda sint; & illi (si qui eiusmodi criminum supplicia luerint) in Martyrum Sanctorumque album continuò referendi. Ita Martyrologium illud nuper excusum, inter Anglicos Martyres Garnetum & Ouldcornium

nium recensuit; qui hic proditionis in
Regiam Maiestatem, Regnumq; dam-
nati, pro facinoris conditione poenas lu-
erunt: Ut cum Isaiâ pronunciare pos-
sim, Vx qui dicitis malum bonum,
& bonum malum: ponentes tene-
bras lucem, & lucem tenebras: Qui
iustificatis impium pro muneribus,
& iustitiam iusti aufertis ab eo,

Isaiâ 5.
20.

vers. 23.

Nam ut eâ tempestate, quâ nox den-
sior Pontificia doctrina Orbi incubuit,
non coniungi, non patri licuit, Sacrificio
inter coniugis filiae amplexus depre-
hensâ, aliud suspicari, quàm eum ad ex-
cipienda confessione peccata in illud se-
cretum, devenisse: ita licet sat superque
idoneis probationibus Iesuitas perdu-
ellionis & coniurationum, reos esse pa-
teat, ipsique veritatis vi victi facinus
confessi sint, nihilominus pro Mar-
tyribus habendi sunt, & eorum, san-
guine miracula patranda, & strami-
nea miracula à stramine petenda;
dum eorum interim capita creditis af-
fixa palis, ad publicam tanti sceleris
memoriam, Sole ac ventis contabef-
cunt. Immo & hec inter alias ratio

in epistola typographi illius redditur, qui hunc siue Bellarmini siue Torti libellum Colonia edidit; se id operis suscepisse, quod sancti illius constantisque Garneti innocentia, illa seriptione propugnaretur contra rumores; quos, nescio quis, temere diuulgauerat, quasi ille coniurationis Anglicæ reus ac particeps extitisset.

Sed quanta hæc, Deus bone! impudentia, aut malitiosa ignorantia, ut ille dicatur, à nescio quo, coniurationis infamia oneratus, qui quod & coniurationis nefas non ignorauerit, & illud reticuerit, suam nec ambigua, nec coacta, nec semel repetita confessione primum conuictus; tum publice & moxè patrio facinoris damnatus, extremo tandem est supplicio affectus? Ut illi etiam tot sanctitatis, tot innocentia, tot constantie elogia atque attributa addantur? quasi uero sententia publico Iuris ordine lata & executioni mandata, dici possit rumor, à nescio quo temere diuulgatus. Fateor equidem auctorem, quod in Prefatione promissum est, gnauiter prestare uoluisse; quippe
qui

qui locis aliquot straminei illius Sancti
faciat plenam honorificis mendacys
mentionem. Ubi quanquam Garne-
tum pulvereæ coniurationis non igna-
rum fuisse fateatur; tamen quòd, ut a-
it, id tantum sub Confessionis sigillo
rescinerit, eius in eâ re silentium com-
mendat, & vel eo nomine cupit eum
coronâ gloriæ redimitum. Neque verò
illum pudet, id tanquam ex precipuis
Catholica fidei dogmatis intonare, Se-
cretum Confessionis Sacramentalis
nullo modo esse, ne quidem ad max-
imorum malorum declinationem,
reuelandum. Sed quàm hæc perniciosa
doctrina, & Principibus omnibus ac
Rebus publicis infesta sit, vobis, quorum
maximè interest, relinquo iudicandum.

Quamvis enim non negârim, ex quo
Scholastici Doctores auctoresque habe-
ri in Ecclesiâ cœperunt, & antiqua The-
ologia fundamenta novis è Philosophiâ
petitis distinctiunculis labefactari; illos
asseruisse, quicquid Cōfessario sub Cōfes-
sionis velo retegatur, quantūcumq; nox-
ia & periculosa res sit, teneri eum Cōfi-
tentis nomen celare: nemo tamen veteris

certè Scholasticorum inficiatur; si quid illi patefactum fuerit, cuius occultatio magnum possit Reip. periculum creare, quin quoties id accidit, Confessarius possit, & debeat, quamvis hominem celet, rem indicare; atque efficere ut quoquo modo innotescat, quò pericula maturius occurratur. Sed ut nulla proditio, nulla quantumvis atrox & diabolica coniuratio, quamvis ad totius Imperij Regniue pestem ac perniciem spectet, si sub Confessionis sigillo reuelata sit, prodi à Sacerdote ac retegì debeat, ac ne res quidem ipsa vel indirectè aperiri, quò ingruenti malo obuiam eatur; id verò quanquam à paucis aliquot nouitjs Doctoribus, qui Iesuiticas præceptiones imbibebunt, receptum sit, tamen tam nouum est & periculosum dogma, ut neque Rex, nec Respublica in securo possit consistere, ubicunq; thesis illa assertores inuenerit.

Nunc autem ut tam eum de facto in huius historie narratione, quam de iure in hoc horrèdo & supposititio Theologie fundamento mentitum probem; de Garneto, ut res se habuerit, sincere exponam;

exponam ; quam historiam canillator
iste miserè ementitam ac adulteratam
lectoribus obtrudit. Primum enim, il-
lud non est habendum Confessionis ar-
canum omnino reticendum, quod ille,
qui detegit, non magnocum mœrore a-
nimi morsuque indicat, nec facinus esse
putat ullâ pœnitentiâ emendandum;
sed è contrario, ut pium mentis impul-
sum prodit, à quo nec Confessarius a-
uertat, neque eo nomine ullam pœnam
aut pœnitentiam imponat. Et eo qui-
dem modo coniurationis scelus Garncto,
ut & ipse fassus est, innotuit. Prate-
rea quanquam diu in eo perstitisset, rem
totam sibi esse sub Confessionis velo, nō-
dum plenè finitâ. Confessione, detectam;
ad extremum tamen liberè professus
est, se non inter confitendum, sed inter
ambulandum ad illius facinoris con-
scientiam ascitum; sue tamen fidei
commissum, quantâ potuit maximâ ta-
citurritatis cautione; idque se non ali-
ter interpretatum, quàm sub ipsa Con-
fessionis sigillo. comectâsse etiam, illud
Confessioni esse affine, quod & ipsius
Confessarius esset, & aliquoties antè,

eius Confessionem excepisset, essetque post dies aliquot excepturus: Sed & illi coniurationem aperienti denunciâsse, ad Superiorem se de re totâ relaturum. Illud quoque observatione dignum est, fassum esse Garnetum, duos secum de illâ proditione egisse; & ex his alterum, nempe Catisbeium, presente & audiente altero, de eâ re sibi esse locutum. Et qualis hac Confessio habenda, cui tertius aliquis arbiter ac testis interfuit? Sed & postrema iam admoti ad supplicium verba (quæ tantopere à nostro hoc Censore iactantur) quàm aperte fateantur, hoc totum, sub Confessionis sigillo minimè esse actum, Comitibus Northamptonij liber satis declarat.

Iam verò ille alter, qui Garneto hanc pulverariam coniurationem aperuit, Grenwellus Iesuita est. Sic Iesuita Iesuita, nefarie proditionis ordinem exposuit; nec ille, qui tantum scelus aperuit, ullum conscientie stimulum sensit, neque is, cui patefactum est, ullam confitenti ob cogitatum scelus poenitentiam indixit. Ac ut palàm sit plures ex Iesuitis,

Iesuitis, huius coniurationis conscios fuisse, Ouldcornius alter ille sulphureus Martyr, cum in irritum cessisset è latebris suis extracta coniuratio, concionem Catholicorum suorum habuit, ubi eos consolatus, ac etiam hortatus est, ne animos sinistro & infœlici coniurationis euentu desponderet, aut de causâ, quòd parum prosperè cecidisset, desperarent: sepe antea sanctis eiusmodi conatibus fortunam defuisse; idque S. Ludouici Regis exemplo: eum secundâ in terram Sanctam expeditione susceptâ, morbo in itinere perisse: maximam exercitus partem peste esse absumptam: sed & parum feliciter priorem expeditionem cessisse, in qua à Soldano & Mabumetanis captus est. Eos itaque hortabatur, ne ab incepto desisterent: sperarent potiùs suis illis consilijs, quanquam hoc tempore deploratis, diuinam aliquando opem nequaquam defuturam.

Ex his, opinor, perspicitis, quâ ille, quàmque audaci impudentiâ, veritatem ipsam, tot publicis testimonijs fultam, mendacij insimulârit; qui & generaliter Iesuitarum

nullum huius coniurationis conscium ac participem existuisse asseruit (ita enim in illo suo libro scribit) nec ipsum Garnetum ad proditionis secretum aliter, quam sub Confessionis sigillo peruenisse. Sed si primum hoc esset mendacium, quod de summis Angliæ rebus à fugitiuis meis sacrificulis ac Iesuitis confictum, sparsumq; fuisset, facile esset forsitan huic malo remedium inuenire.

Quin & monasteria pleraq; apud exteros, & Iesuitarum Collegia, in parietibus depictas habent istiusmodi fabellas; & transfugarum libri pleni sunt impudentissimis id genus figmentis: cuiusmodi sunt, sena illa & innumera suppliciorum genera, quibus suos hic Martyres esse affectos queruntur: eorum alios quaternis in diuersum actis equis discerptos, alios vrsinis pellibus inclusos à canibus fuisse laniatos: immò nec mitius cum foeminis actum: & mille alia funeste & horrenda carnificina exempla mentiuntur, quorum omnium vanitatem quàm breuissimè vobis aperiam.

Ac primum ut de suppliciorum causis dicam, id constanter asseruero, quod

Et in Apologiâ meâ posui, hic neminem, sine meis, sine defuncta Regina temporibus, conscientia ac religionis causâ ultimo supplicio affectum. Nam quantumvis religioni suæ deditus sit, quantumvis eam apertè & constanter profiteatur, nullum ei à Legibus impendet capitis periculum; nisi comperto contra leges externo aliquo actu deliquisse: aut coniurationem, consiliûne summa rei perniciosum inisse: exceptis tantummodo sacrificulis, ceterisque Pontificiarum partium, qui in transmarinis regionibus sacris ordinibus initiantur: qui tot coniurationibus, tot produtionibus ab ipsis in Angliâ, vel conceptis vel laudatis infames, à nostris finibus sub perduellionis poenâ arcentur: Et tamen nullus ex illis in hunc diem, quod contra legum sanctionem in patriam remigrârit, eam solam ob causam morte mulctatus est. Iam de equuleis & exquisitis cruciatuum generibus, quibus plurimos suorum affectos queruntur; sanè huic commento refellendo, ipsæ leges & intemerata multis sæculis Angliæ in causis capitalibus

talibus consuetudo satis esse possunt. neque enim quaestionum ullum genus hic habetur prater manicas & fiduculas; quae etiam non nisi in Maiestatis criminibus usurpantur. Sed & proditores omnes, siue Protestantes, siue Pontificios idem supplicium manet; si Regine & Mariae tempora excipias. tunc enim nulla suppliciorum atrocitas, in viros, in foeminas, in infantes nostram religionem profitentes, est omissa: immò contra Dei, Naturaeque leges, gravidis mulieribus mors immanissime illata; infansque è maternâ aluo exiliens in easdem cum matre flammâ iniectus. Sed tanta huius tyrannica persecutionis sanitia, illius temporis Episcopos auctores habuit, qui Pontificiâ auctoritate freti, à perpetuis & receptis suppliciorum formis recesserunt; quae regni moribus ac legibus constituta, in puniendis fontibus constanter & inuiolate servantur. Nam & Sacerdotes & Pontificij omnes perduellionis rei, in foro seculari hic indicantur, sic ut in eorum poenis nihil gravius esse possit, quàm quod vel legibus est praescriptum;

tum, vel longâ consuetudine receptum. Illud etiam in hoc negotio observandum; externum ac peregrinum neminem religionis causa in iudicium hic vocari: quod in illis regionibus longè secus est, credo, ubi Inquisitio dominatur.

Sed cum verear, ne vobis tadio fu-
erim hac meâ prolixiore oratione, quâ
spero vobis patefactum esse, nihil in me
Pontificem suis Breuibus, nihil istos
Apologia mea oppugnatores his libel-
lis esse molitos, quod non Regibus om-
nibus, Liberis Principibus, ac Rebus-
publicis aequè, ac meis rebus pernicio-
sum & exitiabile videatur: nunc si-
nem scribendi faciam, conceptis ad De-
um votis, ut securitatis veterum
excutiat, quo & nos hactenus, & no-
stri multis sæculis decessores torpue-
runt: ac ut nobis mentem inyciat, pri-
mùm seriò cogitandi quid ad Euangelij
plantationem & propagationem, ex
conscientiâ secundum diuini Verbi
prescriptum præstare teneamur, no-
stri illius veri ac vnicuique Pastoris impe-
rio ac voci, quam in Scripturis audi-

mus

Ioh 10.
27.

mus obtemperantes, (nam & oves suas vocem suam audituras ipse predixit) non inanibus, fluxisque & pravis hominum traditionibus attendentes. Deinde ut sceptrorum nostrorum securitati mature prudenterque consulamus, nec Babylonicum illum Monarcham latius serpere, & quotidianis in nostra iura victorijs grassari patiamur. Quod si Dei, cuius in terris Legati ac Vicarii sumus, benignitas ea est, ut suam causam cum nostra, spiritualem libertatem cum temporali voluerit esse coniunctam; quo studio, quo ardore animi, in id negotium incumbere nos oportet, qui nostris laboribus in regno calorum aeterna beatitudinis premium scimus esse repositum; interim autem in hoc saeculo temporalem sceptris nostris securitatem ac quietem comparabimus.

Equidem arbitror, quotquot iam vere illi Fidei, cui adhareo, nomen dedistis (quanquam inter vos necdum benedicti apicibus nescia quibus connexerit) facile ad pium hoc ac prudens consilium erigi ac adduci posse. Nos, Dei beneficio, nec numero, nec dignitate ita su-

mus contemnendi, quin bono vicinis nostris exemplo praeire possimus: quandoquidem Christiani Orbis, omniumque in eo ordinum, inde à Regibus, liberisque Principibus, usque ad infime conditionis homines, pars prope media in nostram religionem iam consensit, de Babylone cetero exiit. Sed unum hoc vos (Fratres charissimi ac Consanguinei) praeque omnibus unum, obsecro obtestorque, ut inter vos vera Fidei unitatem conscruetis, & communionem Spiritus in vinculo pacis retineatis, omnesque de genealogijs quaestiones ineptas & inutiles, necnon aniles fabulas (ut inquit S. Paulus) abijciatis; ne patimini fanatico Concionatorum feruore, atque inanibus super rebus adia phoris altercationibus, discerpi ac dissipari mysticum illud Corpus, cuius partes ipsi estis; quando & illius, cuius nos membra sumus, tunica inconutilis existit. Nolite per Deum immortalem, committere, ut nostra Fidei scandalum factis inter nos schismatibus oriatur, neue parabola opprobrii simus in ore aduersariorum, quibus unitas una è prae-

1. Tim. I.

4.

Ibid. cap.

47.

è præcipuis est vera Ecclesia notis.

Vobis autem (Fratres & Consanguinei dilectissimi) quorum mentes Deus Opt. Max. Veritatis sue fulgore nondum illustravit, cum Elizeo precor, ut oculos aperiat, quò cernatis quam multi, quamque innucti Angelorum exercitus ad propugnandum pro Veritate accincti, paratiq; aduigilent: immò cum Paulo opto, vos omnes feritales hac unâ in re, qualis & ego sum: imprimis ut velitis Scripturas peruolutare, ex his credendi normam petere, neque super aliorum incertis opinionibus, sed vestrà ipsorum certâ scientiâ, Fidei fundamenta collocare; quando iustus suâ fide viuet, & unusquisque sit fide propriâ saluus. Verùm hæc Divina benignitati suo tempore providenda commendans, facere non possum quin interim vos hortor, ut pristinam libertatem, dignitatẽque Imperiorum ac Rerum-publicarum, sartam, teetam retineatis, neque quenquam Deo minorem, vobis in vestris ditionibus maioreẽ esse patiamini: illustrium decessorum vestrorum exemplo, qui etiam tum, cum densissi-

Actus
26.29.

Abac. 2.4

ma cecitas, verique ignoratio hominum animos obsidèret, Pontificum in sua intra grassantium ambitioni fortissimè restiterunt. Certè e Regnis vestris Imperiisque reperire est aliquot, quæ omnibus seculis immunitates suas contra iniustā ambitiosissimorum Paparum potentiam illibatas perpetuò tenuerunt. Nec desunt quibus cognitum fuit recentibus admodum experimentis, Papam, ad secularia Principum inuadenda, impotenter aspirare; cuius insolentem audaciam fortiter retudisse, & in asserendis vestris privilegijs constanter perstitisse, cedit vobis in gloriā nunquā intermorituram. Quamobrem vos toto pectore obsecro atque obtestor, ut in hoc negotio cum priorū Regum, tum incorruptorum in terris Iudicum officium faciatis: quod eiusmodi est, ut non solum non inferatis cuiquam iniuriam, aut in aliorū libertates inuoletis (quod, si me auditis, neutiquam est faciendum) sed etiam ut eas quæ vobis Dei benignitate contigerunt prerogativas, strenuè ac viriliter propugnetis. Quos enim Deus propulsandis à vitâ fortunisque aliorum iniurijs

rys populo preposuit, ipsos ab alijs acci-
pere iniuriam, sit pudendum. Itaque a-
nimi iam certus, maturis vos indicijs,
omni que praiudicio liberis, hac qua vo-
bis proposui rationum momenta ponde-
raturus, meamque in scribendo liber-
tatem equi bonique consulturos, Apolo-
giam hanc meam benigna vestri fauoris
aura prosequentes; saltem donec vali-
dioribus & certioribus argumentis ex-
pugnabitur, finem facio: ardentibus à
Deo Omnipotente votis contendens, ut
vos in terris quamdiutissime velit for-
tunare, ac tandem temporario feliciter
Imperio perfunctos, beata in celo
immortalitatis coronam.

triumphalem re-
portare.

CATA-

CATALOGVS MENDACIORVM TORTI, VNA

cum breui eorundem con-

futatione.

Tortus Edit. Politan. Pag. 9.

I **E** I c [in Iuramento fidelitatis] aperte negatur summo Pōifici potestas ex-
cōmunicandi Reges etiā Hereticos.

Confutatio.

Quæstio de Pontificis potestate in Regibus ex-
communicandis nec tractatur, nec ullo modo defi-
nitur in Iuramento fidelitatis: sed ex proposito decli-
natur. Inspiciantur verba Iuramenti & Moni-
toria præfat. pag. 16. 17.

Tortus p. 10.

2 Nam ex verbis illis Dominicis, Quodcunque
solueris super terram, erit solutum & in Cælis: Ca-
tholici omnes colligunt, ad Pontificis maximi
auctoritatem pertinere, non solum potestatem
absoluendi à peccatis, sed etiam à pœnis, cen-
suris, legibus, votis atque iuramentis.

Confutatio.

Quod non omnes Romano-Catholici ita colligunt
ex hisce Christi verbis Matthæi 16. vt alia argu-
menta tacitus præteream; vel inde apparet quod ex
plurimorum sententia quicquid Christus promissit
Matthæi 16. id actu præstitit Ioan. 20. cum dix-
isset, Quorum peccata remiseritis, &c. unde con-
stat Christum potestatem illam soluendi promissam
sensisse de absolutione à peccatis, nullā hīc mentione
factā de absolutione aliquā à legibus, votis, iura-
mentis: Atque ita sentiunt Theophylactus, An-
selmus, Hugo Cardinalis, & Ferus in Matt. 16.

Sic

MENDACIORVM TORTI

Sic etiam Scholasticorum primarij, Alexander Hales in Summa, part. 4. q. 79. memb. 5. & 6. art. 3. Thom. in 4. dist. 24. q. 3. art. 2. Scotus in 4. dist. 19. art. 1. Hadr. 6. Papa in 4. dist. q. 2. de clauib. p. 302. edit. Paris. an. 1530. qui etiam pro hac interpretatione citat Augustinum & glossam interlinearem.

Tortus p. 18.

3 Odi parricidia, execror conspirationes, sed occasiones desperandi datas nemo inficiari potest.

Confuratio.

Quod occasio desperandi puluerarijs Proditoribus non erat data, ut iste mentitur; sed quod ita à leuitis edocti, irruerant in hoc sanguinarium facinus, Vide Monit. præfat pag. 150. 151. & Actionem in Proditores.

Tortus p. 26.

4 Nam ab eo iuramento non solum Catholici, sed etiam Calvinistæ Puritani abhorrent.

Confuratio.

Puritani non abhorrent à iuramento Primatus, sed quotidie suscipiunt, nec vnquam recusarunt: Eundem etiam Primatum tuetur Calvinus instit. lib. 4. cap. 20.

Tortus p. 28.

5 Principio non scribit Pontifex se mœrore affici ob calamitates quas tempore Regi-
næ, aut initio Regni Iacobi Regis, in Angliâ pro
retinendâ orthodoxa fide Catholici patiebantur, sed ob calamitates quas hoc tempore patiuntur.

Confuratio.

Verba ipsius Breuii recitasse, est hoc mendacium

CONFUTATIO.

um confutâsse: sic enim scribit Papa, Magno animi mœrore nos semper affecerunt tribulationes & calamitates, quas pro retinendâ Catholicâ fide iugiter sustinuistis. Sed cùm intelligamus omnia hoc tempore magis exacerbari, afflictio nostra mirum in modum aucta est.

Tortus pag. 28.

6 In 1. articulo [Statuti] confirmantur leges *Elizabethæ.*

Confutatio.

In primo articulo istius Statuti nulla fit mentio de confirmandis legibus R. Elizabethæ.

Tortus p. 29.

7 In decimo articulo [eiusdem Statuti] additur, vt si tertiâ vice [Catholici] propositum sibi iuramentum recusauerint, capitis vitæque dispendium patiantur.

Confutatio.

Nullus est eiusmodi articulus in toto illo Statuto, vbi vel de proponendo hoc iuramento tertiâ vice, vel de capitis vitæque dispendio vlla mentio habeatur.

Tortus p. 30.

8 In 12. habetur vt qui Principibus externis militare voluerit, is prius iuramentum præfatum præstet, alioqui perduellis habetur.

Confutatio.

Non dicitur in Statuto, quòd perduellis habebitur; sed quòd felonix reus habebitur, qui Principi extraneo militare voluerit priusquam iuramentum suscepit.

Tortus. p. 35.

9 Ostendimus eo iuramento, negari potestatem Apostolicam tum ligandi, tum soluendi.

Confu.

MENDACIORVM TORTI

Confutatio.

Nulla est sententia assertoria in isto Iuramento, nec vllum verbum nisi conditionale de Pontificis potestate ligandi, vel soluendi.

Tortus p. 37.

10 *Diocletiano & Neroni vellent nollent, ipsi etiam summi Pontifices subiecti esse cogebantur.*

Confutatio.

Quod Christiani sine exceptione non coacti, sed libere & propter conscientiam, Ethnicis Imperatoribus subijciebantur, vide Apolog. nostram p. 26. 27. & Veterum Apologetica.

Tortus p. 47.

11 *Quibus verbis [Breuium Clementis 8.] non solum Iacobus Scotiæ Rex non excludebatur, sed includebatur potius.*

Confutatio.

Si Breuia [Clementis] non excludebant me Regno, sed includebant potius; Cur ea flammis tradidit Garnetus? quare non mihi videnda asseruauit; ut sibi & suis Catholicis apud me maiorem inde gratiam conciliaret?

Tortus p. 63.

12 *Ex quatuordecim [articulis in Iuramento fidelitatis comprehensis] vndecim sunt qui primatum Pontificis in spiritualibus attinguat.*

Confutatio.

Ex hisce articulis ne vnus quidem Pontificis Primatum in spiritualibus attingit: Quorsum enim attingeret, cum contra Primatum Pontificis in spiritualibus, expressum alibi Iuramentum extet?

Tortus p. 64.

13 *Inter alias calumnias illam profert in medium,*

dium, quòd Bellarminus vel concilius, vel auctor fuit prodicionum aduersus Reginam Elizabetham.

Confutatio.

Nysquam dixi [in Apologiâ] Bellarminum vel auctorem, vel conscium fuisse prodicionum aduersus Reginam Elizabetham, sed proditorum præceptorem, eumque tam prauis & perniciosis dogmatibus eorum mentes imbuisse, vt ijs facillimum esset thesén transferre ad hypothésin; & quæ ille è Cathedrâ dictaret, ad suas machinationes pro re natâ accommodare.

Tortus p. 64.

14 Scit [Bellarminus] Campianum contra hæreticam prauitatem solum conspirasse.

Confutatio.

Quòd Campianus ultimo supplicio affectus est, non in causa fuit quòd contra hæreticam prauitatem, vt iste Libellator videri vult, sed quòd contra Reginam Elizabetham & huius Regni statum conspirauerit: id quod ex actis iudicialibus euidentissimè constabat.

Tortus p. 65.

15 Cur Henricus Garnettus vir doctrinâ omnis generis & vitæ sanctitate incomparabilis, ultimo supplicio affectus est, nisi quia reuelare noluit, quod saluâ conscientiam reuelare non poterat?

Confutatio.

Quòd huius nefandi facinoris notitia, non ex solâ confessione ad Henricum Garnettum peruenit, vt iste mentitur; sed alijs etiam modis: nec ex vnius, sed plurium relatione, ita vt illud reuelasse saluâ conscientiam potuisset; vide Monit.

Præ-

MENDACIORVM TORTI

Præf. pag. 149. & Comitum Northamp. librum.

Tortus p. 71.

16 Itaque Sixtus Pontifex neque Regem cædi imperauit, neque cædem vt à priuato illo homine factam approbavit.

Confutatio.

Quàm splendidum sit hoc mendacium, patet ex Oratione ipsâ Sixti V.

Tortus p. 91.

17 Quod autem additur de Stanleianâ proditiōe; non fideliter neque verè narratur; siquidem more suo Auctor Apologiæ multis additis mendacijs scædè corrupit.

Confutatio.

Quæ dicta sunt de proditiōe Stanleianâ, recitata erant ad verbum ex Apologiâ Alani pro causâ Stanleianâ, vt ibi videre est.

Tortus p. 93.

18 Constat Henricum Garnettum in publico iudicio constanter semper dixisse; neque se, neque vllum Iesuitam huius conspirationis Auctorem, vel complicem, vel consultorem, vel consentientem vllō modo fuisse. Et paulò post. Id ipsum instante morte coram innumerabili populo longâ oratione protestatus est.

Confutatio.

Liber qui inscribitur Actio in Proditores, & nostra Monit. præfat. pag. 149. 150. clarè euincunt contrarium.

Tortus p. 97.

19 Iacobus autem cū Catholicus non sit, neque Christianus est.

Confutatio.

Contrâ. Ego verè Catholicus sum, vt qui fidem profi-

profitear verè antiquam, Catholicam & Apostolicam; ac proinde verè Christianus sum. Vide Confessionem fidei meæ in Monit. præfat. p. 47. 48. & deinceps.

Tortus p. 98.

20 Etsi vera sunt quæ narrantur ab ijs qui eum intumè nouerunt, cum in Scotiâ Puritanus & Protestantum inimicus esset, nunc in Angliâ Protestans, & Puritanorum aduersarium segerit.

Confutatio.

Contrà: Qualis Puritanus eram in Scotiâ, vide Præfationem in ΒΑΣΙΛΙΚΟΝ ΔΩΡΟΝ, & Monit. præfat. pag. 54. 55.

¶ Historia eumentia cum earum confutationibus.

Verba Torti p. 70.

1 **C**onstabat eum [Henricum IV.] naturali morbo extinctum fuisse.

Confutatio

Non constabat: quandoquidem Historici nonnulli aliter scribant, eum in vinculis mortuum fuisse, vel fame, vel pedore situque carceris. Lege Fasciculum temporis, ad An. 1904. Lazjard. epitom. vniuersal. Hist. c. 198. Paulum Langium in Chronico Citizenensi ad An. 1105. Iacob. Wimpeling. in Epitom. Rerum Germanic. c. 28.

Tortus p. 83.

2 A quo [vinculo Excommunicationis] ut absolui mereretur, ad istam humilitatem se ipse [Henricus IV.] sponte deiecit

Confu-

Confutatio.

Henricum I. V. non sponte, nec metu Excommu-
 nicationis Papae, quam inuolidam censuit; sed me-
 tu amissionis Regni & vita sese in tantum humi-
 liasse, testantur Historici Lamb Schafnaburg. ad
 An. 1077. Abbas Vrsperg. ad An. 1075. Platin.
 in Gregor. 7. Auctor vite Henrici 4. Bruno in
 Hist belli Saxonici. Cuspinianus in Henrico 4.
 Sigon. de Reg Ital. lib. 9. Laziard. in Epitom. Hi-
 stor. vniuersal. c. 193.

Tortus p. 83.

3 Hæc Historia [Alexandri III. Friderici
 Barbarossæ ceruicem pede conculcantis] est
 dubiæ fidei.

Confutatio.

At non est dubiæ fidei apud Historicos, cum nul-
 lus neget, multi affirmant. ut Naucler. Genera.
 40. Iacob. Bergomen. in supplement. Chron.
 ad an. 1160. Petrus Iustinian. lib. 2. Rerum Ve-
 nerarum Papyrius Masson. lib. 5. de Episc. urbis,
 qui etiam pro hac re citat Gennadium Patriar-
 cham Constantinopolit. Alphon. Ciaccon. de
 vitis Pontif. in Alex. 3. Azorius Iesuita Institut.
 moral. part. 2. lib. 5. cap. 41. Denique Hieronym.
 Bard in Victor naval. alios complures huius Hi-
 storie fidem asserentes, adducit.

Tortus p. 83.

4 Quid aliud Fridericus timuit, nisi Excom-
 municauonem?

Confutatio.

At Fridericum timuisse solam Excommunica-
 tionem, nullus antiquis Historicis scribit: sed Im-
 perij & Domini amissionem potissimum timuisse,
 testantur plurimi. Martinus. Polon. ad an. 1166
 Plautina

CONFUTATIO.

Platina in Alexand.3. Laziard.in Epitom. Histor.vniuersal.c.212. Nauclerus Generat.40.1acobus Wimphelingus in Epitom. Rerum German.c.32.

Tortus p.88.

5 Adde *Cuspinianum* [in hac re de Turcæ fratre veneno sublato] aliorum Historicorum testimonij destitui.

Confutatio.

Eadem Historia à plerisque alijs celeberrimis Historicis memoria prodita est. Vide Francisc. Guicciard.lib.2.Hist.Ital.Paulum Iouium lib.3. Hist.sui temporis. Sabellicum Ennead.10.lib.9. Continuatore[m] Palmerij ad an.1494.

¶ Noua Dogmata, vnà cum nouitatis eorundem declaratione.

Dogma primum. p.9.

Inter omnes conuenit posse Pontificem Max. Hæreticos principes iure deponere, & subditos ab ipsorum obedientiâ liberare.

Confutatio.

Immo verò tantum abest, vt inter omnes de hoc conueniat, verius vt dicas, ante Hildebrandi Pontificatum, id nemini vnquam in mentem venisse, qui primus omnium hanc nouam doctrinam, planèque antè inauditam prodidit, vt multi viri docti, cum illius, tum subsequenti[s] sæculi testantur (vt alios inferiorum ætatum testes omittam) quâ de re vide Epistolam Cleri Leodiensis ad Paschalem II. Sententiâ Episcoporum horum temporum

H

ab

MENDACIORVM TORTI

ab Auentino descriptam lib. 5. fol. 579. Conradi Traiectensis Concionem apud eundem Auentinum, dicta lib. 5. fol. 582. & alteram Eberhardi Saltzburgensis Archiepiscopi. Ibid. lib. 7. p. 684. Sententiam Archiepiscopi Treuirensis in Constitut. Imperialib. à M. Haimensfeldio editis pag. 47. Epistolam Waltherami Meghurgensis Episcopi, quæ extat apud Dodechinum in Appendice ad Marianum Scotum, ad an. 1090. Bennonem in vita Hildebrandi: Authorem libri de Unitate Ecclesiæ siue Apologiam pro Henrico IV. Sigebertum in Chronic. ad an. 1088. & IIII. Godfridum Viterbiensem in Pantheone, part. 17. Othonem Frisingensem lib. 6. c. 35. & lib. 1. De Gestis Friderici c. 1. Vincentium in speculo Historiali, lib. 15. c. 84. Similia habet Fridericus Barbarossa, lib. 6. Guntheri Ligurini, de gestis Friderici, & lib. 1. c. 10. Radeuici de gestis eiusdem Friderici.

Secundum. p. 51.

In ortu supernaturali, quem habemus ex Baptismo, intelligi debet Iuramentum tacitum & congenitum, ad obediendum Principi spirituali, qui est Christi vicarius.

Confutatio.

Mirum est vnde iste hauserit hanc nouam & prorsus incognitam Theologiam, quæ non aliunde quam ex ipsius putida cerebro nasci potuit: sed minus, suos nobis auctores enumeret, qui docent & affirmant Christianos omnes siue paruulos, siue adultos, virtute Iuramenti cuiusdam taciti in Baptismo suscepti, teneri ad obedientiam absolutam Christi vicario præstandam, aut in aliud quam Christi nomen baptizari.

Tertium.

CONFUTATIO.

Tertium. p. 94.

Sed cum Catholica doctrina non permittat ad vllum malum vitandum, secretum sacramentalis confessionis detegi, maluit ille mortem acerbissimam pati, quàm tanti Sacramenti sigillum violare

Confutatio.

Quod secretum sacramentalis confessionis, ad nulum malum quantumcunque vitandum, vel præueniendum possit detegi, nec indirectè saltem, aut in genere, modò persona, quæ confessionem edit, celebratur; præterquam quòd Thesis est cunctis Principibus, & Rebus publ. longè perniciosissima, ut in Monit. præfat. p. 147. docui; novum est dogma, & Orbi Christiano ante hæc tempora inauditum. Scholastici enim Doctores & Canonistæ tam veteres, quàm recentiores ferè omnes, planè contrarium affirmant. Consulo Alexandrum Hal. part. 4. q. 78. memb. 2. art. 2. Thom. 4. dist. 21. q. 3. art. 1. ad 1. Scotum in 4. dist. 21. q. 2. Hadrian. VI. in 4. dist. vbi de Sacram. Confess. edit. Paris. 1530. pag. 289. Dominic. Sor. in 4. dist. 18. q. 4. art. 5. Francisc. de Victor. sum. de Sacrament. n. 189. Nauar. in Enchirid. c. 8. n. 12. Ioseph. Angles. in Florib. part. 1. p. 247. edit. Antuerp. Petrum à Soto lect. 11. de Confess. Ipsi Iesuitæ astipulantur, Suarez. Tom. 4. disp. in 3. part. I hom. disp. 33. §. 3. Gregorius de Valent. Tom. 4. disp. 7. q. 13. punct. 3. qui addit, hanc communem esse Scholasticorum sententiam.

Quartum. p. 102.

4 Ego verò audeo dicere, meliorem causam habere Catholicos iuramenti recusandi, quàm *E. leazarus* habuerit carnis porcinae nõ gustandæ.

Con-

MENDACIORVM TORTI, &c.

Confutatio.

Hæc assertio reuera nouum Dogma continet, Breue scilicet Pontificium Legi Mosaica præferendum esse; & Catholicos magis teneri Pontificis decreto, quàm Iudei olim Lege per Moysen traditâ tenebantur.

Quintum. p. 135.

5 Clericos exemptos esse à Iurisdictione Principum secularium, ac per hoc non esse Subiectos Regibus; sed debere tamen Leges eorum de temporalibus rebus obseruare, non vi legis, sed vi rationis, id est, non quia subditi sunt, sed quia ratio dictat ob commune bonum & pacem Reipubl. eas Leges ab hominibus esse seruandas.

Confutatio.


Quàm sit amicus Regibus Cardinalis & qui Cardinali à Sacellis est, qui tot subditos ab eorum potestate exemptos velint, docet Monit. præfat. p. 25. 26. Sed quod ad eiusmodi nouos Aphorismos spectat, desinant isti veteratores has opinionum nouellas subtilitates, vel potius subtiles nouitates, pro antiquis & Catholicis Dogmatibus Orbi Christiano obtrudere, donec suis Catholicis Venetis, eos nouitatis falsique arguentibus, hac in parte satisfecerint.

(* *)

CAN-

CANDIDO LECTORI.

Eſi non diffido pium quemque & candidum lectorem, ſiue meū in hac Præſatione conſilium expendat, vbi de *Puritanis* verba facio; ſiue operis Epilogum, vbi profeſſionis meæ Principes compello, facilè iudicaturum *Puritanorum* nomine non alios intelligi, quàm populares & ſubditos, qui ſub Imperio meo degentes, Legum imperijs relictari animis obſtinuerunt; *Eccleſias* autem apud exteros *Reformatas*, earumue regimen non deſignari: Ne tamen inuidus quiſquam aut maleuolus aliorum atque ego ſentio verba mea interpretetur, hoc te paucis, Benigne Lector, monitum volui; quicquid inibi de *Puritanis* dicitur, de ijs ſolis accipiendum, qui intra Ditionis meæ fines peruicaci huic ſe diſciplinæ tradiderunt. Mihi enim alioqui eſt decretiſſimum, rebus alienis me non immiſcere; ſed alias *Reformata Religionis Eccleſias* Chriſtianæ ſuæ libertati permittere. Immò tantum abeſt, de ijs vt durius quid ſtatuam, ob opinionum inter nos de quibuſdam capitibus, quorum pleraq; omnia ſunt *Adiaphora*, diſſenſum; vt contra exiſtimem, peream quam **CHRISTVS** nobis commendauit libertatem, Chriſtiano cuique Regi, Principi ac Reip. eſſe conceſſum, externam in rebus Eccleſiaſticis regiminis formam ſuis præſcribere, quæ ad ciuilis adminiſtrationis quàm proximè accedat; dummodo à Fidei veræque Religionis fundamentis nec tantillum abſcedat. Abſit itaque à me eos vt iudicem, quos **DEVS** à Iuriſdictione meâ voluit eſſe immunes; aut in illud committam, quod ab Apoſtolo ſumptum in frontiſpicio libri huius legitur, *Non ergo amplius inuicem iudicemus, &c.* Quod quidem de me ſpondeo; de te, Pie Lector, ſpero, & cupio.



1. *Deus* 2. *Deus* 3. *Deus* 4. *Deus* 5. *Deus* 6. *Deus* 7. *Deus* 8. *Deus* 9. *Deus* 10. *Deus* 11. *Deus* 12. *Deus* 13. *Deus* 14. *Deus* 15. *Deus* 16. *Deus* 17. *Deus* 18. *Deus* 19. *Deus* 20. *Deus* 21. *Deus* 22. *Deus* 23. *Deus* 24. *Deus* 25. *Deus* 26. *Deus* 27. *Deus* 28. *Deus* 29. *Deus* 30. *Deus* 31. *Deus* 32. *Deus* 33. *Deus* 34. *Deus* 35. *Deus* 36. *Deus* 37. *Deus* 38. *Deus* 39. *Deus* 40. *Deus* 41. *Deus* 42. *Deus* 43. *Deus* 44. *Deus* 45. *Deus* 46. *Deus* 47. *Deus* 48. *Deus* 49. *Deus* 50. *Deus* 51. *Deus* 52. *Deus* 53. *Deus* 54. *Deus* 55. *Deus* 56. *Deus* 57. *Deus* 58. *Deus* 59. *Deus* 60. *Deus* 61. *Deus* 62. *Deus* 63. *Deus* 64. *Deus* 65. *Deus* 66. *Deus* 67. *Deus* 68. *Deus* 69. *Deus* 70. *Deus* 71. *Deus* 72. *Deus* 73. *Deus* 74. *Deus* 75. *Deus* 76. *Deus* 77. *Deus* 78. *Deus* 79. *Deus* 80. *Deus* 81. *Deus* 82. *Deus* 83. *Deus* 84. *Deus* 85. *Deus* 86. *Deus* 87. *Deus* 88. *Deus* 89. *Deus* 90. *Deus* 91. *Deus* 92. *Deus* 93. *Deus* 94. *Deus* 95. *Deus* 96. *Deus* 97. *Deus* 98. *Deus* 99. *Deus* 100. *Deus* 101. *Deus* 102. *Deus* 103. *Deus* 104. *Deus* 105. *Deus* 106. *Deus* 107. *Deus* 108. *Deus* 109. *Deus* 110. *Deus* 111. *Deus* 112. *Deus* 113. *Deus* 114. *Deus* 115. *Deus* 116. *Deus* 117. *Deus* 118. *Deus* 119. *Deus* 120. *Deus* 121. *Deus* 122. *Deus* 123. *Deus* 124. *Deus* 125. *Deus* 126. *Deus* 127. *Deus* 128. *Deus* 129. *Deus* 130. *Deus* 131. *Deus* 132. *Deus* 133. *Deus* 134. *Deus* 135. *Deus* 136. *Deus* 137. *Deus* 138. *Deus* 139. *Deus* 140. *Deus* 141. *Deus* 142. *Deus* 143. *Deus* 144. *Deus* 145. *Deus* 146. *Deus* 147. *Deus* 148. *Deus* 149. *Deus* 150. *Deus* 151. *Deus* 152. *Deus* 153. *Deus* 154. *Deus* 155. *Deus* 156. *Deus* 157. *Deus* 158. *Deus* 159. *Deus* 160. *Deus* 161. *Deus* 162. *Deus* 163. *Deus* 164. *Deus* 165. *Deus* 166. *Deus* 167. *Deus* 168. *Deus* 169. *Deus* 170. *Deus* 171. *Deus* 172. *Deus* 173. *Deus* 174. *Deus* 175. *Deus* 176. *Deus* 177. *Deus* 178. *Deus* 179. *Deus* 180. *Deus* 181. *Deus* 182. *Deus* 183. *Deus* 184. *Deus* 185. *Deus* 186. *Deus* 187. *Deus* 188. *Deus* 189. *Deus* 190. *Deus* 191. *Deus* 192. *Deus* 193. *Deus* 194. *Deus* 195. *Deus* 196. *Deus* 197. *Deus* 198. *Deus* 199. *Deus* 200. *Deus* 201. *Deus* 202. *Deus* 203. *Deus* 204. *Deus* 205. *Deus* 206. *Deus* 207. *Deus* 208. *Deus* 209. *Deus* 210. *Deus* 211. *Deus* 212. *Deus* 213. *Deus* 214. *Deus* 215. *Deus* 216. *Deus* 217. *Deus* 218. *Deus* 219. *Deus* 220. *Deus* 221. *Deus* 222. *Deus* 223. *Deus* 224. *Deus* 225. *Deus* 226. *Deus* 227. *Deus* 228. *Deus* 229. *Deus* 230. *Deus* 231. *Deus* 232. *Deus* 233. *Deus* 234. *Deus* 235. *Deus* 236. *Deus* 237. *Deus* 238. *Deus* 239. *Deus* 240. *Deus* 241. *Deus* 242. *Deus* 243. *Deus* 244. *Deus* 245. *Deus* 246. *Deus* 247. *Deus* 248. *Deus* 249. *Deus* 250. *Deus* 251. *Deus* 252. *Deus* 253. *Deus* 254. *Deus* 255. *Deus* 256. *Deus* 257. *Deus* 258. *Deus* 259. *Deus* 260. *Deus* 261. *Deus* 262. *Deus* 263. *Deus* 264. *Deus* 265. *Deus* 266. *Deus* 267. *Deus* 268. *Deus* 269. *Deus* 270. *Deus* 271. *Deus* 272. *Deus* 273. *Deus* 274. *Deus* 275. *Deus* 276. *Deus* 277. *Deus* 278. *Deus* 279. *Deus* 280. *Deus* 281. *Deus* 282. *Deus* 283. *Deus* 284. *Deus* 285. *Deus* 286. *Deus* 287. *Deus* 288. *Deus* 289. *Deus* 290. *Deus* 291. *Deus* 292. *Deus* 293. *Deus* 294. *Deus* 295. *Deus* 296. *Deus* 297. *Deus* 298. *Deus* 299. *Deus* 300. *Deus* 301. *Deus* 302. *Deus* 303. *Deus* 304. *Deus* 305. *Deus* 306. *Deus* 307. *Deus* 308. *Deus* 309. *Deus* 310. *Deus* 311. *Deus* 312. *Deus* 313. *Deus* 314. *Deus* 315. *Deus* 316. *Deus* 317. *Deus* 318. *Deus* 319. *Deus* 320. *Deus* 321. *Deus* 322. *Deus* 323. *Deus*

Don't forget to check out the new book by the author of the first book in the series, *The Last Days of Pompeii*, by Robert Harris. It's a great read and a great gift.

60000000

14137



Triplici nodo triplex cuneus.

SIVE

APOLOGIA
PRO IVRAMENTO

Fidelitatis,

ADVERSUS DVO BRE-
uia PP. PAULI QVINTI, & Epi-
stolam Cardinalis BELLARMINI,
ad G. BLACKVELLVM Archi-
presbyterum nuper
scriptam.

ESDR. III.

*Tunc omnes populi clamauerunt & dixerunt,
Magna est Veritas, & preualet.*

Editio altera.



LONDINI

Excudebat IOANNES NORTON,

*Serenissima Regia Maiestatis, in Lati-
nis, Græcis, & Hebraicis Typographus.*

ANNO 1609.

Triginta duo triplex cunctis

214

APOTOGIA



LONDINI

Excusabit IOANNES MORTON

permissum Regis Mathematicis in Litteris
et Geometriae et Astronomiae

Anno 1600.



APOLOGIA

PRO IVRAMENTO

Fidelitatis.



Vàm horrendum, nouum,
& post homines natos
inauditum planè scelus,
ante aliquot annos apud
nos in Angliâ conflatum fuerit, ad
internecionem meam, coniugis &
liberorum, ad exitium omnium Pro-
cerum, & Regni Ordinum, cum in-
numeris alijs cuiusque conditionis
atque fortunæ; vsque adeò famâ
iam ad vltimas Orbis terras percre-
bruit, ita omnibus ex ipsius nefandi
facinoris infamiâ innotuit; vt su-
peruacuum sit, rem pluribus repe-
tere, aut diuulgare velle; præsertim
cùm scelus ipsum atrocitatem sui
tam altâ voce proclamet. Etenim si
a clamantia illa peccata, & quibus

2 Gen. 4.
10.

fit in Sacris literis mentio) hoc titulo insigniuntur, & clamare dicuntur, propter infamem turpitudinis notam sibi adiunctam, seu quòd canorâ quadam voce cœlitus vindictam in auctores exposcere videantur; (quæ tamen ipsa peccata & antiqua sunt, & nimis vsitata, nec vlla ætas, vllâue gens vnquam ijs penitus vacauit) si illa, inquam, peccata in Scripturis clamare dicuntur; quid de hoc peccato existimare debemus, excogitato sine causâ, vltra modum crudeli, & citra exemplum singulari? Quid exinde securum sit, neminem opinor latere potest. Satisfactum est Iustitiæ publicæ paucorum poenâ, & vltra fontes, seueritas non transijt; hæcque omnia peracta honorificâ & publicâ iudicij formâ, quâ nulla vnquam in hoc Regno visa est illustrior.

Quamuis enim coniurati non aliam concepti furoris rationem redderent, quam quòd Romanæ religioni iuipensè vellent: nemo tamen Pontificis eâ de causâ deinceps durius

durius vnquam habitus, vt ex Edicto nostro clementissimo, post detectam coniurationem edito, apertissime constat. Tantum proximo Ordinum consuetu latae sunt leges, quibus tam atrocibus in posterum sceleribus melius occurreretur: in quibus concepta erat Sacramenti quaedam formula, in quam subditi mei liquidò iurarent, palamq; profiterentur se in fide & obedientiâ mihi lege nascendi debitâ, constanter permansuros. Nec in alium finem constitutum est Iuramentum, quàm vt non modò inter fideles subditos, & perfidos proditores, discrimen aliquod exstaret: sed etiam inter illos, qui quamuis ceteroqui Pontificiæ religioni fauerent, retinerent tamen impressa pristini officij in cordibus vestigia; & inter hos, qui eodem fanatico superstitionis zelo perciti, quo nitrati pulueris proditores, abriperentur extra debitæ fidelitatis metas, crederentque disparem religionis cultum, iustissimum esse prætextum contra

Regem coniurandi. Hoc prudens & pium consilium ita fortunauit Deus, vt permulti omne genus subditi, tam Sacerdotes quàm Laici Pontificij, hoc fidelitatis Sacramento se obstringere non dubitarent. Ex quo abundè vtrinq; satisfactum est, & mihi, & subditis : mihi, quòd de fidelitate subditorum certò constaret : subditis, quòd tantà, quàm laborabant infamià, liberati essent; ita vt, licet eandem cum proditoribus viam religionis sequerentur, tamen ab eorum pessimis consilijs, se longissimè abhorre demonstrarent. Quàm quidem re omnibus moderatis & non rigidis Pontificijs, omnis erat vel dubitandi, vel desperandi ansa præcisa, & ego satis ostendi nullam me in Pontificios, conscientiaë causâ, persecutionem meditari, nec vltra quid desiderare, quàm vt de eorum fide & constantia securus fierem, quam propter conscientiam mihi præstare tenebantur.

Sed quid à Diabolo ipso vel suggeri

geri malitiosius poterat, vel tentari nocentius, ad turbandum hoc tam mite & placidum consilium, quàm quod accidit ex Pontificis quodam *Brevi* huc misso, h'c vulgato, quo Papicolis omnibus interdictum est, ne hoc Sacramento fidelitatis se astringi paterentur? Ex quo nova sunt zelotypiæ inter me & meos, quotquot Pontificij sunt, sparsa semina, dum incitantur (cùm potius deterreri debuissent) ad renitendum meo mandato de Iuramento fidelitatis suscipiendo; quod eo fine constitutum erat, ut instar pignoris & auctoramenti subditorum erga me fidei foret. Atque ita dum isti Papæ obtemperant, & mihi Sacramentum legitimè exigenti renituntur, nimis amplam mihi, nimisque iustam materiam suppeditant infligendæ poenæ extra causam conscientiae, dum in has angustias miserè se compingi & contrudi sinunt, ut aut cum discrimine vitæ, & iacturâ fortunarum, fidelitati erga Principem renuncient, aut cum Catholicæ

fidei detrimento animarum suarum salutem, ut obtendit Pontifex, in periculum adducant.

Porro, quamvis dispar in religione cultus, omne ferè commercium, inter me & Papam partis alterius caput sustulit, nec facilè patitur, ut more Principum hinc inde nuncij commeent: tamen cùm indictum bellum non sit, negari non potest, quin Pontifex contra bonos mores, & consuetudinem Principum, maximè Christianorum, peccarit vehementer, cùm me inauditum condemnarit: quod quidem fecit, partim me persecutoribus annumerando (ut ex eo, quòd cohortatur Catholicos suos ad Martyrij gloriam aspirare, non obscurè innuitur) partim imperando seuerè omnibus Anglis qui stant à suis partibus, ut ab hoc Iuramento abstineant; quod dum detrectant, fidelitatem suam profiteri recusant.

Pontifex, si existimat se meum Iudicem, quod dici solet, competentem, cur me indicta causa condemnat?

demnat? Sin aliter se res habet, & si nihil Pape mecum est negotij (quod est verissimum) quare se immiscet operi non suo, & falcem mittit in messem alienam, in re præsertim civili, & quæ ad eum nullatenus spectat?

Numquid potuit *Pius Quintus* ipse, qui nihil nisi minas spirabat, & ruinam Reginae Elizabethæ & eius regno meditabatur, qui cum tantâ atrocitate sæuiebat in eam, & anathemate fulminabat; Num potuit is, inquam, aliquid acerbius statuere aut grauius, quàm in me statuit hic Pontifex? Quid enim inter hæc duo interfit, subditos à vinculo obedientiæ soluere, ac præcipere vt arma capessant, quod *Pius Quintus* fecit, & edicere subditis ne, Principi Iuramentum fidelitatis exposcenti, obtemperent, quod hodiernus fecit Pontifex; non facile cerni potest.

Sed vt ad ipsum *Breue* propius accedamus: negari quidem non potest, quin multam eamque non

necessariam operam insumpserit, dum ad verbum integram recensuit Iurisiurandi formulam; cum idem fuisset, si respicias eius responsum, vel minimam tituli particulam descripsisse; ut qui vnâ liturâ, & leui quadam ac generali reiectiuncula integrum Iuramentum proscribat. Quâ quidem in re, si me respicias, imprudenter; si Catholicos suos, iniuriosè se gessit Pontifex. Imprudentia est, me si respicias quòd partitè & minutatim Iuramentum non refutauerit, nec verbum aut sententiolam quam inibi reprehendit, aliquo detexerit indicio. Id verò si fecisset, pro paternâ meâ curâ, quæ non finit ut quenquam meorum ad extrema tentanda adigam, quæ duriusculè sonare videbantur, fortasse aut delèssè planè, aut benignâ interpretatione molliora reddidissè. Iniustitia est, Catholicorum fuorum respectu; nam si mihi visum fuisset, in Iuramento quippiam vel mutare, vel interpretari, omni illico labore Pontificij leuati fuissent. Sin
secus

secus mihi constitisset, nihil ex Iurifiurandi conditionibus remittere, prætextum saltem aliquem recusandi illius Sacramenti inuenissent; quasi non obsequium fidemque debitam abnuentes, sed anxijis religiosi animi scrupulis deterriti, in ea verba, quæ speciatim notauisset Pontifex, iurare vererentur.

Nunc verò ipsum tonantem audiamus.



CATHOLICIS ANG-
lis Paulus P P.

Quintus.

Dilecti filij, Salutem & Apostolicam benedictionem. Magno animi interore nos semper affecêrunt tribulationes & calamitates, quas pro recipendâ Catholicâ fide ingitor sustinuisistis. Sed cum intelliga-

Primum
Breue
Pontifici-
um de-
rum deci-
mo Cal.
Octob.
1606.

intelligamus omnia hoc tempore magis
exacerbari, affectio nostra mirum in
modum aucta est: Accepimus namq[ue]
compelli vos gravissimis pœnis propo-
sitis Tempia hereticorum adire, cœ-
tus eorum frequentare, concionibus il-
lorum interesse: profecto credimus
proculdubio eos qui tantâ constantiâ
atque fortitudine atrocissimas perse-
cutiones, infinitas propemodum mise-
rias hætenus perpeSSI sunt, ut imma-
culatè ambulant in lege Domini,
nunquam commissuros esse ut coin-
quinentur communione desertorum
Divina legis. Nihilominus zelo Pa-
storali officij nostri impulsî, & pro
Paternâ sollicitudine quâ de salute
animarum vestrarum assidue labora-
mus; cogimur monere vos atque obte-
stari, ut nullo pacto ad hereticorum
Tempia accedatis; aut eorum Conci-
ones audiat; vel cum ipsis in ritibus
communicetis, ne Dei iram incurra-
tis. Non enim licet vobis hac facere
sine detrimento Divini cultus, ac ve-
stra salutis. Quemadmodum etiam
non potestis absque evidentissimâ gra-
vissimâque

nissimâque Divini honoris iniuriâ obligare vos Iuramento, quod similiter maximo cum cordis nostri dolore audiimus propositum vobis fuisse praestandum, infra scripti tenoris; videlicet.

EGO A. B. verè & sincere agnosco, profiteor, testificor & declaro in conscientiâ meâ coram Deo & mundo, quod supremus Dominus noster Rex *Jacobus*, est legitimus & verus Rex huius regni, & omnium aliorum Maiestatis suæ Dominiorum & terrarum: Et quod Papa nec per se ipsum, nec per ullam aliam auctoritatem Ecclesiæ, vel sedis Romanæ, vel per vllam mediâ cum quibuscunq; alijs aliquam potestatem, nec auctoritatem habeat Regem deponendi, vel aliquorum Maiestatis suæ Dominiorum vel Regnorum disponendi, vel alicui Principi extraneo ipsum damnificare, aut terras suas invadere auctoritatem concedendi, vel vllos subditorum suorum ab eorum suæ Maiestatis obedientiâ & subiectione exonerandi, aut vllis eorum

licentiam

licentiam dare arma contra ipsum gerendi, tumultus seminandi, aut aliquam violentiam aut damnum Maiestatis suæ Personæ, Statui, vel Regimini, vel aliquibus suis subditis infra sua Dominia offerendi. Item, iuro ex corde, quod non obstante aliquâ declaratione, vel sententiâ Excommunicationis, aut deprivationis factâ vel concessâ, aut fiendâ vel concedendâ per Papam vel successores suos, vel per quamcunque auctoritatem deriuatam vel deriuari prætensam ab illo, seu à suâ sede contra dictum Regem, hæredes aut successores suos, vel quamcunque absolutione dictorum subditorum ab eorum obedientiâ; fidelitatem tamen, & veram obedientiam suæ Maiestati, hæredibus, & successoribus suis præstabo; Ipsumque & ipsos totis meis viribus contra omnes conspirationes & attentata quæcunque, quæ contra Personam illius, vel illorum, eorûmque Coronam & dignitatem, ratione vel colore alicuius sententiæ vel declarationis,

tionis, aut aliàs facta fuerint, defendam : omnémque operam impendam reuelare, & manifestum facere suæ Maiestati, hæredibus & successoribus suis omnes prodiciones, & proditorias conspirationes, quæ contra illum aut aliquos illorum ad notitiam, vel auditum meum peruenierint. Præterea iuro, quòd ex corde abhorreo, detestor, & abiuro tanquam impiam & hereticam, hanc damnabilem doctrinam & propositionem, Quòd Principes per Papam excommunicati vel depriati, possint per suos subditos, vel aliquos alios quoscunq; deponi, aut occidi. Et vltèriùs credo, & in conscientia meâ resoluo, quòd nec Papa, nec alijs quicunque potestatem habet, me ab hoc Iuramento, aut aliquâ eius parte absoluendi : quod Iuramentum agnosco rectâ ac plenâ auctoritate esse mihi legitimè ministratum, omnibûsque indulgentijs ac dispensationibus in contrarium renuncio. Hæcque omnia planè ac syncerè agnosco & iuro iuxta expressa.

pressa verba per me hūc prolata, & iuxta planum ac communem sensum & intellectum eorundem verborum, absque vllā æquiuatione, aut mentali euasione, vel secretā reservatione quacunque. Hancque recognitionem & agnitionem facio cordialiter, voluntariè, & verè, in verā fide Christiani viri: Sic me Deus adiuuet.

Quæ cūmita sunt, vobis ex verbis ipsis perspicuum esse debet, quod huiusmodi Iuramentum, saluā fide Catholicā, & salute animarum vestrarum, præstari non potest, cū multa contineat quæ fidei ac saluti aperitè aduersantur. Propterea admonemus vos, ut ab hac, atque similibus iuramentis præstandis omnino caueatis: quod quidem eò acrius exigimus à vobis, quia experti vestra fidei constantiam, quæ tanquam aurum in fornace perpetuæ tribulationis igne probata est, pro comperto habemus, vos alacri animo subituros esse quacunque atrociora tormenta, ac mortem denique ipsam constanter appetituros, potius quàm

quam Dei Maiestatem ullâ in re
ledatis. Et fiducia nostra confirmatur
ex his qua quotidie nobis afferuntur
de egregiâ virtute atque forsitudine,
qua non secus ac in Ecclesia primor-
dijs, resplendent nouissimis hisce tem-
poribus, in martyribus vestris. State
ergo, succincti lumbos vestros in vir-
tute, & induti loriceam iustitiæ, su-
mentes scutum fidei, confortamini in
Domino, & in potentiâ virtutis eius;
nec quicquam vos detineat. Ipse au-
tem, qui coronaturus vos certamina
vestra in cælo intuetur, bonum opus
quod in vobis cœpit, perficiet. Nescitis
quia discipulis suis pollicitus est, se
nunquam eos relicturum esse orpha-
nos: fidelis enim est qui repromisit.
Retinete igitur disciplinam eius, hoc
est, radicati & fundati in charitate,
quicquid agitis, quicquid conamini, in
simplicitate cordis & in comitate spi-
ritus, sine murmuratione aut hesita-
tione unanimes facite. Siquidem, in
hoc cognoscunt omnes, quia discipuli
Christi sumus, si dilectionem ad inui-
cem habuerimus. Quæ quidem cha-
ritas

ritas cum sit omnibus Christi fidelibus maxime appetenda; vobis certe, dilectissimi filij, prorsus necessaria est. Hac enim vestra charitate diaboli potentia infringitur, qui nunc aduersus vos tantopere insurgit, cum ipsa contentionibus atque dissidijs nostrorum filiorum precipue nitatur. Hortamur itaque vos per viscera Domini Iesu Christi, cuius charitate e faucibus aeternae mortis erepti sumus, ut ante omnia, mutuam inter vos charitatem habeatis. Praescripsi sane vobis precepta maxime utilia de fraternae charitate vicissim exercenda, felicis recordationis Clemens Papa octauus suis literis in forma Breuis ad dilectum filium Magistrum Georgium Archi-presbyterum Regni Angliae, datis die quinta mensis Octobris 1606. Ea igitur diligenter exequimini, & ne vlla difficultate aut ambiguitate remoremini. Praecipimus vobis, ut illarum literarum verba ad amissum seruetis; & simpliciter, prout sonant & iacent, accipiatis & intelligatis, sublatâ omni facultate aliter il-

la

la interpretandi. Interim nos nunquam cessabimus Deum Patrem misericordiarum precari, ut afflictiones & labores vestros clementer respiciat, ac vos continuâ protectione custodiat atque defendat: quos Apostolicâ benedictione nostrâ clementer impertimur. Datum Roma apud Sanctum Marcum, sub annulo Piscatoris, Decimo Calend. Octob. 1606. Pontificatus nostri anno secundo.



R E S P O N S I O A D
primum Breue Pontificis.



In initio Pontifex dolorem, & magnum animi sui moerorem exprimit, propter tribulationes, & calamitates, quas pro retinendâ fide Catholicâ iugiter sustinent filij sui: vbi præter

præter crimen falsi, quod in meam contumeliam tantopere redundat; dissimulare non possum, sed vt res postulat palàm profiteor, & quod certò scio præ me fero, Reginam *Elizabetham* gloriosissimæ memoriæ, nemini ex Pontificijs religionis causâ pœnam irrogâsse, antequam eorum scelera & flagitia, veluti invitæ supplicia quæ pettulerunt, extorsissent: quod cuius æquo rerum æstimatori, & actiones ipsas cum earum circumstantijs prudenter perscrutanti, manifestum fiet. Antequam enim *Pius Quintus* Anathemate in eam intonuisset, & quasi prædæ eam exposuisset, & omnibus suis subditis rebellandi copiam fecisset, palàm est, Reginam grauiorẽ aliquam mulctam Catholicis non imposuisse; cum tunc temporis, neque seueriores leges, nec vlla capitalis pœna esset in Pontificios constituta.

Ab illo tempore, quicumque animo non iniquo comparare voluerit, multa & varia eius regni inuadendi consilia,

consilia, machinationes priuatas foris, rebelliones publicas domi, simul cum astutijs, & insidijs, venenis, cædibus, cum omni doli & decipularum genere, *denique quid non?* Romæ elaborata, Romæ concinnata: & has omnes, & conſimiles merces *ono prognatas eodem*: inſuper his adde illecebras illas ad defectionem, quibus hunc populum perpetuò corruperunt, modò præmia mortalia & caduca adpromittentes, modò beatæ immortalitatis ſpe inſcantes: denique libros, alios ex alijs continenter editos, & à fugitiuis ipſis conſcriptos quibus hæc tam pia, ſcilicet, in eam conſilia probarentur; Qui hæc omnia, inquam, animo non iniquo ſimul comparare voluerit, & hinc immenſa illa & infinita irritamenta intueri; inde iuſtas, moderatas, tamen paucorum delinquentium pœnas contemplari, facile videbit clementiſſimam illam piæ memoriæ Principem tantum abſuiſſe à perſecutionis infamiâ, quantum iſti Satanæ ſatellites

satellites alieni sunt à Martyrij
gloriâ.

Nunc verò, cùm defunctæ Prin-
cipis Manibus (si ita loqui fas est)
parentârim; proximum est, vt cum
Apostolo famam meam ab infini-
tis, quibus me onerant, calumnijs
vindicem; & veritati, vt par est, iu-
stissimis meis erga Pontificios acti-
onibus testimonium perhibeam.
Quo in loco verè possum affirmare,
qualiscunque fuerit Reginæ laus à
clementiâ in Pontificios (quæ certè
fuit amplissima) eam tamen nostræ
mansuetudinis & pietatis in eosdem
exemplis, ita superatam, vt non mo-
dò Pontificij præ nimîâ indulgen-
tiæ meæ fiduciâ in superbiam elati,
in certam spem venerint, & confi-
denter sibi promiserint, se breui Re-
ligionis suæ libertate fruituros, &
in omni re pari prorsus cum cæteris
iure vsuros: verùm etiam plerique
ex optimis & fidelissimis meis sub-
ditis magnopere formidârint, &
quodammodo obstupuerint, cùm
rem ita procedere cernerent, sem-
per

per animo præcipientes, & iustissimis de causis metuentes acerbissimum illum indulgentiæ meæ fructum qui in nefariâ illâ proditione puluerariâ post apparuit. Quàm multi, Recusantes, vt vocant, cogniti & conuicti, à me nihilominus sunt equestri dignitate ornati? Quàm promiscuè vtramque Religionem colentes accessu & colloquio dignatus sum? Quàm nullo religionis discrimine, & honores & beneficia largitus sum? Quàm liber aditus & frequens in Aulam meam, & comitatum meum omnibus Pontificijs cuiuscunque ordinis, & conditionis? Ante omnia, quàm liberaliter & munificè Pontificios annuâ taxatione liberaui? Præterea constat, quàm studiosè cauerim, Iudices meis ipse verbis admonens, vt Sacerdotum omnium, etiamsi essent conuicti, supplicio supersederent? Addito insuper clementissimo Edicto, quo permissum est Sacerdotibus omnibus non comprehensis, & tum extra custodiam agentibus,

*Regia beneficia in
Catholicos collata.*

gentibus, intra constitutam diem e Regno excedere. quod si qui conuicti Sacerdotes in carcere detinebantur, ad illos liberandos generalem nostram indulgentiam gratiose porrigi & extendi volumus: Unde quasi probi Subditi fuissent, e carcere emissi sunt; denique Sacerdotes post illud tempus comprehensi, trans mare ablegati sunt, & ibi libertati restituti. Sed tempus & oratio me deficient, si omnia beneficia, omnemque munificentiam & gratiam, tum vniuersè Papistis omnibus, tum viritim certis exhibitam enumerem. Quà quidem in enumeratione, quoties calamum duco, toties mihi videre videor Pontifici ingritudinis & iniustitiæ labem aspergi, qui tam iniquam mensurâ, tanta beneficia compensarit.

* *Magnocum animi dolore &c.*

Atque ita, vt existimo, abundè
* lacrymam ab oculis Papæ, tam di-
ram persecutionem deplorantis de-
tersimus. Qui si vel politice modo
saperet, et si nec iustitiam, nec veri-

tatem

tatem tantilli fecisset; discrimen tamen aliquod in hac suâ querelâ agnouisset, inter Reginæ nuper defunctæ, & hæc nostra tempora: atque ita hanc meam moderationem, pristini temporis respectu celebrando, sperare potuisset, se apud me effecturum, ut foeliciter in suscepto clementiæ & misericordiæ cursu, ad extremum usque perseverarem. Verum enim illud est quod dici solet, Insinuationem beneficiorum apud generosos animos magnam vim habere, & mira operari. Et quod me de Catholicorum persecutione calumniantur; nunquam probari potest, quoniam conscientiæ causâ, & religionis ergo, me regnante, hætenus vel morte mulctatum fuisse, vel in mortis periculo modò versari. Nisi fortè hæc nupera Catholicis interdictio à Papâ facta, quò minus sub Iuramento de fide suâ mihi promittant, causâ sit dehinc, cur multi eorum meritò plectantur. Quod quidem si contingat, in caput Pontificis sanguis eorum recidat,

qui solus tantæ seueritati causam dedit.

Scopus
huius
tracta-
tus.

Ad proximum caput *Brenis* quod attinet, quo Pontificijs omnibus interdicit, Ne Ecclesias nostras adeant, neue ritus, & ceremonias nostras frequentent, non est mihi iam animus hæc attingere; siquidem id solum negotij nunc incumbit, vt orbi proloquar iniurias, & iniustitiam Pontificis, interdicentis subditis meis, ne obedientiam suam erga me profiteantur. Nunc verò quod ad illum locum in quo Iuramentum reprehenditur, pauca sunt verba quibus perstringitur; sed quæ pondus habent atque momentum: Nempe, *quòd perspicuum esse debet Catholicis omnibus, quòd huiusmodi Iuramentum, saluâ fide Catholicâ, & salute animarum suarum præstari non possit; cùm multa contineat, quæ saluti & fidei aperte aduersentur.* Huic verò vetus dictum quadrat, quod de Philosopho circumfertur, *Multa dicit, sed pauca probat: imò verò nihil omnino probat.* Nam quomodo professio

fessio fidelitatis erga Principem in
 subditis, possit religioni & saluti
 animarum aduersari, ita meam ex-
 cedit Theologiam, quantulacumq;
 illa est, vt prorsus nouam & exoti-
 cam planè assertionem esse, non
 possum non existimare, nec ex eius
 ore proferendam, qui se vniuersa-
 lem Episcopum, & omnium Chri-
 stianarum animarum œcumenicum
 Pastorem satis insulsè venditat. Le-
 gi equidem, nec semel, iterum, aut
 tertio, sed sæpiùs in Scripturis, Sub-
 ditos Principibus suis siue bonis si-
 ue malis obtemperare, idque prop-
 ter conscientiam, teneri. Sic ^a Iosue
 dixit populus, *Quemadmodum Mofi
 obedimus in omnibus, ita & tibi obe-
 diemus.* Sic ^b Propheta hortatus est
 populum vt ausculta-
 rēt Regi Babel
 dicens, *Submittite colla vestra subter-
 ingum Regis Babylonij, eiꝯ, & popu-
 lo eius seruite, vt uiuatis.* Similiter
 Israëlitæ se gesserunt erga ^c Pha-
 raonem, cui etiam supplicârunt vt
 veniam daret liberè discedendi. Simi-
 liter erga ^d Cyrum, à quo etiam im-

a Ios. 1.
 17.

b Ier. 27
 12.

c Exod 5
 1.

d Ezra 1
 3.

a Rom.
13.5.

b Aug. in
Psal. 124.

c Tertull.
ad Scap.

petrârunt veniam reditus, vt Templum ædificarent. Atque vt verbo finiam, ^a Apostolus omnes mortales hortatur, vt *subiecti sint propter conscientiam*. Nec doctrina Patrum ab-
ludit à doctrinâ sacrarum literarum.

^b *Augustinus* de *Iuliano* loquens, *Iulianus*, inquit, extitit infidelis Imperator. Nonne extitit Apostata iniquus, idololatra? *Milites Christiani* seruierunt Imperatori infideli: ubi veniebatur ad causam Christi, non agnoscebant nisi illum, qui in cælo erat. Quando volebat, vt idola colerent, vt thurificarent, præponebant illi Deum. Quando autem dicebat, Producite aciem, Ite contra illam Gentem, statim obtemperabant. Distinguebant Dominum æternum à Domino temporali, & tamen subditi erant propter Dominum æternum etiam Domino temporali. ^c *Tertullianus* etiam, *Christianus* nullius est hostis, nedum Imperatoris: quem sciens à Deo suo constitui, necesse est, vt & ipsum diligat, & reuereatur, & honoret, & saluum velit, cum toto Roma-

no Imperio, quousque *saculum* stabit :
 tamdiu enim stabit. Colimus ergo Im-
 peratorem sic quomodo & nobis licet,
 & ipsi expedit, ut hominem à Deo
 secundum, & quicquid est, à Deo
 consecutum, solo Deo minorem. Hoc
 & ipse volet : sic enim omnibus maior
 est, dum solo vero Deo minor est. ^a Iu-
 linius Martyr, Nos solum Deum a-
 doramus, & vobis in rebus alijs lati
 inseruimus, Imperatores ac Principes
 hominum esse propositos. ^b Ambrosi-
 us, Dolere potero, potero flere, potero
 gemere ; aduersus arma, milites, Got-
 thos quoque, lachryma mea arma sunt.
 Talia enim munimenta sunt Sacerdo-
 tis : aliter nec debeo, nec possum resiste-
 re. ^c Optatus, Super Imperatorem
 non est nisi solus Deus qui fecit Impe-
 ratorem. ^d Gregorius etiam ad
 Mauritium scribens de lege qua-
 dam, ne reciperetur miles in mona-
 sterium nondum expletâ militiâ ;
 Omnipotenti Deo, inquit, reus est qui
 serenissimis Dominis in omne quod a-
 git & loquitur, purus non est. Deinde
 se appellans indignum famulum pie-
 tatis

^a Iust.
 Mart.
 Apol. 2.
 ad Ans.
 Imp.

^b Amb.
 in Orat.
 cont.
 Aux. de
 basilicas
 traden-
 du. habe-
 tur lib. 5.
 epistol.
 Amb.
 c Optat.
 contra
 Parmen.
 lib. 3.
 d Greg.
 Mag. E-
 pist. lib. 2.
 indict. 11.
 Epist. 61.

tatis eius, per totam epistolam progreditur ostendens iniquitatem illius legis, ut ipse quidem iudicat: demum autem epistolam concludit his verbis; *Ego quidem inssioni subiectus, eandem legem per diuersas terrarum partes transmitti feci: Et quia lex ipsa Omnipotenti Deo minime concordet, ecce per suggestionis mee paginam serenissimis Dominis nunciari. Utrobique ergo quae debui exolui, qui & Imperatori obedientiam praeui, & pro Deo quod sensi, minime tacui.* Iam verò quàm diuersa ratio, quàm contraria praxis antiqui illius Pontificis existat morem gerentis Imperatori, in decreto publicando, quod quidem decretum ipse secundum animi sui sententiam putat iniustum, ab hodierni Pontificis instituto, qui denunciat subditis meis, ne in re licitâ merèque ciuili mihi obtemperent, penes æquum lectorem sit iudicare.

Patrum doctrinæ accedit Conciliorum quoque consensus in decretis

cretis suis: veluti ex Concilio ^a Arelatenſi patet, cuius Antiltites ſubmittunt Imperatori Carolo totum concilium his verbis: *Hæc igitur Domino Imperatori præſentanda decreuimus, poſcentes eius clementiam, vt ſi quid hîc minus eſt, eius prudentiâ ſuppleatur: ſi quid ſecus quàm ratio habet, eius iudicio emendetur: ſi quid rationabiliter taxatum eſt, eius adiutorio, Diuinâ opitulante clementiâ perficiatur.*

*a Concil.
Arelat.
ſub Caro-
lo can. 26*

Sed quid ego de Carolo Magno loquar? cui non vnum, ſed ſex concilia generalia, *Francfordienſe, Arelatenſe, Turonenſe, Cabilonenſe, Moguntinum, ac Rhemenſe*, ſeſe penitus tradiderunt? Quid nî potiùs ſemel omnia generalia Concilia loquar *Nicenum, Conſtantinopolitanum, Ephelinum, Chalcedonenſe*, & quatuor alia ſic vulgò appellata, quæ Imperatoris prudentiæ ac pietati ſeſe in omnibus ſubiecerunt? ad eò vt *Ephelinum* illud quater ſatis diſtinctè inculcet, ſe accitos coiſſe Imperatoris *Oraculo, nutu, ſanctione, &*

^a Vide
Epist.
general.
Con. E-
phes. ad
Augu-
stos.

^b Ioan-
18.36

^c Matth.
22.21.

*mandato: Deniq; vniuersos se a sup-
plices ad pietatis eius dominationem
confugere, ut quæ contra Nestorium
& illi consentientes gesta sunt, robur
suum haberent, ut manifestò apparet
ex epistolâ generalis Concilij Ephe-
sini scriptâ ad Augustos. Quin etiam
Christum dixisse lego, ^b Regnum
suum non esse de hoc mundo, iussisse-
que, ut quæ ^c Cesaris sunt, Cesari
tribuamus, quæ Dei, Deo. Et hoc in
Theologiâ semper certum & explo-
ratum habui, ciuilem obedientiam,
ciuili Magistratui præstitam, nec fi-
dei Christianæ, nec salutis anima-
rum quicquam repugnare. Quòd
autem ciuilis obedientia fidei & sa-
luti animarum aduersetur, prout in
hoc Breui asseritur, peregrinum, &
antehac inauditum est dogma in
Ecclesiâ Christianâ. Quamobrem
optârim sanè, ut Pontifex, prius-
quam hoc suum mandatum omni-
bus hîc Pontificijs dedisset, (quoni-
am in scrinio pectoris eius residet
potestas, ex infallibilitate spiritus,
condendi nouos Fidei articulos,
quan-*

quandocunque ei visum fuerit) hoc pro articulo Fidei definiuisset, & tunc omnibus Catholicis mandasset, vt credendo & parendo ei acquiescerent. Concludam igitur responsum meum, ad hunc locum, hoc Dilemmate.

Aut licet Principi obtemperare in temporalibus, aut non licet. *Quest.*

Si licet (quod nemini dubium esse potest) cur tam iniquus est, & crudelis in Catholicos suos, vt ijs imperet, ne legitimo Regis sui mandato obtemperent?

Si non licet, cur rationem non reddit, causam non exprimit vnde id probet? vel cur non interim veniam indulget? imò verò cur non disertis & expressis verbis hortatur, ac iubet, vti ex eius Principis ditionibus demigrent, cui nullum obsequium aut fidelitatem debent?

Ad Hortationem verò Pontificis tam vehementem vt in constantiâ persequerent Catholici, Martyriumque oppetant, nec vllis difficultati-

*Responsio
ad cohor-
tationem
Pape.*

bus deterreantur, ut hanc causam deferant; sic respondeo, si stabile & firmum sit fundamentum cui eos inniti & insistere iubet, necessariam esse hanc ad constantiam cohortationem: si fundamentum infirmum (ut est, & aliquâ ex parte antea me probasse confido) certè non aliam eius vim esse, quàm ut ipsum Pontificem faciat reum sanguinis tot ouium suarum, quot hâc quidem ratione, sciens vidensque perdidit; non solum ad iacturam vitæ non necessariam, & familiarum dissipationem atque ruinam, verum etiam ad æternum Papistici nominis dedecus & opprobrium: ac si impossibile esset Pontificiam religionem ardenter profitentem, subditum esse fidelem; & quasi Romanam religionem profiteri, & civilem obedientiam Principi præstare, duæ quædam res essent inter se pugnantes & dissociabiles.

*Fama
vires ac-
quirit
cundo,

Sed ficti rumores, & falsi nuncij (qui longo itinere hinc Romam perlati, non possunt non * augeri) forsitan

forſitan impoſuère Pontifici, & hoc ſuum Breue tam temerè expediendi cauſſam præbuère. Septicollis enim illa magna ciuitas, mundi Domina & Regina, & vt ipſi fatentur, myſticè nuncupata *Babylon*, nuncijs infinitis & rumoribus vndequaq; reſonat. His adde, quòd omnes, qui de conditione ſuâ conqueruntur (vt hic plærumque Pontificij aſſolent) naturâ ſuâ ſunt prompti atque procliuēs ad exaggerandos dolores ſuos, eòſque ſermonibus amplificandos. Adeò vt mirandum non ſit, etiamſi Iudex quantumuis iuſtus in Cathedrâ ſedens, non bene de cauſſâ edoctus, ſed falſo interdum rumore ſeducus, ſententiam pronunciet iniquiſſimam: Vt quidam ex Pontificiorum partibus fateri non vereantur, *Pium Quintum* vanis quorūdam delationibus temerè abreptum, in Sereniſſimam Principem *Elizabetham* fulmen illud ſuum Excommunicationis diſploſiſſe. Et fieri poteſt (ſi coniecturâ angurari liceat) perſimilem aliquando fore excuſa-

a Eusebio, Oecumenius, & Leo aſſerunt, Roman intelligi per Babylonem in 1. Pet. 5. 13. id quod & ipſi Rhe-menſes aſſerantur.

*a Vide
Actio-
nem in
prodis-
res, Gar-
netum &
socios.*

cusationem, de duobus illis Breui-
bus à *Clemente* ^a *Octavo* datis, &
huc in Angliam missis paulò ante
obitum Reginae nuper defunctae,
quibus vel me, vel alium quemcun-
que à Regni gubernaculo exclusit,
qui vel ipse profiteretur, vel vllò
pacto nostrae religionis cultores to-
leraret; contra fidem suam non se-
mel datam, contra protestationes
propè innumeras, simul & eodem
tempore, vno & eodem spiritu fa-
ctas non paucis meis ministris
peregrè tum agentibus, quibus
omnem operam suam obtulit, om-
niàque pollicitus est, quæ conduce-
re possent ad me in huius Regni so-
lio collocandum. Immo verò pleri-
que hîc Pontificij, cùm fama huius
ipsius Brevis ad eorum aures perue-
nisset, idq; manifestò vidissent lon-
gè ab omni Theologiae ratione,
prudentiâ politicâ, sensu denique
communi abhorrere; certò sibi per-
suaserunt libellum quendam dun-
taxat esse fictitium, in odium Papæ
compositum & disseminatum, vel
saltem

saltem nō nisi opus tumultuarium, ex falsis rumoribus, vt diximus collectum. Quā quidem in sententiā, non tantum crassiores hebetioresque Papistæ, sed quidam etiam eius sectæ tum à doctrinā, tum ab experiētiā principes, inter quos & ipse Archi-presbyter, versati sunt.

Verum enim vero, quò melius Pontifex Catholicos suos ab hac ancipiti cogitatione liberaret, non vlli labori pepercit, sed & alterum Breue expediuit illicò, tantummodo ad prioris fidem ac firmitatem, vt quod prius temeritatis & ignorantix commissum cenferi poterat, & ex rumore nescio quo ortum habuisse, nunc geminatum scientis & prudentis crimen meritò videatur.

Exemplar huius Breuis hīc sequitur.

DILE-



DILECTIS FILIIS
Catholicis Anglis Paulus
PP. Quintus.

Secun-
dum Bre-
ue Ponti-
ficium
datum
decimo
Cal. Sept.
1607.

Dilecti filij, Salutem & A-
postolicam benedictionem.
Renunciatum est nobis re-
periri nonnullos apud vos, qui cum
satis declarauerimus per literas no-
stras anno superiore, decimo Calend.
Octobr. in formâ Breuis datas, vos
intâ conscientiâ præstare non posse
Iuramentum, quod à vobis tunc exi-
gebatur; & præterea strictè præce-
perimus, ne ullo modo illud præsta-
retis: Nunc dicere audent huiusmo-
di literas de prohibitione iuramenti,
non ex animi nostri sententiâ, nostrâ-
que propriâ voluntate scriptas fuisse,
sed potius aliorum intuitu atque indu-
striâ: eâq; de causâ idem persuadere
nituntur, mandata nostra dictis lite-
ris

ris non esse attendenda. Perturbauit
sanè nos hic nuncius, eoque magis,
quia experti obedientiam vestram (fi-
lij nostri unice dilecti) qui ut huic san-
cta sedi obediretis, opes, facultates,
dignitatem, libertatem, vitam deniq;
ipsam piè ac generosè nihili fecistis,
nunquam suspicati essemus potuisse
vocari apud vos in dubium fidem lite-
rarum nostrarum Apostolicarum,
ut hoc pretextu vos ex mandatis no-
stris eximeretis. Verùm, agnoscimus
versutiam atque fraudem aduersarij
humana salutis, ei que potius quàm
vestra voluntati tribuimus hanc re-
nitentiam. Eapropter iterum ad vos
scribere decreuimus, ac denuò vobis
significare, literas nostras Apostoli-
cas anno praterito decimo Calend.
Octobr. datas de prohibitione Inra-
menti, non solum motu proprio & ex
certâ nostrâ scientiâ, verumetiam
post longam & grauem deliberationem
de omnibus que in illis continentur
adhibitam, fuisse scriptas, & ob id, te-
neri vos illas omnino obseruare, omni
interpretatione secus suadente reie-
ctâ.

Etâ. Hæc autem est mera, pura, integrâque voluntas nostra, qui de vestrâ salute solliciti, semper cogitamus ea quæ magis vobis expediunt, & ut cogitationes ac consilia nostra illuminet is à quo Christiano gregi custodiendo nostra fuit præposita humilitas, indefinenter oramus : quem etiam iugiter precamur ut in vobis filiis nostris summopere dilectis, fidem, constantiam, mutuamque inter vos charitatem & pacem augeat. Quibus omnibus, cum omni charitatis affectu, peramanter benedicimus.

*Datum Romæ apud S. Marcum
sub annulo piscatoris, decimo
Calend. Septembr. 1607.
Pontificatus nostri anno ter-
tio.*

Petrus Stroza.

RESPON-



RESPONSIO AD SE-
cundum Breue Pon-
tificium.



QVOD ad hoc Pontifi-
cis Breue spectat; iu-
re possum in auctorem
ipsius verba regerere,
*Versutiam esse atque fraudem ad-
uersarij humana salutis.* Satanas
enim etiamsi mille annos cogi-
tasset; de Romano-Catholicis no-
stris insigni infortunio mulctan-
dis, non aliud profectò hoc grauius
reperire potuisset; Quòd cum non
pauci Pontificij, & quidam etiam
inter eos Sacerdotes, Iuramentum
hoc susceperint; immo nec Archi-
presbyter ipse recusarit, sed liberè
sine hæsitacione vllâ iurarit; nunc
non solum professionem naturalis
erga me fidelitatis recusare cogen-
tur,

*Duplex
in iuran-
dum cu-
iusque
subditi.*

tur, (quod tamen ipsum excusari ut-
cunque potuisset diuersis scrupulis
à verbis ipsius Iuramenti petitis) sed
etiam tenebuntur renunciare, atq;
adeò repudiare eam professionem
fidei & obedientiæ in quam non ita
pridem iurauerant; & sic, in hac ter-
tiâ veluti instantiâ, duo priora iura-
menta eiurare; vnum tacitum &
congenitum, natalium iure debi-
tum: alterum declaratorium in con-
firmationem prioris adhibitum,
quod ipsum Iuramentum nihil ali-
ud est quàm prioris congeniti ex-
pressio & publica declaratio. Vnde
sequitur neminem posse in *Angliâ*
Romanam religionem profiteri, nec
salutem animæ suæ curare, qui non
prius fidelitatem suam erga Princi-
pem congenitam & iuratam exuerit
& eiurauerit.

Sed neque hoc satis est, ut supe-
rioris anni *Breue*, altero nunc emis-
so corroboretur, nisi (ut non modò
singulis annis, verùm etiam singu-
lis mensibus noui semper monstri
aliquid pariat) magnus ille &
præclarus

præclarus controuersiarum scriptor
Cardinalis nuper *ex-Iesuitatus Bel-*
larminus, suo quoque talento cœp-
tum hoc opus bonum locupletet ;
dum quasi flabello admoto, & cal-
caribus infixis, seditionem acuit, ac-
cenditque missis huc eiusmodi ad
Archi-presbyterum literis, vt mi-
rum sit quomodo partim animi
morbus, partim ambitiosum sulci-
endæ Pontificis Monarchiæ studi-
um, hominem tantâ doctrinæ opi-
nionē celebrem, transuersum ege-
rint ac fascinauerint.

Quarum literarum exemplum
hîc subijcitur.

ADMO-



ADMODVM REVE-
rendo Domino D. Georgio
Blackuello Archi-pres-
bytero Anglia,

Robertus S. R. E. Cardinalis
Bellarminus. S. D.

Venerabilis in Christo Do-
mine frater, *Anni sunt*
ferè quadraginta, quòd in-
uicem non viderimus: sed ego tamen
veteris nostræ consuetudinis nun-
quam oblītus sum, teque in vineâ
Domini strenuè laborantem, quando
aliter non potui, orationibus Deo
commendare non destiti: me quoque
in tuâ memoriâ toto hoc tempore vi-
xisse, & in tuis orationibus ad Alta-
re Domini locum aliquem habuisse
non dubito. Ita igitur ad hoc vsque
tempus non verbis, aut literis, sed ope-
re,

re, & veritate, ut Sanctus Ioannes loquitur, alter in alterius dilectione permanſimus. Sed hoc ſilentium rumpere coëgit nuncius, qui diebus iſtis de tuis vinculis, & carcere ad nos venit. Qui quidem nuncius, et ſi triſtis videri poterat ob iacturam pastoralis tue ſollicitudinis, quam Eccleſia iſta fecit: tamen letus quoque videbatur, quoniam ad Martyrii gloriam, quo dono Dei nullum eſt felicius, propinquabas, ut qui tot annis gregem tuum verbo, & doctrinâ pauiſſes, nunc exemplo patientia glorioſius paſceres. Verum hanc latitiam non mediocriter interturbavit, ac ſerè corrupit triſtis alius nuncius, qui de conſtantiâ tuâ in recuſando illicito iuramento ab aduerſariis tentatâ, fortè etiam labefactatâ, & proſtratâ ſucceſſit. Neque enim, frater chariſſime, iuramentum illud ideo licitum eſſe potuit, quòd aliquo modo temperatum, & modificatum offerebatur. Scis enim eiſmodi modificationes nihil eſſe aliud, quàm Satanae dolos, atque verſutias, ut ſides Catholica de primatu ſedis Apoſtolice

stolica vel apertè, vel obscure petatur: pro quâ fide tot inclyti Martyres in istâ ipsâ Angliâ ad sanguinem usque pugnârunt. Cortè enim quibuscunque verbis iuramentum ab adversarijs fidei concipiatur in Regnâsto, eò tendit, ut auctoritas capitis Ecclesia à successore Sancti Petri ad successorem Henrici octavi in Angliâ, transferatur. Quod enim obicenditur de periculo vite Regis, si summus Pontifex eam in Angliâ potestatem habeat, quam in alijs omnibus Christianis Regnis habet; inane prorsus esse, omnes qui sunt aliquâ prudentiâ præditi facile vident. Neque enim auditum est unquam ab initio nascentis Ecclesie, usque ad hæc nostra tempora, quod ullus Pontifex Maximus Principem ullum, quamvis hereticum, quamvis ethnicum, quamvis persecutorem cædendamauerit, aut eadem fortè ab aliquo patratam probauerit. Et cur, quæso, unus Rex Angliæ timet, quod ex tot Christianis principibus nullus timet, nullus timuit? Sed, ut dixi, vani isti pretextus decipule sunt, & strata-

stratagemata Satana. Qualia non pauca in Historijs veterum temporum inueniuntur, qua facile referre possem, si non epistolam, sed librum integrum scribendum suscepissem: vnum tantum, exempli gratiâ, ad memoriam tibi reuocabo. Scribit Sanctus Gregorius Nazianzenus in primâ oratione in Iulianum Imperatorem, illum vt simplicibus Christianis imponeret, in imaginibus Imperatorijs, quas Romani civili quodam genere honoris pro more adorabant, imagines Deorum falsorum admiscuisse, vt nemo posset Imperatoris imaginem adorare, quin simul Deorum simulachris cultum adhiberet. Hinc nimirum fiebat, vt plurimi deciperentur, & si qui fortè fraudem subodorati, Imperatoris imaginem venerari recusarent, ij grauissimè punirentur, vt qui Casarem in sua imagine contempsissent. Tale aliquid in Iuramento vobis oblato mihi videre videor, quod eâ fraude compositum est, vt nemo possit proditionem in Regem detestari, civilemque subiectionem profiteri, quin pri-
matum

matum sedis Apostolica perfide ab-
 negare cogatur. Sed Christi serui, ac
 praesertim primarij Domini Sacerdo-
 tes, ubi periculum Fidei subesse possit,
 tantum abesse debent à susceptione illi-
 citi iuramenti, ut ab omni etiam suspi-
 cione simulationis praestiti iuramenti
 cauere debeant, ne fidelibus populis
 ullum prauaricationis exemplum re-
 liquisse videantur. Quod egregie pra-
 stitit insignis ille Eleazarus, qui neq;
 porcinas carnes comedere, neque simu-
 lare comedisse voluit, quamuis gra-
 uissima tormenta sibi cerneret immi-
 nere: ne, ut ipse ait in secundo libro
 Macchabæorum, multi iuuenum
 per eam simulationem ad Legis prau-
 aricationem animarentur. Neque
 minus fortiter Magnus Basilius,
 & exemplo ad res nostras magis ac-
 commodato, cum Valente Impera-
 tore se gessit. Nam ut in historiâ scri-
 bit Theodoritus, cum Praefectus Im-
 peratoris heretici hortaretur San-
 ctum Basilium, ut non vellet propter
 paruum dogmatum subtilitatem Im-
 peratori resistere; respondit vir ille
 sanctis-

sanctissimus & prudentissimus, non esse ferendum, ut de Diuinis dogmatibus, vel una syllaba corrumpatur, sed potius pro eorum defensione omne genus supplicij amplectendum. Equidem arbitror non deesse apud vos, qui dogmatum subtilitatem esse dicant, quae in Iuramento Catholicis hominibus proposito continentur : & non esse propter rem tam paruum Regis Imperio reluctandum. Sed non deerunt etiam viri sancti, ac magno Basilio similes, qui palam affirmabunt, non esse de Diuinis dogmatibus, vel minimam aliquam syllabam corrumpendam, etiam si tormenta & mors ipsa toleranda proponatur. Inter hos unum, vel potius horum Principem atque antesignanum te esse par est. Et quamuis vel inopinata comprehensio, vel acerbitas persecutionis, vel senectutis imbecillitas, vel quid aliud in causâ fuerit, ut constantia titubauerit; confidimus tamen de Domini pietate, & de diuturnâ tuâ virtute, fore, ut qui Sancti Petri & Sancti Marcellini causam aliquâ ex parte imitatus videris,

eorundem fortitudinem in reparandis
viribus & veritate asserenda feliciter
imiteris. Nam si rem totam diligen-
ter apud te cogitare volueris, videbis
profecto non esse rem paruum, quæ ob
Iuramentum istud, in discrimen addu-
citur, sed unam ex præcipuis Fidei no-
stræ capitibus, ac religionis Catholica
fundamentis. Audi enim quid Apo-
stolus vester magnus Gregorius in
Epistolâ quadragesimâ secundâ libri
vndecimi scribat; Apostolicæ sedis
reuerentia nullius præsumptione
turbetur: tunc enim membrorum
status integer perseverat, si caput
Fidei nullâ pulsetur iniuriâ. Itaque
Sancto Gregorio teste, cum de pri-
matu sedis Apostolicæ vel turbando,
vel minuendo, vel tollendo satagitur,
de ipso capite Fidei amputando, ac de
totius corporis, omniumque membro-
rum statu dissipando satagitur. Quod
ipsum Sanctus Leo confirmat in ser-
mone tertio de assumptione suâ ad
Pontificatum, cum ait, Specialis
cura Petri à Domino suscipitur, &
pro fide Petri propriè supplicatur,
tanquam

tanquam aliorum status certior sit
futurus, si mens Principis victa non
fuerit. *Ex qua idem ipse in Epistola
ad Episcopos Viennensis provincia
affirmare non dubitat, necesse esse
exortem illum mysterij esse Divini,
qui ausus fuerit à Petri soliditate
recedere. Qui rursus ait, Quisquis
huic sedi principatum existimiat de-
negandum, illius quidem nullo mo-
do potest minuere dignitatem, sed
inflatus spiritu superbiae suae semet-
ipsum in inferna demergit. Atque
haec quidem, & alia eiusdem generis
multa tibi notissima esse certo scio, qui
præter ceteros libros, visibilem mo-
narchiam Sanderi tui, scriptoris dili-
gentissimi, & de Ecclesiâ Anglicanâ
optimè meriti, sæpe legisti: quique ig-
norare non potes, sanctissimos viros,
eosdemque doctissimos, Ioannem Ros-
ensem, & Thomam Morum pro
hoc vno gravissimo dogmate duces ad
Martyrium plurimis alijs, cum ingen-
ti Anglicæ nationis gloriâ, nostrâ
memoriâ fuisse. Sed ad memoriam tibi
renocare volui, ut colligas te, & mag-*

nitudinem rei considerans, non tuo iudicio nimium fidas, neque plus sapias quam oportet sapere; & si forte lapsus tuus non ex inconsideratione, sed ex infirmitate humanâ, ex metu carceris, & suppliciorum profectus est, non anteponas libertatem temporalem libertati gloriæ filiorum Dei: neque ob momentaneam, & leuem tribulationem fugiendam, amittere velis æternum gloriæ pondus, quod ipsa tribulatio operatur in te. Bonum certamen diu certasti, cursum ferme consummasti, fidem tot annis seruasti; noli igitur tantorum laborum præmia tam facile perdere; noli coronam iustitiæ, quæ tibi iam dudum paratur, te ipse priuare; noli tot patrum & filiorum tuorum vultus confundere. In te sunt hoc tempore coniecti oculi totius Ecclesiæ, quin etiam spectaculum factus es mundo, Angelis & hominibus: noli in extremo actu ita te gerere, ut & tuus luctum, & gaudium hostibus relinquas. Sed contra potius, quod omnino speramus, & pro quo ad Deum nostrum assidue preces fundimus, vexillum

illum Fidei gloriosè erigas, & quam
contristaueras, letam facias Ecclesi-
am: nec iam solum veniam merearis
à Domino, sed coronam. Vale, virili-
ter age, & confortetur cor tuum. Ro-
ma, die 28. Septembris 1607.

Reuerenda admodum D.V. fra-
ter & seruus in Christo, Ro-
bertus Cardinalis Bellar-
minus.



RESPONSIO AD Literas Cardinalis.

ATque hîc in mediam
quoddicitur aciem ad
literas eius refutandas
progressurus, ab hac
protestatione initium mihi facien-
dum esse duxi: me nullo inanis glo-
riolæ aucupio illectum, concerta-
tionem cum tam docto viro insti-
tuisse: sed conscientiam, sed reli-
gione

gione motum, ne absque respon-
so via per orbem pateat Circæis
hisce veneficijs, & inauratis pilulis,
tam externâ quadam specie elo-
quentiæ fucatis, quàm mendacio-
rum & fraudis intus plenis. Vnde
& mea existimatio hactenus illiba-
ta, mendaciorum caligine, & falso-
rum criminum nebulis, obscurari
posset, cordâque hominum leuicu-
lorum minúsque stabiliū induci
in errorem, & tandem veritas ipsa
opprimi.

*Magna
aberratio
à statu
causæ &
questio-
nis dis-
cutione.*

Sed antequam accedam ad accu-
ratiorem refutationem huius epi-
stolæ; cunctos mecum hîc mirari
exoptem tam crassum errorem viri
tam docti, qui tanto conatu tam
elaboratam adornârit epistolam, ad
refutandam positionem à questio-
ne prorsus alienam. Videntur enim,
transfugæ nostri, de quorum intimâ
familiaritate tantopere gloriatur,
ita homini Iuramentum Primatus
(quod Papistis tanto semper fuit
terriculo) inculcâsse, vt dum per li-
teras nouissimi huius Iuramenti
formam

formam refutare cogitaret, eius loco Iuramentum Primatus quod ei penitissimè infederat, tantummodò impugnaret: non secus ac qui seriâ cogitatione defixus in aliud ab eo, quod tum agitur, rem aut personam, de quibus cogitat, pro eo quod in manibus est, sæpe nominat. Etenim vt Iuramentum Primatus excogitatum est ad discrimen faciendum inter Pontificios, & eos qui nobiscum de religione sentirent; sic hoc Iuramentum, cuius iste impugnator videri vult, institutum est ad distinguendos Pontificios qui in rebus civilibus obedientiam & obsequium retinent, ab ijs qui sulphureæ proditionis disciplinæ adhærescunt. Ille tamen in totâ suâ epistolâ hoc vnum agit; vt inuehatur in vim Catholicis illatam, quâ Primatum successorum Sancti Petri negare coguntur, & eius vice successores *Henrici octavi* substituere. Nam sub *Henrico octavo* primum introductum est Iuramentum Primatus; sub eoque *Thomas Mo-*

Differen-
tia inter
Iuramen-
tum illud
Prima-
tus, &
istud O-
bedien-
tia.

rus & Rossensis supplicio affecti; idque partim ob eam causam, quod Iuramentum illud recusarent. Ab eo deinceps omnes mei decessores quotquot sunt hanc religionem amplexi, idem sibi, aut non multò secus asseruerunt; atque in eo duntaxat Iuramento, absoluta Regis potestas supra omnes tam ciuiles quàm Ecclesiasticas personas continetur; omnibus peregrinis, tum Principibus, tum Potestatibus, à causis cognoscendis intra eius ditiones exclusis. Cuius nihil simile nouissimum hoc Iuramentum continet, sed tantummodo ciuilem obedientiam subditorum erga Principem in causis merè temporalibus attingit.

Ac quò melius innotescat, dum nominatim videtur nouissimū hoc Iuramentum dampnare, re verà per vniuersam epistolam nihil aliud agere, nisi vt Iuramentum Primatus exagitet; non à proposito putauī alienum, exemplum eius ipsius Iuramenti subijcere, quò cuius æquo lectori

lectori liberum esse possit iudicare, an non planè & re verâ in Iuramentum Primatus tantummodo feratur, nisi quòd falsâ & e mentitâ nomenclaturâ rem causâmq; corruperit.

EGO A.B. palàm testor, & ex conscientia meâ declaro, quòd Maiestas Regia, unicuique est supremus gubernator huius Regni, omniumque aliorum sue Maiestatis Dominiorum ac territoriorum, tam in omnibus Spiritualibus sine Ecclesiasticis rebus aut causis, quàm in Temporalibus: & quòd nullus extraneus Princeps, Persona, Prælatus, Status, aut Potentatus, habet aut habere debet ullam Iurisdictionem, potestatem, superioritatem, præminentiam, vel auctoritatem Ecclesiasticam sine Spiritualem infra hoc Regnum; & proinde renuncio penitus, & reijcio omnes extraneas Iurisdictiones, potestates, superioritates, & auctoritates: Et promitto, me deinceps fidem, & veram obedientiam Regia Maiestati, eiusque Hæredibus, ac legitimis Successoribus præstitu-

Iuramentum
tum Pri-
matus.

rum: & pro virili meâ adiuturum ac propugnaturum omnes Iurisdictiones, privilegia, præminentias, & auctoritates Regia Maiestati, Hereditibus suis, ac Successoribus concessas, vel debitas, siue Imperiali huius Regni Corona unitas & annexas. Ita me Deus adiunget, & per huius libri contenta.

Atque ut iniustitia non minus quam error huius tam crassæ hallucinationis liquidius appareat; statim post Iuramentum Primatus è re esse duxi hoc loco inferere conclusiones omnibus illis articulis contrarias, ex quibus hæc recens Iuramenti formula componitur; unde constet, quam absurdis & planè proditorijs positionibus, omnes meos Subditos irretire & implicare velit, dum illos ab hoc Iuramento suscipiendo, prout conceptum est, arcère contendit.

Quicumque enim Iuramentum illud recusaverit, has sequentes Propositiones, vel saltem earum aliquot, necessariò tueatur oportet.

I. Quòd

1. Quòd ego *Iacobus* non sum Rex legitimus huius Regni, aliarumque omnium mearum ditionum.

2. Quòd Papæ liceat me regno deponere, ex merâ suâ auctoritate; vel si non suâ, tamen auctoritate Ecclesiæ Sedis Romanæ: Si non Ecclesiæ auctoritate vel Romanæ Sedis, tamen alijs medijs atque aliorum subsidij ei liceat me regno deponere.

3. Quòd Papæ liceat de regnis ac ditionibus meis pro arbitrio statuere.

4. Quòd penes Papam sit extra neo cuicunque Principi potestatem concedere inuadendi ditiones meas.

5. Quòd Papæ liceat absoluerè subditos meos à fide atque obedientiâ, mihi debitâ.

6. Quòd penes Papam sit, licentiam concedere vni aut pluribus ex subditis meis arma contra me ferendi.

7. Quòd liceat Papæ veniam dare

re subditis meis vim personæ meæ, aut dominijs, aut quibusdam è subditis meis afferendi.

8. Quòd si Papa sententiâ latâ me excommunicauerit, aut deposuerit, non sit liberum subditis perstare in fide atque obedientiâ mihi debitâ.

9. Quòd si Papa me iudicialiter excommunicauerit, vel deposuerit, subditis non sit liberum personam & coronam meam omnibus viribus suis defendere.

10. Quòd si Papa sententiam aliquam aut excommunicationis aut depositionis contra me promulgauerit, subditi ex vi eius sententiæ nequaquam obligentur retere omnes coniurationes aut proditio- nes contra me initas, quas vel audire, vel nôsse ipsis contigerit.

11. Quòd non sit hæreticum, neque detestabile opinari, Principes à Papâ excommunicatos impunè deponi aut occidi posse à subditis suis alijsue quibuscunque.

12. Quòd Papa habeat potestatem

tem absoluendi subditos meos ab hoc Iuramento, aut ab eius aliquâ parte.

13. Quodd Iuramentum hoc ne-
tquam administretur subditis meis,
plenâ & legitimâ auctoritate.

14. Quodd Iuramentum hoc sus-
cipiendum sit cum æquiuatione,
cum mentali euasione, aut tacitâ re-
seruatione, & non ex animi senten-
tiâ, atque ex intimo pectore, in verâ
fide hominis Christiani.

Hi sunt articuli ex varijs Iura-
menti partibus per Antithesin eli-
citi, Quibus oppositæ Theses, ne-
que Pontificis Primatum in causis
Spiritualibus vllatenus attingunt;
neque vlllo vnquam Concilio gene-
rali plenè finito conclusum & defi-
nitum est huiusmodi in Reges po-
testatem ad Pontificis auctoritatem
pertinere; Et ipsi denique eorum
Doctores scholastici inexplicabili
quodam litigio, de ijs inter se dissi-
dent in hunc diem.

Atque vt clarius adhuc (si fieri
possit) perspiciant vniuersi, me &
Regni

*De Con-
cilio quod
allegatur
Lateran-
ensi, vi-
de Plati-
nam in
vita In-
nocent. 3.*

*Iuramen-
tum Fi-
delitatis
confir-
matum
auctori-
tate Con-
ciliorum.*

*Antiqua
Concilia
a quo
cuius
inimici.*

Regni Ordines, cum hoc Iuramen-
tum componeretur, non nouum ali-
quid excogitasse, sed & auctorita-
tem à Verbo Dei habuisse, & exem-
plum sumpsisse à Iuramento fide-
litis, ante mille annos confirmato;
cuius Iuramenti formulam illustre
tum Concilium vnà cum multis a-
lijs succedentibus, tantum aberat vt
damnarent (id quod Papa hoc no-
stro Iuramento facit) vt cum in-
stituto coniunctissimum esse duxe-
rim illorum hinc ipsissima verba de-
scribere, quæ in eo negotio pera-
gendo tam diligenter adhibuerunt;
Ex quibus appareat, me à subditis
meis in hoc Iuramento nihil aliud
requirere, quam quod accurate ad-
modum & disertè, vt ab omnibus
fieret sine vllâ personarum excepti-
one, Concilia illa tum edixerunt.
Sed nec in illo ipso articulo aequi-
uocationis, quâ tam sollicitè euita-
ri hoc in Iuramento volui, mino-
rem diligentiam dicta Concilia in
suis Decretis ad eam profligandam
adhibuisse videmus. Immo quod
nos

nos iam agimus, planè conuenire
& conspirare cum eo quod illi tum
egèrunt, in omnibus præterquam
in hoc vno reperietur; Quòd anti-
qua illa Concilia rigore quodam &
seueritate vtantur, vt omnes ad se
astringendos illo Iuramento co-
gant: cum contra, is, qui caput se
Concilionum agit, non minus
sollicitè & seuerè omnibus interdi-
cat, ne hoc fidelitatis Iuramento se
obligari patiantur.

Verba Concilij hæc sunt.

*Audi sententiam nostram. Qui-
cunque ergo ex nobis, vel totius Hi-
spania populis, qualibet coniuratione
vel studio Sacramentum fidei sue
quod pro patria gentisque Gorbatorum
statu, vel conseruatione Regie salutis
pollicitus est, temerauerit, aut Regem
nece attrectauerit, aut potestate regni
exuarit, aut presumptione tyrannica
regni fastigium usurpanerit; Anathe-
ma sit in conspectu Dei Patris & An-
gelorum, atque ab Ecclesia Catholi-
ca, quam periurio profanauerit, effi-
ciatur extraneus, & ab omni conu-
Chri-*

*Differen-
tia inter
antiqua
Concilia,
& id Con-
siliū quod
hodiernis
Catholicis
Papa dat.*

Concil.
Tol.4.
can.74.
anno 633

Can. 7.
Tol. 2.
Can. 7.
Tol. 2.
Can. 7.
Tol. 2.

Christianorum alienus, cum omnibus impietatis sua socijs: quia oportet ut una poena teneat obnoxios, quos simili error inuenerit implicatos.

Quæ Synodi sententia distinctè ter in eodem Canone simul, & eisdem ferè verbis iteratur; quæ tertiò reiteratâ, & assensu vniuersi Cleri & populi rogatâ tandem ab vniuerso Clero & populo dictum est: Qui contra hanc vestram definitionem præsumpserint, anathema, marnatha; hoc est, perditio in aduentu Domini sint, & cum Iuda Iscarioth partem habeant ipsi, & socij eorum. Amen.

Quin & in quinto Concilio continenter sancitum est, vt hoc decretum de iuramento fidelitatis in omnibus deinceps Hispania Concilijs inculcetur. Decreti verba sic habent: Propter malitiam mentium facilitatem & memorie obliuionem, hoc sacratissima statuit Synodus, ut in omni Concilio Episcoporum Hispania, vniuersalis Concilij decretum, quod propter Principum nostrorum est

*a Concil.
Tol. 5.
can. 7.
anno 636
b Concil.
Tol. 4.
vniuersalis &
magna
Synodus
vocatur
Tol. 5.
can. 2.*

est salutem constitutum, peractis omnibus in Synodo, publicâ debeat voce pronunciari. Quatenus saepe replicatum auribus, vel assiduitate iniquorum mens territa corrigatur, qua ad preuaricandum & obliuione & facilitate perducitur.

Rursus in ^a sexto Concilio: Testamur coram Deo & omni ordine Angelorum, coram Prophetarum atque Apostolorum, vel omnium Martyrum choro, coram omni Ecclesiâ Catholicâ, & Christianorum conu., ut nemo intendat in interitum Regis, nemo vitam Principis attreseat, nemo regni cum gubernaculis priuet, nemo tyrannicâ presumptione apicem regni sibi usurpet, nemo quolibet machinamento in eius aduersitate sibi coniuratorum manum associet. Quod si in quippiam horum quisquam nostrorum temerario casu presumptor extiterit, Anathemate Divino percussus, absq; ullo remedij loco habeatur condemnatus eterno iudicio.

Sed & adhuc in decimo ^b Concilio (vt alia multa omittam, câque Toleti

^a Concil.
Tolet. 6.
can. 18.
anno 638

anno 2
+ 10
+ 10

^b Concil.
Tolet. 10.
can. 2.
Aera
694.

Toleti etiam habita) sic dicitur: Si quis religiosorum, ab Episcopo usque ad extremum ordinis Clericorum, siue Monachorum, generalia iuramenta in salutem Regiam, gentisque aut patrie data reperitur violasse voluntate profana, mox propria dignitate priuatus, & loco, & honore habentur exclusus.

Iam vero occasionem præbuit Patribus de hoc iuramento decernendi: quod in suspicionem tum veniebant Christiani de fidelitate sua erga Principes, atque quod aut æquiocatione in iuramento illo suscipiendo utebantur, aut saltem flocci non faciebant, seruarent necne semel susceptum; vt ex varijs eius Concilij sententijs elucescit.

^a Multarum quippe gentium, vt fama est, tanta extat perfidia animorum, vt fidelitatem Sacramento promissam Regibus obseruare contemnant, & ore simulent iuramenti professionem, dum retineant mente perfidia impietatem. Ac rursus; Iurant enim Regibus suis, & fidem quam

^a Concil.
Tol. 4.
Can. 74.

Ibidem.

quam pollicentur prevaricantur: nec
metuant. Volamen illud iudicij Dei
per quod inducitur maledictio multa-
que pœnarum comminatio super eos
qui iurant in nomine Dei mendaciter.
Adeundem modum loquuntur Pa-
tres Concilij Aquisgranensis; Si
quisquam Episcoporum, aut quilibet
sequentijs ordinis Ecclesiasticis, dein-
ceps timore, aut cupiditate, aut quali-
bet suasio, à Domino & orthodoxo
Ludouico Imperatore defecerit, aut
etiam Sacramentam fidelitatis illi
præmissum violauerit, & eius con-
trarijs malenolâ intentione se copu-
lauerit, gradum proprium canonici-
câ atque Synodali sententiâ amit-
tatur.

Nunc verò ut sigillatim eius epi-
stolæ respondeamus; Principiò,
quod attinet ad iucundam illam
memoriam veteris consuetudinis
cum Archi-presbytero, facile credo
non iniucundam ei accidere illius
recordationem. Illud interim est
mihi exploratissimum, consortium
eius cum illo atque cum cæteris ex
eodem

a Concil.
Aquis-
gran. sub
Ludou.
Pio, &
Greg. 4.
can. 12.
anno 836
...
...
...
...
...
...
...

eodem sodalicio huius Regni fugi-
 tius (de quo in primâ Præfatione
 Controuersiarum ad lectorem glo-
 riatur) nobis quidem, & huic genti
 satis acerbum extitisse. Quidam
 enim ex eo numero Sacerdotum &
 Iesuitarum, qui & ipsi præcipui pro-
 ditores erant, & proditorum gra-
 uissimarum fautores in nuper de-
 functam Reginam initarum, Pa-
 trem ^a Robertum Bellarminum tan-
 quam vnum ex præcipuis suis vel
 auctoribus vel oraculis celebrare
 non dubitauerunt. Itaque sanè non
 inuideo ei tantam gloriam, quam
 ex eo consequi potest, quod cum
 transfugis & proditoribus alieni
 Regis tam arctum consuetudinis
 vinculum intercedere sibi iactat:
 quos quidem si nihilo rectius insti-
 tuerit, quàm hactenus fecit, existi-
 mo socios eius eo nomine non mul-
 tum ei debere. ^{videturq. idcirco}
 Quod autem eum rogat, vt in
 precibus mentionem sui faciat ad
 altare Domini; Si Archi-presbyteri
 preces pro Bellarmino fusa non plus
 afferunt

Inno. 3.
 Iulph.
 Sal. Mart.
 Meha.
 Campi-
 anna &
 Harus.
 Vide col-
 loquium
 in Turre
 Londi-
 nensi ha-
 bitum,

afferunt subsidij eius animæ, quàm *Bellarmini*, quod *Blackuello* dat consilium, ipsius & animæ & corpori salutare futurum videtur, si id sequi velit, non magnam lacturam faceret auctor huius epistolæ, etsi *Blackuellus* pro eo nullus oraret.

Iam verò qui primus (quantum video) dato de Archi-presbytero nuncio *Bellarminum* beavit, is fuit, qui de eiusdem Archi-presbyteri tum comprehensione, tum appropinquante martyrio renunciauit. Magnum proculdubio argumentum mortificati Cardinalis animi, quòd gestiuerit ita & exultauerit comprehensione, vinculis, morte etiam appropinquante, tam chari, tamque vetusti amici. Sed oportuit prius constituisse, religionem causam fuisse horum suppliciorum, quàm martyrij eius expectatione tam vehementer triumpharet. Primum enim, quanam lege charitatis ei licuit me pro persecutore habere, antequam id Archi-presbyterium condemnatio, tum mors ipsa palam

*Charitas
Cardina-
lis.*

populo

populo comprobasset? Vnde resciret ille, non fuisse comprehensum Archi-presbyterum, quod affinis esset suspicioni proditoris pulveraria? Quis certus ad eum nuncius pervenerat, de rebus ipsi omnibus quæ Archi-presbytero obijcerentur? Postremo, quam diuinatione suâ prædicere potuit quo criminis accusandus esset? nam tum quidem nihil omnino ei obiectum fuerat. Quod si charitatem non oportet esse suspiciosam, quodnam illi tantum argumentum suppetebat, ut me persecutionis & tyrannidis indubitanter arcefferet, quod necessario de me innuendum erat, siquidem *Blackyellus* martyr erat futurus? Verum id omnino dici de *Bellarmino* iure potest in hac causâ, quod *Christus* Servator noster de omnibus mundanis & carnem sapientibus pronunciat, qui satis se fecisse putant, si amicos suos diligant, inimicos odio habeant: siquidem hæc ultra hanc metam Cardinalis se diffundit, charitas, quam ut ad suam sectam

Matth. 5.
43.

Matth. 5.
43.
43.

olugog

sectæ

sectæ homines tantum extendatur. Quantum enim redundavit superuacanea in eo erga *Blackuellum* charitatis dum futurum eius Martyrium contemplans latatur; tantum mihi detractum est non minus iniuste atque inhumanè; dum me pro cruento habet persecutore.

Quod autem hæc eius lætitia imminuta proximo nuncio & interrupta est; qui de constantia Archiepresbyteri in Iuramento recusando iam labefactatâ & prostratâ retulit; nulla sanè causa fuit vel prioris gaudij, vel huius recens oborti doloris, cum ex æquo utrumque falso fundamento nitatur. Nam ut mihi nunquam in mentem venit aliquid in *Blackuellum* statuere, ut nec in alium quenquam, conscientie causâ, hætenus feci: sic *Blackuelli* constantia non nutauit, nec in hoc suscipiendo Iuramento vacillauit, cum & nondum comprehensus id pro relicta semper habuerit; auctorque Catholicis omnibus fuerit, ne detrectarent: & post comprehensionem,

nem, nullam quæ fierit moram, nec
vllâ tergiuersione vsus fit; sed si-
mulac oblatum est libenter susce-
perit, tanquam quod legitimum ef-
se neutiquam ambigeret; idque nec
minis, nec blanditijs vllis admotis
ad eum persuadendum, vt & ipse
adhuc optimè testificari potest.

Quod ad modificationem iura-
menti & temperamentum attinet;
nisi fortè quòd res in se æqua & lici-
ta, æquis & moderatis verbis opti-
mè ei consentientibus descripta est,
non video cur hoc nomine Iura-
mentum reprehendat. Nulla enim
modificatio verborum, iure nomi-
netur *dolus & decipula Satanae*; cum
res ipsa tam luculenta sit, tamque
luculenter omnibus iuraturis expo-
sita, vt non aliud quicquam habeat
molestius, ijs verbis quæ adhiben-
tur in extremo, quibus æqui uoca-
tio vapulat, reseruatióque menta-
lis. Quæ quidem exotica doctri-
na à Pseudo-catholicis recens ex-
cusa meretur multò iustius stratage-
mâ Sathanae vocari, quàm in re cla-
râ

râ & temperatâ, clara & conspicua oratio.

Sed quid nos novis hisce *rusticis* dicemus, de quibus cum Satyro meritò queri possumus, quòd ex eodem ore & calidum simul spirent & frigidum? *Lutherum* enim omnèsque scriptores nostros præferuidos & paulò liberiores arguunt vehementer, quasi cerebrofos, & Diaboli instinctu locutos: nunc verò, si nos temperatiùs moderatiùsque loquamur, stratagema Sathanæ è vestigio nuncupatur. Meritò idcirco cum Christo conqueramur, quòd nec canentibus nobis saltant, nec moerentibus collachrymantur; adeoque; nec *Ioannis* seueritas, nec *Christi* lenitas ijs placere potest, qui adstruunt Monarchiæ suæ super basin traditionum suarum, & non ædificant Christo super fundamentum Verbi, & infallibilis Veritatis eius.

Sed quid illud sibi velit quod ita dictitat, Sathanæ versutiam ibi adhibitam, idque eo duntaxat fine, vt

D

fides

Matt. II.

17.

fides Catholica subuertatur, & *Petri* Primatus labefactetur; non possum equidem, nisi *Bellarmino* ipso utar interprete, diuinare. In vniuersâ enim hac epistolâ suâ, nusquam verbum ponitur, quo demonstret, Primatum Sancti *Petri* vllâ Iuramenti huius parte attingi, si modò nudam *Bellarmini* assertionem exceperis, quæ non est tanti, vt si omnis luculentior desit probatio, satisfacere possit conscientia cuiusquam vel mediocriter cordati. Ego enim, quantum mea mens assequi potest, sic statuo: non cælum à terrâ longiùs distare, quàm professio obedientia ciuilem erga ciuilem Regem, differt ab ijs omnibus quæ Catholicæ fidei aut Primatui Sancti *Petri* quoquo modo sunt affinia. Et enim ad Catholicam fidem quod attinet, ecquod verbum in toto Iuramento illo reperitur, quod religionis causam aut spectet, aut sonet? Nū qui iurat in ea verba, se aut crediturum, aut nō crediturum, aliquem Fidei articulum profiteretur?

Num

In Iuramento
Fidelitatis nulla
decisio
causarum religionis
contineatur.

Num vel omnino ibi aut veræ aut falsæ Ecclesiæ nomen attingitur? Rursus quod spectat ad Sancti *Petri* Primatum; nescio cuius Apostoli ibi nomen nominetur, excepto *Iacobi* nomine, quo Cardinali non placuit in totâ epistolâ me compellare; cum tamen ea quæ scribit eiusmodi sint, quæ me non leuiter tangant modò, sed grauissimè feriant. Vllâne denique illic mentio fit, aut disertis verbis, aut indirectè vel Hierarchiæ Ecclesiasticæ, vel successionis, vel sedis Apostolicæ Sancti *Petri*, vel consimilis rei cuiuspiâ? Nisi quòd auctor epistolæ huius egregiè meminit successionis Sancti *Petri*, eamque cum successionem comparat *Henrici octani*; cuius comparationis & ineptæ & petulantis atque procacis, miror eum non puidisse. Quod enim attinet ad successorem Regis *Henrici* (quibus verbis me denotat) equidem, sicut nec adhuc feci, nec postea facturus sum, vt nouum quempiam Fidei articulum condere, aut de aliquo Fi-

*Longè
facilius
probatio
est, me
Maiori-
bus meis
successis-
se, quàm
Papam
sancto
Petro.*

^a Bellar.
de Roma-
no Pont.
lib. 2 cap.
12.

^b Idem
de Rom.
Pontif.
lib. 4. c. 6.

^c Idem de
Romano
Pontif.
lib. 2. c. 14.

dei articulo iudicem me constitue-
re præsumam, sed exemplarem obe-
dientiam præstabo, & omnibus Fi-
dei articulis me submittam, non
minori cum humilitate & mode-
stiâ, quàm quiuis Subditorum vel
infimus: Sic si Pontifex æquè facile
probare posset, se vel à personâ, vel
à doctrinâ, Sancto Petro succedere
atque ego continuâ serie Regum
Angliae Scotiæque hæreditarium
Successorem me probauerim; nun-
quam negotij tantum, neque tu-
multus fuisset eâ de re in orbe Chri-
stiano excitatum; nec ipsi *Bellarmino*
opus fuisset tantum chartæ com-
maculâsse de summo Pontifice dis-
putanti in voluminibus illis ingen-
tibus Controuersiarum; & demum
concludere cum ^a morali quadam
certitudine tantum, & cum illo suo
^b *Piè credendum*; introductis etiam
^c Pontificum ipsorum, quorum ta-
men causâ agitur, autoritatibus
in testimonium, qui certè tanti pon-
deris non sunt vt eorum histori-
ca narratio, articulus nostræ Fidei
esse

esse mereatur. Illud interim citra arrogantiam affirmare posse videor, me ad maiorum meorum res præclare gestas propius accedere, quàm de hodiernis Pontificibus probari facile posset, *similes esse Petro*, præsertim in Regibus anathemate percellendis, & subditis à fide suâ erga Principes absolvendis.

Sed ad firmissimum eius argumentum accedimus; quod in eo positum est, ut mihi Panicum terrorem affingat, ac si frustra metuerem. ait enim Cardinalis, *Non est unquam auditum ab initio nascentis Ecclesie usq; ad hac nostra tempora, quòd ullus Pontifex, Principem vllum, quamvis Hæreticum, quamvis Ethnicum, quamvis persecutorem cadi mandauerit, aut eadem fortè ab aliquo patrata probauerit.*

Verùm primò, cur volens & de industriâ hic præterit reliquos articulos iuramento illo comprehensos; puta depositionem, abdicationem, incitationem ad arma, rebellionem

*Argu-
mentum
Cardina-
lis maxi-
mè pon-
tificium.*

lionem denique contra Reges, quæ omnia non minùs quàm cædes, illo in Iuramento memorantur? Quippe cum hæc omnia eòdem tendant, & quatenus à subditis tentantur contra Regem, nihil differant; cum nemo tam teneræ & scrupulosæ conscientiæ subditus existat, qui si alterum effecerit, alterum si quidem vires suppetant, sit recusaturus. Neque tamen irasci ei possum, quòd rem tacitus præterierit, cum aliter effugere nullo modo potuerit quin liquidò & apertis verbis sibi ipse contradiceret, quod nunc re tantum, & ex consequenti facit. De depositione enim Regum & abdicatione per Pontificem, ita se magnificè venditat in libris suis Controversiarum, ut hîc negasse non esset liberum, nisi cum honestate pudorem exuisset.

*Bellar. de
Romano
Pontif.
lib. 5. cap.
8. & lib.
3. cap. 16.*

Sed ut redeamus ad cædes Principum à Pontificibus approbatas; nescio quâ fronte, hoc contra quàm ipse nouit, tam audacter inficietur. Quàm multis enim Imperatoribus bellum

bellum à Pontifice excitatum est intra sua ipsorum viscera? Qui cum essent victi in prælio, eâ conditione erant, vt & occidi possent: quod si contigisset, non potuisset (opinor) Pontifex illud non approbâsse, qui ita succensuerit ^a *Henrico Quinto*, quòd patris sui corpus mortui sepe- liuerit, postquam eum ^b Pontifex ad rebellandum contra patrem incitâisset, & auctor ipsi cladis fuisset. Sed veteres has historias ipsi *Bellarmino*, eiusque libris relinquentes, in quibus abundè, vt dixi, & authenticè descriptæ sunt; ad nostra tempora oculos conuertamus, in iis- que recordemur Panegyricam orationem à Pontifice habitam in conclau- ui: in quâ laudes & ipsius sceleris celebrat & Monachi, qui *Henricum* Regem Christianissimum istius no- minis tertium vitâ priuauit: qui Rex tamen tam longè absuit, vt aut hæ- reticus, aut ethnicus, aut persecutor opinione illorum esset; vt Pontifex ipse in illâ oratione de eo pronūciat hæc verba, *Quòd verus monachus fi-*

^a *Go-*
frid. Vi-
terb Hel-
moldus,
Cuspin-
anus.
^b *Pa-*
chalis
11.

Vide O-
rationem
Sixti
Quinti,
quam
habuit in
Consisto-
rio super
morte
Henrici
111.

etum occiderit. Præterea ac si satis nõ fuisset idem scelus oratione tam vehementi, & congratulatione illustrasse; quàm parum absuerit, quin parricida Monachus in numerum Diuorum propter hoc suum tam gloriosum facinus referretur, *Bellarmino* eiusque sodalibus notius est, quàm mihi: Tamen hoc mihi notum est, quòd nisi quidam è Cardinalibus in illo negotio, maiore prudentiâ & circumspectione vñ fuissent, quàm ipse Pontifex; fasti ipsi Pontificij, in quos relati sunt Diui, nobis tacentibus, *Bellarminum* manifesti mendacij coarguissent.

Ac vt propiùs adhuc ad nosmetipsos accedamus; quàm multa molimina & insidiæ contra Reginæ nuper defunctæ vitam comparatæ sunt, quæ omnia expressè per Confessarios suos nefarijs illis proditoribus, approbante Pontifice, imposita sunt & iniuncta. Ad quam veritatem confirmandam, non est opus alio argumento; quàm quòd nullus Pontifex ex eo tempore vñ
que

que ad hodiernum diem, quenquam Ecclesiasticum in quæstionem vocauerit, quòd tam sceleratis coniurationibus se immiscuerit. Immo sanctus ipse *Sanderus*, is cui *Bellarminus* in suis literis tantum honoris tribuit, hoc, si viueret, esse verissimum comprobaret: cuius libros qui perlegerit, non alià doctrinà, quàm hac ipsà, refertos inueniet. Et quòdnam discrimen sit, Regemne quis occidat, aut occisum ab alijs approbet, vtrum auctor, an hortator occidendi ipse sit; denique vtrum alios ad eadem incitet, an incitatis annuat; has & huiusmodi distinctionum subtilitates *Bellarmini* ipsius iudicio remittimus. Ex hisce tamen quæ diximus manifestò apparet, quàm mirè huius hominis impotentia & affectus eum transuersum abripuerint, & tali contradictione se irretire atque implicare coegerint, vt & suæ notitiæ ac conscientiæ, testimonijs tot librorum suorum, & denique huius temporis apertissimæ consuetudi-

tudini aduersetur.

Verum quis miretur ipsum sibi in hac causa contradicere, cum ingentia illa volumina contradictionibus vndique sint referta? quas cum ipse, aut alius quispiam conciliare potuerit, tum deinde hanc quoque impudentissimam inficiationem (de Pontificibus nihil unquam contra Principes tentantibus) quam adhibet in epistolâ, cum superioribus eius libris (vt antè diximus) facile conciliari posse credam.

Iam verò ne & illum imitari videar, ea temerè affirmans quæ nusquam probem; ad ipsius libros & locos quos hîc describam, lectorem ablegabo, vt de contradictionibus hominis, libri ipsi sine me testificentur.

In libris suis de ^a Iustificatione affirmat quod propter incertitudinem propriae iustitiae, & periculum inanis gloriae, tutissimum est fiduciam totam in solâ Dei misericordiâ & benignitate reponere.

^a Bellar.
de Iustif.
li. 5. cap. 7

Quæ

Quæ eius ^a assertio è regione contraria est toti tractationi, & quinque illorum de Iustificatione librorum instituto, in quibus tamen libris, ea quæ iam citavi verba continentur.

^b Deus non inclinat hominem ad malum, neque physicè, neque moraliter.

Mox contrarium affirmat, quòd ^c Deus inclinat quidem ad malum, non physicè, sed tamen moraliter.

^d Episcopos Apostolis succedere, Presbyteros autem septuaginta Discipulis, docent constanter omnes Patres.

Sed & contrarium affirmat, quòd ^e Episcopi non propriè succedunt Apostolis.

^f Iudas, inquit, non credidit.

At contradicit alibi: ^g Iudas iustus fuit, & certè bonus.

^h Observatio Legis secundum substantiam operis requirit, ut sic Præceptum observetur, ut peccatum non committatur, & non fiat homo reus ob Præceptum non impletum.

Contrà,

^a Contra omnes quinque libros suos de Iustificatione.

^b Bellar. de amiss. gratia & statu peccati. lib. 2. cap. 13.

^c Ibidem paulò post.

^d Bellar. de Clericis lib. 1. cap. 14.

^e Bellar. de Pont. li. 4. c. 25.

^f Idem de Pont. li. 1. cap. 12.

^g Idem de Iustif. lib. 3. cap. 14.

^h Idem de Gratia, & libero arb. li. 5. cap. 5.

^a Ibid. c. 9

^b Idem de
Pont. lib.

4. cap. 3.

^c Idem de
Iustif. lib.

3. cap. 14.

^d Idem
de Rom.
Pontif.

li. 3. c. 14.

^e Idem
ex sen-
tentia

Hippolyti

& Cyrilli

& cap. 12.

eiusdem
libri.

^f Idem de

Missa li.

1. cap. 27.

^g Bellar.

de Missa

li. 2. ca. 11

^h Idem

de Christi

anima

li. 4. cap. 5

ⁱ Idem de

Rom.

Pontif.

li. 3. ca. 17

Contrà, ^a Sciendum est, non esse omnino idem, facere bonum morale, & observare Præceptum secundum substantiam Operis : potest enim servari Præceptum secundum substantiam Operis, etiam cum peccato.

^b Petrus non amisit eam fidem, quâ corde creditur ad iustitiam.

Contrà, ^c Petri peccatum fuit lethale.

Antichristus ^d Magnus futurus est, & more aliorum Magorum occultè Diabolum ipsum adoraturus.

At contrà, ^e Abhorrebit ab idololatriâ, execrabitur atque oppugnabit idola, denique templum denuò adificabit.

^f Verbis consecrationis, vera & solennis oblatio celebratur.

Contrà, ^g Sacrificij oblatio magis in re quàm in verbis consistit, & illa actio quâ corpus Domini super altare ponitur, vera & realis oblatio est.

Mundi ^h finis non potest sciri.

Contrà, ⁱ Post Antichristi mortem non futuri sunt nisi quadraginta quinque dies, usque ad mundi finem.

^a Decem

^a *Decem Reges comburent purpuream meretricem, id est, Romam.*

Contra, ^b *Antichristus Romam odio habebit, & pugnabit contra eam, & comburet.*

^c *Duobus modis intelligi potest nomen vniuersalis Episcopi: vno modo, vt ille qui dicitur vniuersalis intelligatur esse solus Episcopus omniū vrbium Christianarū, ita vt ceteri nō sint Episcopi, sed Vicarij tantū illius, qui dicitur Episcop^o vniuersalis: quo sensu Papa nō est vniuersalis Episcopus.*

Contra, ^d *Omnis ordinaria iurisdictio Episcoporum descendit immediate à Papā, & est in eo, & ab eo in alios derivatur. Quos ego paucos è multis consimilibus selegi locos, vt prudens lector ex vngue Leonem dignoscat. Hoc enim in Bellarminianis scriptis, inter legendum sæpius obseruaui, cum quotiescunque grauiori aliquā obiectione premitur, quæ ipsum vellicet & pungat, nihil morari, nec meminisse, vtrum argumenti solutio, doctrinæ suæ alibi traditæ sit contraria, dummodo ei*

pro

^a *Idem de Pontif. lib. 3. cap. 13.*

^b *Ibidem.*

^c *Idem de Rom. Pontif. lib. 2. cap. 31.*

^d *Idem de Rom. Pontif. lib. 4. cap. 24.*

pro tempore inseruiat, & effugio esse possit, quò præsentem procellam declinet.

Nunc autem vt eò redeamus unde digressi sumus; *Neque enim*, inquit, *auditum est unquam ab initio nascentis Ecclesie vsque ad hæc nostra tempora, quòd ullus Pontifex Maximus Principem ullum quamuis hereticum, quamuis Ethnicum, quamuis persecutorem cedi mandauerit, aut cadẽ fortẽ ab aliquo patratam probauerit. Et cur quaso vnus Rex Angliæ timet quod ex tot Christianis Principibus nullus timet, nullus timuit? Quid audio? Nulline vnquam Imperatores, aut Reges Christiani sibi met à Pontifice timuerunt? Quomodo igitur miseri Imperatores isti, quos iam dicam, inquietati sunt per Pontifices atq; iactati, tandem etiam penitus per eosdem subuersi perierunt? In cuius rei testimonium, iamdudum citavi Bellarmini libros. Nunquid non timuit ^a Imperator ille, qui ^b triduum expectauit ad ianuam Pontificis*

^a Henri.
iv.
^b Abbas
Vesper.
Lamb.
Schafn.
Anno
1077.
Platin.
in vita
Greg. vii.

Pontificis summo gelu & niuibus,
 antequàm ei aditus pateret? Nun-
 quid & ille ^a Imperator non timuit,
 qui ^b pronus in ventrem procubuit,
 dum alius Pontifex ceruices ei con-
 culcaret? Quid? Ille etiam ^c Impe-
 rator parùmne timuit, cui tertius
 quidam Pontifex Regni ^d Diade-
 ma de capite pedibus deturbauit?
 Annon & ^e *Philippus* timuit, de
 quo, cùm Imperator inuito *Inno-*
centio tertio creatus esset, Pontifex
 in hanc vocem erupit, *Aut Pontifex*
Philippo Diadema, aut Philippus
Pontifici insigne Apostolicum adi-
met? Quo dicto, Pontifex *Otthonem*
 in eum incitauit, qui eum postea in-
 terimendum curauit. *Ottho* autem
 cæde factâ *Romam* venit, & Impe-
 rator à Papâ inauguratus est, quam-
 uis postea ab eodem, imperio etiam
^f deiectus. ^g *Fridericus*annon ti-
 muit, cùm eum *Innocentius* excom-
 municaret, regno priuaret, princi-
 pes à iuramento fidelitatis ei dato
 absolueret, deniq; in *Apuliâ* quen-
 dam subornaret, qui eum veneno
 extin-

^a *Frideri-*
cus Bar-
barossa.
^b *Nau-*
cler. gene-
rat. 40.
Iacob.
Bergo. in
supple.
Chron.
Alphonf.
Ciaccon.
in visa
Alexand.
 III.
^c *Hen-*
ric. VI.
^d *Rog.*
Honedin
Richa. I.
Ranulph.
in Poly-
chrō li. 7.
^e *Abbas*
Vrsh. ad
an. 1191.
Naucler.
gener. 40.
Cuspin. in
Philippo.
^f *Abbas*
Vrsh.
^g *Manb.*
Parif. in
Henric.
 III. *Pe-*
trus de
Vincis
Epist. L. I.
 & 2. &
Cuspin. in
Frider. II.

^a *Vita*
Frideri-
ci. i. *Ger-*
manicè
conscrip-
ta.

^b *Fride-*
ricum
Barba-
rossam.

^c *Paulus*
Iovius
Histor.
lib. 2. Cn-
spinian.
in Baia-
zet. 11.
Guicci-
ard. Hist.
Ital. li. 2.

^d *Rog.*
Hoved.
pag. 308.
Matt.
Paris. in
Henrico
11. Wal-
singham
in Hypo-
dig. New-
serie Io-
an. Cap-
gravius.

extingueret? Quo tamen hausto
cùm conualuisset, conduxit *Man-*
fredum filium eius nothum, qui ve-
nenum ei daret; quo sumpto mor-
tuus est. Quid autem ^a *Alexander*
tertius scripsit *Sultano*? Vt si absq;
molestiâ vellet viuere, aliquâ ratio-
ne tollendum de medio ^b Impera-
torem curaret: quâ gratiâ misit ei
Imperatoris imaginem picturâ ex-
pressam. Quid ^c *Alexander* ille sex-
tus? nōne ducenta millia aureo-
rum à *Baiazete* Turcâ accepit, vt eâ
mercede fratrem eius *Gemen* vel
(vt quidam appellant) *Sisimum* ne-
caret, quem *Rome* tum captiuum
tenebat? nōne conditiones obla-
tas amplexus est, & peractâ cæde
pecunias accepit? Quid ^d *Henricus*
noster eius nominis secundus? nō-
ne timuit post occisum *Thomam*
Becketum? qui præterquam quod
nudis pedibus religionis ergo pe-
regrinatus est, virgis etiam poenas
in Sacratio, tanquam in scholâ puer
dedit; letus, quod nihil grauius pa-
teretur. An non timendi causa fuit
Regi

Regi *Ioanni* Regis *Galliarum* qui nunc est proauo, cū regnum *Nauarra*, quod ipsius iure fuerat, ^aPontifex ab eo in *Hispanum* transferret, cuius regni dimidiū Rex *Hispanus* hodiēque obtinet? Annon is qui nunc regnat pronepos eius, iure timuit, cū se ab excommunicationis vinculis relaxari tam suppliciter obsecraret, vt Legatum suum *Romæ* virgis cædi, pœnitentium more, passus sit? Quid? *Elizabetha* Regina, nōne erat quod sibi caueret, cū à *Pio* Quinto excommunicata est, subditi eius à fide & obedientiā quam ei debebant absoluti, Regnum *Hibernia* ab eā ad Regem *Hispania* translatum, ac denique nobilis ille fugitiuus Theologus, & purpureo vt nunc *Bellarminus*, galero decoratus, non est veritus *Stanleiana* proditionis ^b apologiam publicare, in quā illud defendit, quod quandoquidem excommunicata esset Regina & Hæretica, non solum liceret iam eius subditis, verumetiam conscientiaē nexu

^a *Gome-
cius de
reb. gest.
Franc.
Ximenij
Archie-
pisc. To-
los. lib. 5.*

^b *Respon-
sio Card.
Alani ad
litteras
Stanleij
Anno
1587.*

nexu tenerentur, nudare eam omni
quo possent præsidio, & siue exer-
citus, siue oppida, siue arces & pro-
pugnacula eius obtinerent, Regi
Hispano hosti tradere, Reginâ iam
nihil habente proprium aut suum?

Nam etiamsi verum sit, sapientes
alieni periculi exemplo proposito
excitari vt sibi caueant, sibi que pro-
spiciant, iuxta tritum illud sermone
prouerbium,

*Tunc tua res agitur, paries cum pro-
ximus ardet :*

mihi tamen periculum in Perso-
nam meam intentatum stimuli, vel
potius classici cuiusdam canori, in-
star fuit, vt cauerem. Primò quidem
Bullarum promulgatione excita-
tus, quarum memini suprà, quibus
omni sum Regni, sceptrique aditu
prohibitus. Deinde vbi intrâui, ple-
namque possessionem adeptus sum,
horrendâ illâ Coniuratione pulue-
rariâ, quæ me meosque omnes, &
Regno & vitâ penitus spoliatura
fuiſſet. Vtut autem Pontifex omni
ratione se purgare laboret, quò mi-
nùs

nus eius adminiculis fulta coniuratio illa fuisse videatur; tamen negari non potest, primarios eius in hoc Regno administratos, & præcipua mancipia Iesuitas, ipsissimos illius auctores & duces extitisse. Quorum is qui Princeps fuit cohortis, mortuus est in confessione facinoris; alios conscientia egit in fugam: nonnulli etiam in ipsam Italiam penetrârunt. Neque tamen, aut illi, qui Regnum hoc fugâ deseruerunt, aut *Baldwinus*, qui quamquam substitit in *Belgio*, laborauit tamen nihilominus conscientiam sceleris, vnquam sunt in ius à Pontifice vocati, nedum poenâ ab eo affecti, quod in tam turpe & nefarium facinus consensissent.

Quæ cum ita sint, quid istâ opus est vel admiratione, vel exclamatione, *Vnus Rex Angliæ timet quod ex tot Christianis Principibus nullus timet, nullus timuit?* Quasi verò eloquentiam suâ præpotente efficere posset, vt aut ego, aut fideles mei subditi non credamus sensibus nostris, solem

solem meridie lucere negemus; nec
verò ad illius iam incantationes
cum serpente, sed ad euidentem &
conspiciuam rerum veritatem aures
obturemus. Neque tamen quan-
tumcunque stupens miretur, Pani-
cum hunc terrorem esse quo labo-
ro, vnquam euicerit. Egone à Papâ
meam aliquando securitatem fla-
gitauì? Numquid alios Principes
Christianos amicos meos & neces-
sarios cohortatus sum, vt Papam
pro me interpellarent? Vllâ me
opem aut præsidium ab ipsis vn-
quam emendicaui, quò incolumita-
ti meæ consuleretur? Nihil minus:
adeoque totum hoc quod *Bellarmini-
us* tantopere miratur, & quod tan-
quam inauditam timiditatem exa-
gitat, eò tantum tendit, vt quod sa-
pientis est Pastoris, oues ab hædis
in meis pascuis discriminem. Nam
cùm illud constet, siue Pontificis a-
liquæ partes in proditione puluera-
riâ, siue nullæ fuerint; tamen nefa-
rios parricidas, qui pœnas dede-
runt, vsque ad mortem suam pro-
fessos

fectos esse, zelum duntaxat religionis causam sibi fuisse tam diri facinoris aggrediendi: imò cum nonnulli ex ijs, ne in morte quidem adduci potuerint, vt veniam criminis, aut à Deo, aut à meipso peterent, aliosque è socijs suis ad parem constantiam animarint; an non magna causa fuit mihi & Ordinibus Regni, hoc oblato Iuramento, subditos bonos à perditis, tanquam notà quadam, discernendi? Imò verò internoscendi inter illos ipsos è Papistis, qui quauis incensi essent studio religionis suæ, tamen alioqui boni ciues & probati erant; atque illos, non quidem homines, sed furias & faces infernales, qui ijsdem principijs imbuti videbantur, quibus ipsius proditionis Principes erant innixi? Imò, quidnam à Rege benignius, (absit verbo iactantia) fieri potuit erga contrariæ religionis secteq; homines, quàm vt hoc interposito Iuramento, fidem suam & integritatē in ciuilibus negotijs Regi sponderent, atque ita crimen illud

&

& graue dedecus eluerent, quo omnes illarū partium Professores premebantur noxâ & contagione eorum, qui puluerarium parricidium conflagrant?

*a Nazian.
in Iulian.
in uelut
primā.*

*Diffimilis
similitu-
do Cardi-
nalis.*

Quòd autem illustrat inuictum illud suum argumentum, adductā per similitudinem ^a *Iuliani* Apostatæ historiā, illiūsque ratione agendi cum Christianis, cū in eas angustias illos concluderet, ut aut Idololatriā, aut proditione se illaquearent; vellem meminisset hic noster Auctor, quanquam cuius similitudini concessum esse aiunt, ut vno pede claudicet: tamen hanc similitudinem perperam omnino electam, ut quæ & pedibus, & manibus, & omnibus omnino membris capta sit. Ostendam enim, idque paucis, ne hilum quidem congruere cum præsentī instituto, præterquam in eo, quòd *Iulianus* Imperator fuit; ego, in quem hæc conferuntur, Rex. Principiò, *Iulianus* fuit Apostata, totique fidei Christianæ renunciauit, quam olim professus fuerat, & denuò

denuò in Ethnicum, vel potiùs in Atheum conuersus est: Ego Christianus sum, nec vnquam eam quam propemodum cum lacte imbibi, religionem deserui, nec me professionis meæ aliquando puduit. *Iulianus* Christianis infestus fuit, tantummodo quòd in confessione causæ Christi perstarent: Ego hac in re cum subditis agens, id tantum specto, vt nota extet aliqua, quâ distinguere possit inter subditos fideles & perfidos. *Iuliani* finis fuit Christianorum euersio: Mihi finis non alius, quàm Fidem Christianam in tranquillitate atque otio tueri. *Iulianus* eò tendebat, vt homines impelleret ad idololatriam: Ego eò tantum, vt subditos meos alliciam ad manifestam professionem naturalis fidei, ac ciuilis obedientiæ hanc velut tesseram obsignandam. *Iulianus* eam rationem præ cæteris inuit, vt subreperet incautis, & non cogitantes irretiret: Tota mea hac in re ratio, plana est & euidentis, omnique obscuritatis integumento vacat. Si quidem

quidem nulli vnquam eorum qui ad iurandum vocarentur, deliberrandi, commentandique de eo in quod iuraturus esset tempus negaui. Et, si quis fortè interpretationem requireret, eam quæ iure cuius satisfaceret, admisi. Sed summa dissimilitudo in eo vertitur, quòd *Julianus* eos impulit ad Idololatriam, statuis imaginibusque colendis: Ego, omnesque mei subditi, qui de religione iuxta mecum sentiunt, tam longè absumus ab hac culpâ, vt à vobis hæretici vel eo nomine censeamur, quòd ab idololatriâ patranda tam longè refugiamus: adeò vt in eo quod præcipuum est, præcipua etiam cōtrarietas existat. Nam *Julianus* persecutionē mouit Christianis, propterea quòd idololatriam nollent committere: Ego autem à vobis pro persecutore habeor, quòd idololatriam nolim admittere. Vt ergo concludamus hūc locum, rectè omnino quadrat in *Bellarminum* tam ineptâ similitudine vtentem, vetus illa sententia, *Perdere*

Perdere quos vult Iupiter, hos demeritat.

Itaque non sequitur eius conclusio illa tam aliena à charitate, sibi videri eā *frange compositum esse hoc iuramentum, ut nemo detestari proditionem in Regem, civilēque subiectionem profiteri possit, quin & Primatum sedis Apostolica perfide abnegare cogatur.* Sed quoniam modo delirum hoc figmentū ex eius cerebro enatum sit, non possum perspicere. Id enim intelligo, quod & sæpe dixi, nunquam cum hoc probare vel conari quidem: imaginationi autem occurrere quæ nullā nititur probabilitate, est cum euanidā umbrā velle luctari. Id quidem nemo negat, Christi servos permultos tam Sacerdotes quàm alios, genus omne tormenti constanter pertulisse, atq; adeò mortem ipsam pro Christi confessione oppetisse. Itaq; exemplis eius omnibus, quæ pro huius rei confirmatione adducit, non aliter mihi nunc opus est respondere, quàm si monuero Sophistæ partes

ab ipso actitari in his omnibus exemplis constantiæ martyrum inculcandis, dum *Controuersum* semper accipit *pro confesso*; quasi nihil inter illam causam & hanc nostram interesset.

Sed tamen quò faciliùs lector cognoscat, non solum quàm ineptè similitudines illas adhibeat, verum etiam quàm turpiter in locis omnibus quos citat sese gerat: non alienum putauì loca ipsa describere quæ ab eo citantur, vnà cum breui pericope quadam genuini status particularium causarum ijs locis comprehensarum. Ex quo facilè manifestum fiat, quàm parum hæc exempla causam nostram attingant; immò verò è contrario, quàm præclarè instituto nostro inseruiat vera eorum sententia, sic vt ea tanquam tela retorquere iure possimus in illum ipsum qui intorsit.

*2. Macc.
6. 18.
Responsio
ad exem-
plum de
Eleazaro.

Ac primò quidem quod **Eleazarum* attinet, si Archi-presbytero ratio esset recusandi Iuramentum à Rege oblatum tam bona tamq; iusta,

fla, quàm fuit *Eleazar* cur à porcinis carnibus gustandis abstineret; adhiberi à Cardinale non sanè in-scitè posset hoc exemplum, ad suum institutum comprobandū. Nam vt *Eleazarus* Scriba fuit primarius; sic Archi-presbyter primarius Sacerdos est. Vt *Eleazari* exemplum permagnam vim habuit ad iuniōres Scribas animandos vt Legem seruarent, vel si ille simulatè comedisset, vt eos quoque ad simulationem instrueret; sic exēplum Archi-presbyteri plurimum valet, vt inferiores Sacerdotes vel ad suscipiendum Iuramentum hoc alliciat, vel etiam à suscipiendo deterreat. Sed cū fundamentum malum sit ac vitiosum, ædificium superimpositum non potest vllō modo esse diuturnum. Quod enim exemplum, quæso, reperitur in vniuersā sacrā Scripturā, quo recusatio Iuramenti à Rege oblatis, vel detrectatio obedientiæ erga Regem præstandæ, stabiliatur? Posset autem Cardinalis, si vellet, reminisci, quòd cū

ab Ecclesiâ lex fertur, verbi gratiâ de carnibus per certos dies non gustandis, qui obtemperare legi delectat, cum iustam Ecclesiæ censuram incurrere. Quod fructu comparatos esse homines oportet, ut emori omnino malint, quàm vel minimam ex ceremonialibus Dei legibus infringere: & macerare corpus potius, quàm positivâ Ecclesiæ legem violare; nōne vicissim eam veniam daturus est Archipresbytero, ut & animam suam à peccato, & corpus à supplicio purum intactumque custodiat, politicis Regis legibus observandis? Nōne concedet, ut bono quasi præluces exemplo, firmam in nobis opinionem ingeneret fore ut similem obedientiam sacerdotes inferiores pari alacritate præstent? Atque hæc, ut mihi quidem videtur, applicatio non paulò rectius congrueret cum exemplo Cardinalis.

a 1. Sam.

14. 24

Sed tamen causam non video quare Cardinali memoriam non refricem, de alio à iuramento quodâ à Rege

Rege olim populis suis imposito, quo & suam ipsius vitam in discrimen adduxit, & totius exercitus salutem periculo exposuit: cum manè populum iurare cogeret, se cibi nihil sumpturos ante noctem; cuius Iuramenti observationem adeò rigidè postea exegit, ut filius eius natu maximus *Jonathan*, Regniq; hæres, vitam propè amiserit, quòd contra eam legem fecisset, paululumque mellis summâ virgâ gustasset; etsi ille quidem nesciebat talem aliquam omnino legem latam. Et nostrum hoc Iuramentum, præsertim tam iustâ premente occasione natum, pro certâ meâ meorumque posterorum incolumitate, quo populus arceretur ne amarum illud poculum Antichristianarum scortationum ita ebiberet, quin tantulum modò mellis in cordibus retineret, quantum satis esset ad arguendum, eos desponsatos mihi manere in coniunctissimo illo obedientiæ vinculo; hocce, inquam, Iuramentum nostrum à vobis ad

infernòs vsque amandabitur, & Sata-
næ iam stratagema dicetur? Nihil
addo, si priùs tamen hoc dixerò;
fortem à Deo datam ad illud Iura-
mentum *Saulinum* tum sancien-
dum, & vestrum hoc iudicium, quo
hoc nostrum Iuramentum infaman-
dum censuistis, non ex eodem vtra-
que gremio prodijisse.

*Theodo-
ret. lib. 4.
cap. 19.*

*Responsio
ad ex-
empl. de
Sancto
Basilio.*

Venio iam ad eius exemplum de
Basilio, adeò scilicet, vt ille præ se
fert, causæ suæ accommodatum.
Primò autem obseruandum hîc est,
si Cardinalis vsitatum & familiare
sibi artificium omitteret, quo in
omnibus vtitur citationibus, quòd-
que in eo consistit, vt siquid pro ip-
so facit assumat; relinquat, siquid
aduersatur & officit: & auctoris
sensum non minùs quàm verba as-
ferret, haud ita difficile nobis foret,
antiquis Patribus quos contra nos
profert, respondere. Exemplum e-
ius quod dico petamus, si placet, ab
hoc ipso loco: Si verbis *Theodoreti*,
quæ hîc citat, sequentia attexuisset,
in eam sententiam proximâ planè
lineâ

lineâ incurrisset, quæ non paulò maiores vires habet ad hortandum Archi-presbyterum vti Iuramentum suscipiat, quàm ad dehortandum ac deterrendum. Sequitur enim verbis omnino proximis, *Imperatoris quidem amicitiam magni se pèndere cum pietate; quâ remotâ perniciosam esse dicere.* Sed vt omnes dispiciant vtrî nostrum plus fauceat præsens hic locus, mihiue, an illi; auctoris consilium paucis aperiam.

Valens Imperator, vt qui esset *Arrianus*, cum instigante vxore Ecclesias omnes Pastoribus suis nudâset, *Casarêam* venit; quem locum Sanctus tum ^a *Basilius* regebat Episcopus, qui, vt habet historia, lumen orbis terræ habebatur. Antequam autem eò veniret Imperator, ^b misit Præfectum suum, qui Sanctum *Basilium* verbis induceret, vt cum *Eudoxio* (^c qui Episcopus *Constantinopolitanus* tum fuit, princepsque *Arrianæ* factionis) communionem seruare vellet: si verò renueret, non dubitaret rectâ eum pellere in exilium.

^a Theod.
Libr. 4.
cap. 19.

^b Modestum, vt
Nazian.
cum vocat in
orat. sua
de morte
Basilij.
^c Vide
cap. 12.
eiusdem
libri.

exilium. Hic præfectus Imperatoris cum *Casariam* venisset, *Basilium* ad se accersitum honorificè tractavit, blandè allocutus est, denique rogavit ut tempori cederet, neve utilitatem tot Ecclesiarum periclitari sineret tenui exquisitione dogmatis. Porro & de Imperatoris gratiâ conciliandâ benignè ei pollicitus est, operamque suam obtulit, si quid esset in quo gratificari ipsi posset. Respondit ad hæc omnia *S. Basilus*, *Illecebras has sermonis esse, & pueris quidem capiendis idoneas inhiantibus ad palpum: Illos verò qui Divinis innutriti essent literis, nunquam omnino pati posse, ut earum una syllaba in discrimen veniret, adeoque si opus esset, nullum genus mortis pro illis subeundum recusaturos. Imperatoris quidem amicitiam magni se pendere cum pietate; illam remotam, perniciosam esse.*

Sic se habet veritas historię. Iam verò comparet qui vult causam Sancti *Basilij* cum causâ Archipresbyteri: *Basilus* illectus est ut
Arrianis

Arrianis consentiret; *Lis* nulla mota est *Archi-presbytero* de caussis fidei. *Basilius*, nisi verbum ei *Diuinum* obstitisset, *Imperatori* libens obtemperasset : Cum *Archi-presbytero* illud agitur, vt obtemperare non nolit, quandoquidem id ab eo verbum *Dei* exigit. *Basilius* permagni fecit gratiam *Principis*, si saluâ pietate eam promereri potuisset : *Archi-presbyterum* hortatur *Cardinalis*, vt eam reiiciat, etsi consentaneum pietati sit, vt amplectatur. Sed vt nihil planè non tentet, quò miserum *Archi-presbyterum* obruat & pessundet; non satis habet constantiæ & fortitudinis præcepta ei decantare, propositis, *Eleazari* & *Basilij* exemplis, nisi lapsum eius comparans cum lapsu *Sancti Petri*, itémque *Marcellini*, penitus eum exanimet. Quorum quidem duorum, *Petri* inquam, & *Marcellini*, longè formidolosissima fuit conditio, (si vtriusque personas & gradus spectes) ex omnibus qui aut in *Scripturæ diuinæ voluminibus*

Expenditur Bel-
lerminiana æqui-
paratio lapsum
S. Petri
& Mar-
cellini cū
Archi-
presbytero
facto.

occurrunt, aut in Ecclesiasticâ totâ historiâ memorantur. Alter enim vnicum verum Deum abnegavit: alter Dominum & Seruatorem nostrum *Iesum Christum*. Alter idolis immolauit profanæ Gentilitatis more: alter cum Iudeis contumacibus Dominum & magistrum suum eiuravit. Quòd nisi id agit Cardinalis, vt conscientiam Archi-presbyteri terrefaciat, aut ipsum in desperationis voraginem præcipiter, nescio profectò quorsum comparationem eiusmodi instituat. Illud tamen certò scio neminem, nisi qui ipsorum poculo dementatus est, non vehementer miraturum, cum audierit Iuramentum obedientiæ ac fidei-
tatis erga Principem, cum apostaticâ abnegatione Dei Opt. Max. aut *Christi Domini* eiuratione in comparationem aliquando venire potuisse.

Sed vt omittamus differentiam
διεστὰ πρῶτον vtriusq; causæ (simulque æquiparationem illam satis præposteram Sancti *Petri* Ecclesiæ capitis,

tis, ut ipsi perhibent, & Papæ Apostatæ) miror eum uti voluisse hoc exemplo ^a *Marcellini*; cum frater eius ^b Cardinalis *Baronius*, itemque nouissima Conciliorum editio ^c *Binniana* toti huic historiæ fidem abrogare videantur. Aiunt enim & clare refutari posse, & probabiliter ostendi, historiam duntaxat obreptitiam esse; nisi quod (inquit *Baronius*) non facile recedendum esse putamus ab eâ sententiâ, quæ communihætenus consensu credita est.

Quod si liberæ essent coniecturæ, non recusasset, opinor, ne ipse quidem Cardinalis in eorum quos dixi sententiam pedibus concedere, nisi una & altera clausula eum remoraretur in Concilio illo ^d *Sinu-essano*, quippe ipsius institutis valde accommoda. Quarum prior hæc est: *Prima sedes à nemine indicatur*; Nec non altera consimilis, *Iudica causam tuam, nostrâ sententiâ non condemnaberis*. Verum enimvero, cur Concilium præsertim magnum, ut ille hoc appellat, trecentorum Episcoporum,

^a *Platina*
in vita
Marcell.
^b *Baron.*
anno 302
num. 96.
^c *Binnius*
Concil.
Tom. 1.
pag. 222.

^d *Vide*
Tom. 1.
Concil.
in Act.
Concil.
Sinu-ess.
sunt.

coporum, præter alios qui tum aderant, cogeretur, qui priusquam convenirent, certò scirent nihil se iure agere posse? Itaque & cum iam congregati essent, cuculorum duntaxat more eandem cantilenam suam sæpiùs iterabant, quòd *Prima sedes à nemine iudicatur*, & post tridui sessionem (longum profectò tempus magno in primis grauique Concilio) re infectà discessum est. Et tamen ita fingitur, septuaginta & duos testes contra ipsum productos, eosque Excommunicationi eius subscripsisse, & suo ipsum ore contra se pronunciassse *Anathema maranatha*. Quæ tam absurde contradictiones ut conciliari possint, ablegandus est mihi Cardinalis hic noster *Venetias* ad Patrē Paulū, qui in *Apologiā* suā aduersus oppositiones Cardinalis valde eruditè disseruit.

Sed ab vno Pontifice ad alterum transeamus. Nam quem locum in articulis Fidei ac religionis hoc iuramentum habeat, iam satis demonstratum est. Cur *Gregorium* Apostolum

a. *Apolog.*
Patris
Pauli ad.
uersus
opposit.
Be' arm.
Re sponso
ad locum
S. Grego-
rij.

stolum nostrum vocârit, nescio ; nisi fortè quòd *Augustinum* aliòsque cum eo monachos huc in *Angliam* legâuit, qui nos ad Christi fidem traducerent. In quo utinam qui hodie ei succedunt Pontifices, exemplum eius imitari vellent. Etsi enim diuinâ (vt quidem ait) reuelatione, eos in *Angliam* miserit ad regem *Ethelbertum*; tamen cum huc appuissent, nullam exercuerunt muneris sui partem, nisi pace permissûque Regis. Eodem modo Rex *Lucius* misit ad *Elautherium* *Gregory* antecessorem in Pontificatu, eiq; *Elautherius* varios vicissim delegauit Episcopos, qui omnes locum suum in hac prouinciâ Regis auctoritate obtinuerunt. Hi & ad fidem conuertere gentem nostram, & Regi parendum esse docuere. Quòd si hodierni Pontifices his insistere vellent maiorum suorum vestigijs, equidem nec transfugas alieni Principis foris exciperent, nec eosdem rursus domum remitterent (non solùm absque vllâ veniâ Principis,

*Greg.
Epist. lib.
11. cap.
42. Beda
Ecclesia.
Histor.
gen.
Angl.
lib. 1. c. 25*

*Beda Ec-
clesiast.
gen.
Angl.
lib. 1. c. 4*

cipis, verumetiam manifestò contra ipsius leges) cum consilijs proditorijs, & doctrinâ meram rebellionem spirante, ad subditos absolvendos ab obedientiâ suâ erga legitimum suum Regem & Principem. Neque verò tam crudeles essent erga sua ipsorum mancipia, ut cum his mercibus eos dimittentes, & suspectos eos Reip. redderent, & in certum vitæ discrimen adducerent.

Iam quod attinet ad Apostolum nostrum (quoniam quidem placet Cardinali hoc eum nomine insignire) equidem ita mihi persuadeo, rem utilem Ecclesiæ me facturum, si hunc vnum inodò fructum laboris istius mei percipere potuero, ut à Cardinale impetrem, ne finistrè deinceps agat in citandis Patribus, nec eorum dicta contra ipsorum mentem sensumue contorqueat. *Gregoriana* enim hæc epistola scripta est ad *Ioannem Panormitanum* in *Siciliâ* Episcopum; cui concessit vsum pallij ijs temporibus, eoque ordine

dine gestandi, quo *Siculi* sacerdotes & antecessores eius vti erant soliti, simulque cautionem hanc interponit; *Ne Apostolica sedis reuerentia ullius presumptione turbetur. Tunc enim status membrorum integer manet, si caput fidei nullâ pulsetur iniuriâ, & Canonum maneat incolomis atque intemerata semper auctoritas.*

Greg. E-
pist. lib. 11
cap. 42.

Iam verba ipsa expendamus : Scripta hæc epistola fuit ad Episcopum quendam, eoque fine scripta, vt pallij vsum ei indulgeret, quod inter Ceremonialia est, atque *Adiaphora*. Pontifici Romano gratum fuit, vt videtur, quòd pallium gestare non auderet, nisi veniâ à sede Apostolicâ prius impetratâ. Denique cautionem interserit eam, quam illa verba complectuntur, quæ ex *Gregorio* Cardinalis citauit. Quam quidem doctrinam tam longè abest nos vt oppugnemus, vt amemus probemusque vel maximè. Omnes enim ceremonias quas Christianus Magistratus & Ecclesia præscribunt ordinis

ordinis causâ, inuiolabiliter seruandas esse censemus: omninoque vbi in rebus eius naturæ & generis ipsi capiti & gubernatori non pareretur, fieri non potest, quin ad Tartaream confusionem præcipiti cursu membra ruant. Sed quod *Gregorius* illo vocabulo *Capitis Fidei*, caput se nostræ Fidei, aut religionis prædicauerit, consistere nullo modo potest cum reliquâ eius doctrinâ atque scriptis. Primum enim cum alius * *vniversalis Episcopi* titulum inuaderet, * *Gregorius* dicere non dubitauit, *Ego autem fidenter dico, quia quisquis se vniversalis Sacerdotem vocat, vel vocari desiderat, in elatione suâ Antichristum præcurrit*: qui tamen titulus longè infra eum est, quo quis *Caput Fidei* nominatur.

Porro cum offerretur idem ipsi *Pontifici Romano*, *Gregorius* hæc sunt verba repudiantis oblatum, ac detestantis: *a Nullus vnquam decessorum meorum hoc tam profano vocabulo uti consensit; b Nullus eorum [Ro-*
mano-

* *Ioannes*
Episcopus
Constantinopolitani-
anus.

* *Greg.*
lib. 4. E-
pist. 32.
lib. 6.
Epist. 30.

a *Greg.*
lib. 4.
Epist. 36.
b Idem
ibidem
epist. 32.

manorum Pontificum] *unquam hoc singularitatis vocabulum assumpsit, nec uti consensit.* ^a Nos [Pontifices Romani] *huius vocabuli gloriam oblatam non querimus.* Et, quæso, qui nomen vniuersalis Episcopi repudiabat, hic Caput fidei sese vocari æquo animo laturus erat? Nisi fortè eo sensu quem iam exposui; quem si ille sensum pertinaciter reiiciat, dabit mihi veniam vt id de vno nunc *Gregorio* dicam, quod ille de ^b *Nicol. Lyrano*, *Minus cantè locutus est*: vel quod ^c alibi de *Chrysostomo*, *locutus est per excessum.* Igitur vt Apostolum nostrum è manibus ipsius eripiamus, ad nósque reuocemus, vt noster porro sit in hac caussa, nō illius: est hoc quidem verum quod dicit hoc loco, sed eo tamen sensu quo dicit; Cū disturbare, aut imminuere, aut abolere molimini ius auctoritatēque Ecclesiæ, quæ penes Regem residet intra suas ditiones atque fines, caput eius abscinditis, summóque gubernatori iniuriam facitis, & totius

cor-

^a *Ibidem.*

^b *Bellar. de Pontif. lib. 2. cap. 10.*
^c *Idem lib. 2. de Missa. cap. 10.*

corporis compagem ac membra
dissoluitis. Atque vt hoc sic finia-
mus, petimus ab eo, vt ita existimet,
nos eam opinionē de Apostolo no-
stro *Gregorio* imbibisse, vt haud ali-
ud Papæ & Cardinalibus suggeri
salubrius nunc optemus, quam
quod Apostolus noster *S. Gregorius*
Sabinianum quondam rogauit, vt
Imperatori suggereret, totique Ec-
clesiæ, quæ istic fuit. Verba eius
hæc sunt; *Unum est quod breuiter*
suggeras Serenissimis Dominis ve-
stris, quia si ego seruus eorum in mor-
te Longobardorum me miscere volu-
issem, hodie Longobardorum gens nec
Regem, nec Duces, nec Comites ha-
beret; atq; in summâ confusione esset
diuisa. Sed quia Deum timeo, in mor-
tem cuiuslibet hominis me miscere
formido.

Greg. lib.
7. epist. 1.

Responsio
ad aucto-
ritatem
S. Leonis.

Atque ita cū loco ex *S. Grego-*
rio allato responderim, venio ad a-
lium Pontificem quendam, Apo-
stolum eius, Sanctum *Leonem*. Ac
quò magis intelligat, me non more
sophistarum contentionis causâ,
sed

sed studio duntaxat inuestigandæ veritatis, de prioribus citationibus eius, litem ei intendisse; fatebor hæc testimonia quæ ex *Leone* desumpsit, cuncta verissimè recitata esse, ac nec in verbis vsquam erratum, nec à sensu auctoris scopoque deflexum. Sed tamen concedat mihi oportet, vt hoc vnum addam (verè an secus, conscientiam eius imploro arbitram) quod *Cicero* olim de *Hortensio* dixit eloquentiam immodicè laudante, *Eum Eloquentiam in cælum laudibus extulisse, vt ipse cum eâ simul ascenderet*: id in *Leonem* iure quadrare, qui laudibus vsque ad astra Sanctum *Petrum* extulit, vt cum eo ascendente, ipse pariter * *Petri* hæres ascenderet. Fuit enim Sanctus *Leo* orator egregius, & eloquentiæ suæ viribus *Romanis* seruauerat, semel ab *Attila*, iterum à *Genferici* incendijs.

Aspergit item nonnullis eloquentiæ suæ flosculis etiam Sanctum *Petrum*, de quo alicubi ait ad hunc modum: ^a *Petrum assumpsit Domi-*

Leo in die anniuers. assumpt. ad Pont. Serm. 3. Idem Epist. 89. ad Episc. Viennens. Idem ibidem cap. 2

Cicero in Horten.

* Sic enim
st indige-
rat Ser. 1.
in die an-
niuers.
Assump.
Ex Bre-
uiario
Romano.

^a Epi. 89.

*nos in consortium individue Unitatis. Quæ verba cum finitima sint ei
 sententiæ quam Cardinalis ipse ci-
 tavit, quod exors sit mysterij divini,
 quisquis ausus est à Petri soliditate
 recedere; eum certè abstergere de-
 buissent, quo minùs ea quæ proxi-
 mè præcedunt verba, tanquam Ec-
 clesiæ, eiùsque Capiti honorifica
 recenseret, cum quæ immediate
 pòst insequuntur tam manifestò de-
 rogent Maiestati Divinæ. Acrur-
 sus: ^a Scripta humilitatis nostra (in-
 quit) auctoritate & merito Domini
 mei Beatissimi Petri Apostoli robo-
 rata sunt. Rursus; ^b Obtestamur, ut
 ea quæ à nobis Deo inspirante, & Bea-
 tissimo Petro Apostolo decreta sunt,
 servetis. Porro; ^c Si quid à nobis
 rectè agitur rectèque discernitur, si
 quid quotidianis supplicationibus à
 misericordiâ Dei obtinetur, illius est
 operum atq; meritorum, cuius in Sede
 suâ vivit potestas, excellit auctoritas.
 Et, ^d Petrus Apostolus ab ipso om-
 nium Charismatum fonte, tam copio-
 sis est irrigationibus inundatus, ut
 cum*

^a Epist.
 52.

^b Epist. 89

^c Serm. 2.
 in die an-
 nivers.
 Assump.
 sue.

^d Serm. 3.
 in die an-
 nivers.
 Assump.
 sue.

cum multa solus acceperit, nihil in
 quenquam sine illius participatione
 transferit. Denique aded studiosus,
 ne dicam ambitiosus fuit, in extol-
 lendo amplificandóq; ^a Sancto Pe-
 tro, vt sua mādāta Sancti Petri man-
 data esse, & ^b quicquid ipso præsente
 gerebatur, Petro præsente geri di-
 ceret. Neque verò incassum ei ce-
 cidit hæc omnis eloquētia quā vsus
 est. Contendebat enim id tempo-
 ris cum eo de Primatu Patriarcha
 Constantinopolitanus; Et in ^c Con-
 cilio Chalcedonensi, Episcopi sexcēti
 & plures, æqualem auctoritatem il-
 lius sedis Patriarchæ ascripserunt;
 nec prerogatiuam Romana sedis
 supra Constantinopolitanā vllō mo-
 do admiserunt; sed contra Leonem
 decretis suis suffragijsque pugnā-
 runt. Et tamen qui tantum Petro
 detulit, nihil Casari ademit, sed &
 honoris vocabula, & auctoritatis
 priuilegia ei cuncta attribuit, pote-
 statemque eius agnouit Concilij
 conuocandi arbitrari suo: vt hæc
 pauca è multis quæ subijciam loca
 manifestò

^a Epist. 24^b Epist. 4.^c Concil.
Chalce-
don. Act.
16. &
can. 28.

^a Epist. 9.
ad Theo-
dos.

^b Epist. 16
ad Flavi-
anum.

^c Epist. 17
ad Theo-
dosium.

manifestò arguunt atque euincunt.
^a Si pietas vestra suggestioni ac sup-
 plicationi nostra dignetur annuere,
 ut intra Italiam habere iubeatis Episc-
 copale Concilium. Itémque scribens
 ad Episcopum Constantinopolitanū,
 sic habet; ^o Quia clementissimus Im-
 perator, pro Ecclesia pace sollicitus,
 Synodum voluit congregari, quamuis
 appareat rem de qua agitur, nequa-
 quam Synodi indigere tractatu. Rur-
 sus; ^c Quamuis ad diem Concilij Episc-
 copalis, quem pietas vestra constituit,
 occurrere me nulla ratio permittat.
 Adeò scilicet hinc planum esse po-
 test, qui Petro tam prolixè omnia
 tribuit, Cesari tamen nihil inuidisse,
 neque iuris, neque prærogatiuæ
 suæ. Sed Cardinalis parum candidè
 agit in eo, quòd dum hæc omnia
 profert testimonia atque exempla,
 eaque satis perperam flexa & de-
 torta; tamen testes haud alios in
 medium producit, quàm Pontifices
 ipsos, de quorū causâ agitur: qua-
 si Papali suffragio Papalis auctori-
 tas satis validè confirmaretur.

Constantinam

Vnum

Vnum verò verbum, quod ab eo ponitur in mediâ quasi turbâ exemplorum, non sanè possum quin vehementer collaudem. Id autem hoc est: Omne genus supplicij, ipsâmq; adeò mortem Martyres tolerare oportere, potiùs quàm vt vnâ syllabam diuinæ Legis corrumpi sinant. Ad quam amissim si ipse se exigeret, & reliqui eiusdem fidei cum illo professores sese componerent; nec *Eucharistia* iam administraretur *sub vnâ specie* contra euentissimam Christi institutionem, contra praxin Apostolorum, vsûmque totius primitiue Ecclesiæ; nec verò *Misse priuata* successissent in locû *Cœnae Dominice*: nec verba *Cannâs Missæ*, verbis opponerentur S S. *Luca & Pauli*: in quo habemus aduersarium nostrum confitentem reum, & omnino negantem ea posse inter se conciliari: deniq; nec tanta humanarum traditionum in Ecclesijs eorum multitudo regnaret, quibus non solum par honos ac Dei Verbo, verum etiam multò maior habetur.

Bellar. de
Sacram.
Euchar.
l. 4. ca. 14

habetur. Sed hac vnâ in re vereor
ne non satis assequar eius sensum:
neque enim (credo) per *diuina dog-
mata* sua Verbum Dei celestis in-
telligit, sed tantum Canones leges-
que *Domini ac Dei sui Pape*: alio-
qui nec de *Primatu suo Sedis Apo-
stolica* tantoperè laboraret, cum
tam debili fundamento nitatur in
Verbo Dei.

Quod autem metuit tantopere,
ne aut *inopinata comprehensio*, aut
persecutionis acerbitas, aut *senectutis
imbecillitas*, aut alia quauis huius
generis difficultas, causa lapsus
Archipresbytero esse potuerit;
dixi equidem de hoc iam antea sa-
tis, demonstrauique id quod res est,
& quod ne *Blackuellus* quidem ipse,
sat scio, negauerit, qui adhuc viuit;
neque minis, neque precibus eum
inductum, sed sponte sua atque ar-
bitrio illud iuramentum liberrimè
suscepisse.

Iam verò inter reliquos quos ci-
tat auctores, nullo modo obliuiscen-
dum sibi esse putauit Sancti Sando-
ri,

ri, eiusque *Visibilis Monarchia*; quem ego hominem cum factis nonnullis suis leuiter paulò antè perstrinxi: omninoque quisquis simplice & oculo & animo eius libros euoluerit, iure existimàrit bene eum de Ecclesià suà Anglo-romanà meruisse: sed tamen ijdem homines non possunt non putare prorsus eum malè de Reginà suà Anglicanà, vniuersoque Angliæ regno meritum esse. Cui meæ de *Sandero* sententiæ testimonio sunt ipsius libri. Ex quibus excerpti pau- cas hasce sententias quæ sequuntur, tanquam flosculos ex odorifero illo sereto selectos.

^a *Elizabetha Regina officium sacerdotale in Anglià exercet docendi atque euangelizandi, non minori cum auctoritate, quàm Christus ipse, aut Moyses unquam fecerunt.*

^b *Fœminæ Primatus in rebus Ecclesiasticis non aliundo est, quàm à Diabolo.*

Porro de Regibus omnibus sic generatim pronunciat; *Rex qui*

F Pontificis

*N. Sande-
ri aureo-
le qua-
dam sen-
sentia.*

^a *Visib.
Monar.
li. 6. cap. 4*

^b *De cla-
ue David
li. 6. cap. 1*

De visib.
Monar.
li. 2. cap. 4

Pontificis auctoritati se subycere recusabit, nullo modo tolerandus est; sed omnem operam subditi dare debent, ut alius in eius locum quamprimum surrogetur.

Ibidem.

Et, Regem hereticum à regno quod in Christianos obtinet, remouere oportet, Episcoposq; omni ratione providere, ut alius quamprimum in eius locum succedat.

Ibidem.

Et, Merito asserimus quosunque Reges Christianos, in ijs qua ad Fidei negotia pertinent, ita Episcopis & Presbyteris subesse, ut cum in religionem Christianam post unam & alteram correptionem pertinaciter delinquentes perseuerauerint, ob eã causam à temporali suâ præfecturâ, quam in Christianos habent, per sententiam Episcoporum deponi & possint, & debeant.

Ibidem.

Et, Episcopi præsent regnis temporalibus, si talia regna subyciunt se fidei Christianæ.

De clau.
David
li. 5. cap. 2

Et, Potestas secularis, siue Regia, siue alia qualibet ex hominibus est.

Ibidem.

Et, Inunctio qua à sacerdote Regi confertur,

confertur, declarat eundem sacerdotem
minorem esse.

Postremo, Prorsus contra Christi
voluntatem est, ut Reges primatum
habeant in Ecclesia.

De clau
David
li. 5. cap. 4

Quod autem pro Coronide siue
Epilogo omnium exemplorum, par
Anglicorum Martyrum suorum sibi
recensendum esse ratus est, Morum
atque Roffensem, qui pro uno illo gra-
uissimo fidei dogmate, ut ipse quidem
asserit, capite luerunt, quod dogma
detrectatione Iuramenti Primatus
continetur; admonendus mihi est,
non satis eum quibusdam in rebus,
ijsque pernagni momenti, quæ ad
historiam prædictorum ipsius Mar-
tyrum attinent, edoctum fuisse. Li-
quet enim, & nihil est probatu faci-
lius varijs ex Archiuis, vtrumque
illorum in carcerem coniectum an-
num plus minus integrum, prius-
quam alteruter ipsorum in iudici-
um capitis de Primatu Pontificis
vocaretur; idque partim quod tar-
diores essent ad successionem Re-
giæ prolis confirmandam, cui iam

Examen
duorum
Marty-
rum Car-
dinalis.

a Cui no-
men Eli-
zabetha
Barton
Vide
Act.
Parl.

antea regni Ordines subscripserant; partim quòd eorum alter, nempe *Roffensis*, implicatus eo negotio renebatur, quod de ^a sanctà virgine *Cantianà* illis temporibus fortè inciderat, adeò vt propter belatas Pseudoprophetiæ illius fraudes atque imposturas, reus iudicatus sit Maiestatis, ob non detectam coniurationem.

Atque vt hæ præcipuæ fuere causæ cur in carcerem dati sint, Regem tum ne minimum quidem de Primatu suo sollicito, in quem regni Ordines tam propensos habebat, sed inprimis laborante, vt Sceptrum transmitteret ad prolem ex secundis nuptijs sibi natam: ita facile perspicere potuit, post primos in animis eorum gliscentes igniculos offensio- nis, paulatim eos magis magisque obduratos ad contumaciam contra Regem eiusque auctoritatem fuisse hac occasione; id quod rei exitus comprobavit. Promulgatâ enim legitimâ regis auctoritate in causis Ecclesiasticis interim dum ipsi in carcere

carcere versarentur, idque; tam per
vniuersum quoddam Cleri decre-
tum in Synodo, quàm per legem
Parlamentariam mox inde conse-
cutam; omnino tam peruersè tam-
que præfractè sese gesserunt in eâ
caussâ, vt sopitam iram Regiam, &
tanquam sub cineribus latentem,
nouâ hac peruicaciâ suâ non parùm
redaccenderint atq; irritârint. Vo-
cati sunt ergo in iudicium, idque
tum de hoc *grauissimo fidei dogmate*,
vt ille quidem appellat, super Pri-
matu Pontificis, tum de Regijs nup-
tijijs, & prolis exinde natæ successio-
ne: id quod ex confessione ipsius
Thomæ Mori plusquam manife-
stum est. Cum enim capitis iam
damnatus esset, pro tribunali stans,
Iudices in hæc verba allocutus est:

*Non ignoro cur me morti adiudica-
ueritis; videlicet ob id, quòd nunquam
voluerim assentiri in negotio matri-
monij Regis. Quæ ipsius confessio
id arguit, planumq; facit, magnum
hunc Martyrem non aliam causam
necis suæ arbitratum, quàm quòd*

*Historia
aliquot
Marty-
rum no-
stri secu-
li, edita
an. 1550.*

refractorium sese Regi in negotio nuptiarum & successionis præbuis-
set: quæ meo iudicio valdè carna-
lis causâ martyrij fuit.

Quòd autem ad *Roffensem*, *Mori*
scilicet in martyrio collegam, qui
Iuramētum Primatus modificatum
& temperatū non renuisset suscipe-
re; is vt nec solū, nec præcipuè
carceri mandatus est propter caus-
sam Primatus; sic & in martyrio
claudicans, & valdè sanè solitarius
ac desertus à suis, *pro grauissimo illo*
Fidei doctrinæq; *Capite*, mortē op-
petijt. Tota siquidē *Anglicana* tunc
Ecclesia, vno vt sic dicam impetu &
torrēte diuersam ipsi perrexit viam,
diuersūmq; sensit de illâ causâ; in
q^{ui}bus erant non pauci & iudicij
maturioris, & eruditionis longè v-
berioris, quàm *Roffensis*. Itaq; meri-
tò hac in causâ mutuabimur à Car-
dinale pro nostro præsidio, id quo
ille se tueri solet, cū inter alias Ec-
clesiæ notas quas cōmemorat, *Vni-
uersalitatem* ponit. Habemus enim
hoc loco vniuersalem atq; Catholi-
cum

cum Ecclesię *Anglicana* consensum nobis propitium atq; fauentē, vt apparet ex eo libro quem tota edidit *Convocatio Anglicana*, Institutionemque inscripsit hominis Christiani: vt omittam viros doctos priuatum non paucos, qui de eodem argumento eruditissimè disseruere, *Stephanum Gardinerum* in libro suo *De verâ Obedientiâ*; cui libro adiuncta est *Boneri Episcopi Prefatio*: itémque commentarium *De summo & absoluto Regis imperio* publicatum per *D. Bekinsaw*: nec non alterum *De verâ differentiâ Regiæ potestatis & Ecclesiasticæ*: Conciones *Tonstalli*, itémque *Longlandi* Episcoporum: Epistolam etiã *Tonstalli* ad Cardinalem *Polum*, aliãq; non pauca, & vernaculè scripta, & Latine. Quod nisi asper & impatiens præsentium animus in *Roffensi*, lætatus fuisset ambitiosâ expectatione Cardinalitij galeri, qui quidem *Caletum* allatus dicitur, quo tempore illi caput amputatum est, antequam petasum impleret; inducor

equidem coniecturis haud leuibus
vt credam, non nimis illum con-
stantem futurum Martyrem, nec
adeò facilè appetiturum pro illo
vno *grauissimo fidei Dogmate*.

Omninóque, hos duos Duces &
Antesignanos ad martyrium, per-
pauci è popularibus reperti sunt
qui sequerentur. Neque enim in-
figniore virum legimus quempi-
am, sed & de obscuris haud adeò
multos, qui sanguine suo *grane il-
lud fidei Dogma* híc in *Angliã* con-
firmârunt. Ita, si hinc, vera caussa
pœnarum quas pertulêre confide-
retur, (de quâ dixi satis antea) hinc
testium paucitas, qui *Dogma hoc*
tam *grane*, vt Cardinali nostro vide-
tur, eorum exemplum insecuti san-
guine suo obfignârunt; haud ita
magna gloria ad gentem nostram
Anglicanam redundare omnino po-
terit, solis hisce duobus tanquam
Enoch & Eliã contra Antichristia-
nam nostram doctrinam animosè
testificantibus.

Denique illud mihi compertum
est

est ex Verbo Dei (quod Verbum
 cetta sit oportet & indubitata a-
 mussis omnia explorandi, *graviora*
 præsertim fidei *dogmata*) ex Verbo,
 inquam Dei, mihi compertum est
 & defendi melius posse, & defen-
 sum semper iri, Regum Primatum
 munus esse eorum proprium, intra
 fines suos atque ditiones; quàm il-
 le suam defendet Regum Regijque
 iuris inminutionem cum verbis
 contemptus & irreuerentiæ plenis,
 quibus in eos utitur, semper qui-
 dem satis licenter, sed nominatim
 & in voluminibus illis prioribus at-
 que maioribus, & in nuper editis
 suis contra *Venetos* libellis. Sub ve-
 teri Testamento Reges haud dubiè
 a gubernatores erant Ecclesiæ intra
 fines suos: corruptelas^b purgauerunt:
 abusus sustulere: c arcam ad con-
 stitutum quietis locum perduxere:
 d arcam deportandæ ipsi præstultauere:
 e Templum f edificauerunt: ædifi-
 catum f dedicauerunt, & suâ præsen-
 tiâ opus consecrationis cohonestâ-
 runt: librum Legis è tenebris eru-

*Regum
 Primatus
 Scriptu-
 rarum
 auctori-
 tate con-
 firmatus.*

a 2. Chr.

19.4

b 2. Sam.

5.6

c 1. Chr.

13.12

d 2. Sam.

6.14

e 1. Chr.

28.6

f 2. Chr.

6.

a. 2. Reg. 22. 14.
 b. Nehe. 9. 38
 2. Reg. 8. 4.
 c. 2. Reg. 18. 4.
 d. 1. Reg. 15. 12.
 2. Reg. 18. 4.
 e. 2. Chr. 17. 8.
 f. 1. Reg. 2. 27.
 g. 2. Sam. 7. 14.
 h. Psalm. 82. 6.
 & Exod. 22. 8.
 i. 1. Sam. 24. 11.
 k. 2. Chr. 9. 8.
 l. 2. Chr. 6. 15.
 m. 2. Sam. 14. 30.
 n. 1. Sam. 13. 14.
 o. 2. Sam. 21. 17.
 p. Isa. 49. 23.

tum populo recitari^a fecerunt: fœ-
 dus inter Deum populūque^b re-
 dintegrarunt: ^c confregere serpen-
 tem æneum, quamuis & diserto Dei
 mandato erectum, & Christum
 Dominum suo modo figurantem:
 idola omnia Deosque falsos^d ex-
 terminauere, reformationes publi-
 cas^e instituere, conuocatis eo fine
 & congregatis promiscue sacerdo-
 tibus & laicis: ^f exauctorauerunt
 summum Pontificem, aliūque in
 eius locum subrogauerunt. In sum-
 mā, cuncta moderati sunt, quæ ad
 Ecclesiasticum regimen quoque
 modo pertinuerunt. Nec verò titu-
 li & notæ quibus insigniuntur ho-
 norariæ, ab his eorum actionibus
 discordant: vocantur enim & *Filij*
 & *Altissimi*, imò verò ^h *Dij*, & ⁱ *Vniuersi*
Domini, in *Dei solio* ^k *sedentes*, ^l *Fa-*
muli Dei, imò ^m *Angeli Dei*, *Facti*
iuxta ⁿ *cor Dei*, ^o *Lumina Israelis*,
P Nutricij Ecclesie, cum innumeris
 ex eodem genere titulis atque in-
 signibus honorarijs, quibus & Ve-
 tus vbique scatet Testamentum, &

aduersarius

aduersarius ignorationem nullam potest obtendere.

Quid in Nouo Testamento? *Omnis anima ijs subijci iubetur, idque propter a conscientiam. Orandum quidem & pro b omnibus sed precipue pro Regibus & in autoritate constitutis, ut sub ijs piam & pacatam, honestamque vitam degamus. c Magistratus Dei administer est ad ulciscendos facinorosos, innocentes autem atque probos remunerandos. Omnibus quidem obtemperandum est superioribus potestatibus, sed d potissimum Principibus, & in eminentia collocatis. e Reddere unicuique quod suum est, Timorem cui timor, amorem cui amor iure debetur. Date f Cesari quæ Cesaris sunt, Deo quæ Dei sunt. g Regnum meum non est huius mundi. h Quis me constituit Iudicem super vos? i Reges gentium dominantur eorum, vos autem non sic. Vtrum autem hæ sententiæ, hi tituli, hæ prærogatiuæ, cum alijs infinitis eiusdem notæ tum Veteri, tum Nouo Testamento comprehensis, satis magno*

a Rom.

13.5.

b 1. Tim.

2.2.

c Rom.

13.4.

d 1. Pet. 2

13.

e Rom.

13.7

f Mat. 22

21.

g Ioan.

18.36.

h Luc. 12

14.

i Luc. 12

25.

magno argumento sint Regibus
 Christianis, ad Ecclesiam intra fines
 suos, non minùs quàm reliquum
 populum gubernandam, vt qui cu-
 stodes sint vtriusque Tabulæ; non
 quidem novos articulos Fidei con-
 dendo (id enim Papæ munus est, vt
 diximus) sed efficiendo, vt Dei Ver-
 bo publicè obtemperetur, Religio-
 nem repurgando iuxta Diuinam
 voluntatem in Sacris literis patefa-
 ctam, & temporalem gladium in
 beneficium spiritualis potestatis di-
 stringendo, abolendo corruptelas,
 Ecclesiasticam auctoritatem san-
 ciendo, quæstiones friuolas, & schis-
 matum licentiam vel componendo,
 vel coërcendo tollendoque (quod
 a *Constantinus* factitauit) denique
decorum quoddam tuendo, & leges
 ac iura præscribendo de *Adiapho-
 ris* rebus omnibus ordinis gratiâ, ad
 quem solum scopum collimat hoc
 Iuramentum Primatus; vtrum, in-
 quam, hoc officium munusque Re-
 gium cum auctoritate consentiat,
 quam Diuinum Verbum ijs attri-
 buit,

a Euseb.
 lib. 3. de
 vita Con-
 stantini.

buit, an secus, quiuis æquus rerum æstimator iudicet. Sed qui possint hæc honorifica officia, insignes tituli, & prærogatiuæ, quas Deus in Veteri ac Nouo Testamento contulit in Reges, cum egregijs elogijs conuenire, quæ Bellarminus illis tribuit, non video. Cuiusmodi sunt hæc:

1. *Reges potius seruos esse quam Dominos.*

1. De laici, cap. 7.

2. *Quòd non solum subiecti sint Pontificibus, sed & Episcopis, sed & Presbyteris, atq. adeo etiã Diaconis.*

2. De Pontif. li. 1. cap. 7.

3. *Quòd Imperatorem non grauati bibere oporteat non solum post Episcopum, sed etiam post Presbyterum.*

3. Ibidem.

4. *Quòd Regum auctoritas atque functio non immediatè ex Deo descendat, neque ex iure Diuino, sed duntaxat ex iure gentium.*

4. Ibid. & de clericis cap. 28.

5. *Quòd Pontifices multos quidem Imperatores deposuerint; nemo autem Imperator aliquando Pontificem: imò verò quòd * Episcopis, qui mancipia sunt Papæ, deponere li-*

5. De Pontif. li. 3. ca. 16.

* De Roman. Pontif. lib. 5. cap. 8.

ceat

ceat Principes, & eorum leges rescindere.

6. De laicis cap. 18

6. Quòd Ecclesiastici homines tam longè supra Principes sint, quàm anima supra corpus.

7. De Pont. li. 5. cap. 8.

7. Quòd Reges deponi possunt per subditos suos ob multas causas.

8. De Pont. li. 2. cap. 26.

8. Pontifices nullo modo deponi posse : nemini enim mortalium permissum esse de ijs indicare.

9. De Pont. li. 4. cap. 15.

9. Obedientiam Papæ deberi propter conscientiam.

10. De clericis cap. 28.

10. Obedientiam autem Regi non alio respectu deberi quàm propter ordinem politicum.

11. Ibid.

11. Quòd ipsi illi homines Ecclesiastici, qui & nati sunt & degunt in Regnis Principum, non tamen sunt eorum subditi, nec ab ijs indicari possint ; ipsis autem fas sit principes suos indicare.

12. Ibid.

12. Quòd obedientia quam Clerici tribuunt Regibus etiam in minimis mereq; civilibus negotijs, non sit à necessariâ aliquâ subiectione, sed tantum ex discretionem, & propter observationem boni ordinis atque moris.

Has ego Contradiçiones & immane quantum discrimen, inter librum Dei & *Bellarmini* volumina inter se contuli, & opposui, vt contrarijs iuxta se positis, veritas magis elucescat. Porro illud fidens animi affirmauerim, quòd quicunq; candidè & absque partium studio irreconciliabiles hasce contradiçiones, quas modò posui, expendere voluerit; fatebitur haud grauatè, non magis Christum & Belial, lucem & tenebras, cœlum denique & inferos inuicem distare, quàm *Bellarminianum* iudicium de Maiestate Regum, à Diuino de ijsdem iudicio dissidet.

Ad conclusionem verò totius Epistolæ, quæ nervosis tantum & validis exhortationibus abundat ad persuadendum & confirmandum Archi-presbyterū in proposito patientiæ, constantiæ, ac deniq; martyrij, si opus fuerit, nihil habeo quod respondeam; nisi duntaxat vt deplorem tam multas sententias, tamque bonas, è sacra Scripturæ thesauro

fauro depromptas, nec malè profecto confutas inuicem atq; contextas, ad tam vitiosam causam tamque falsam accommodari. Sed nullum quantumuis speciosum integumentum, malam causam adiuuat; nec vnquam res mala lenocinio verborum fit melior. Vnde iure optimo in eum retorquere possim id quod de *stratagemate Satanae* nobis occidit: siquidem aut nullum Satanae stratagma est, aut hoc primum, eum tam sancta in specie cohortatio ad tam improbum negotium adhibetur. Id modo vellem, decorum illud hic studiosius seruasset; nec illi duæ tresue profanae voces inter tot graues ac sacrosanctas Scripturae sententias excidissent. Nec enim in tota Scriptura, ac praesertim in Nouo Testamento, legere me memini de *Pontifice Maximo*. Et hoc sanè Papae satis esse debet, ex instituto *Numa Pompilij* vsurpare hunc titulum, non ex *S. Petri* successione, cui nunquam ista Pontificalis dignitas, nec vigilanti nec somnianti

venit

venit in mentem.

De *Capite* autem *Fidei*, de quo memini etiam suprà; Apostoli, fat scio, nunquam illius nominis honorem cuiquam nisi Christo tribuerunt. Præstabat igitur omnino ne usurpâsse quidem eos titulos, qui partim in sacrâ Scripturâ nusquam occurrunt, partim in eo sensu quo ab illo accipiuntur soli Christo delati sunt, quàm tam sanctæ tamque graui Epistolæ illos inseruisse.

Sed vt huic tandem negotio finis imponatur, æquum & candidum quemq; lectorem vehementer obsecro, vt de duobus Breuibus Pontificijs, & de hac Cardinalis Epistolâ, non ex splendore verborum, sed ex rei pondere naturæque dijudicet: nec adeò quid vehementer obijciatur, quàm quid solidè ac iudiciôsè probetur, æstimare velit. Bonos autem & fideles meos subditos omnes hortor, vt permaneant cordibus in Veritate fundatis, nec transmarinis istis illecebris, à natiuâ pietate se abduci sinant. Omnes denique tam
subditos

subditos quàm exteros, qui in hanc
 nostram Apologiam fortè incide-
 rint, vt alieni à studio partium pru-
 denter de veritate sententiam fe-
 rant, prout hic à nobis candidè de-
 scripta est, ad discutiendas illas te-
 nebras mendaciorum, ac calumnia-
 rum, quæ in me contra ius fasque
 congestæ indignissimè fuerant: quæ
 solum finem nobis ista tum scriben-
 tibus, tum publicantibus fuisse pro-
 positum, vt credat benignus le-
 ctor, iterum atque iterum?

eum ex animo roga-
 tum volo.



